

INSTRVCTIONES

FRATRVM DISCALCEATORVM

CONGREGAT. S. ELIAE 338

Ordinis Beatissimæ Virginis MARIE
de Monte Carmelo.




ROMÆ, MDCXXX.

Apud Ludouicum Grignanum.

Superiorum permissu.

**Imprimatur, si videbitur Reuerendissimo P.
Mag. Sacri Pal. Apost.**

A Episc. Bellicastren. Vicefg.



***Imprimatur,*
Fr. Thomas Aquauina Socius Reuerendiss.
P. Fr. Nicolai Riccardij, Sacri & Apost.
Pal. Mag. Ord. Præd.**

3
IESVS MARIA. 338

F. FERDINANDVS

A S. MARIA
PRÆPOSITVS GENERALIS

Fratrum Discalceatorum Congr. S. Eliæ,
Ordinis Beatissimæ Virginis Mariæ
de Monte Carmelo,

VNIVERSAE CONGREGATIONI
Salutem.



N tibi, alma S. Eliæ Car-
melitarum Discalcea-
torum Congregatio,
Instructiones tamdiu
desideratæ, toties in
Capitulis expostulatæ, in lucem pro-
deunt, vbi vniuscuiusq. munera, ferèq.

A 2 om-

omnes regularis obseruantiaē actus
 vberriemè præscribuntur, quibus, in
 Definitorio Generali nostro hoc anno
 1630. die 2. mensis Ianuarij celebra-
 to, vltimam manum imposuimus,
 easq. typis mandare curauimus, vt fa-
 cilius ab omnibus præ manibus ha-
 beri, ac sedulò in morem induci, &
 obseruari possint, quod hortamur,
 præcipimusq., vt omnes vno animo,
 eisdemq. actionibus, ac norma Altissi-
 mo deseruientes, pace Dei (quæ om-
 nem exuperat sensum) in hac, & æter-
 na fruamur vita. Dat. Romæ in Con-
 uentu nostro S. Mariæ de Scala die 30.
 Maij MDCXXX.

F. Ferdinandus à S. Maria Præpos. Gen.

Locus † Sigilli.

F. Ludouicus à S. Francisco Definitor Gen. ac Sect.

IESVS MARIA.

340

INSTRVCTIONES

FRATRVM CARMELITARVM

DISCALCEATORVM.

PRAEVIS VISITATIONIS

SECTIO PRIMA.

Praeambula Visitationum.



VISITATOR, siue ex officio ei attineat Visitatio, siue ex commissione, pra oculis habeat, se Christi officio fungi, qui per viscera misericordiae suae visitauit nos; licet enim ad corrigendum, & dirigendum missus accedat, in spiritu lenitatis instruere debet subditos, & illuminare his, qui in tenebris sedent, & dirigere pedes eorum in viam pacis, & hoc imbutus spiritu debet docere, arguere, obsecrare, increpare, ut destruat vitia, & inobseruantias, ut

A 3

adi-

6 *Instructiones Fratrum*

ædificet, & plantet virtutem, sanctitatem, & amorē. Auctoritatem, aut commissionē suam perpendat, ne excedat, vel diminuat eam.

Non permittat, se honorificentius recipi, quàm Manuale nostrum præscribit, & honorem debitum cum humilitate recipiat.

Decens esset, breuiter aliqua verba spiritualia proferre, postquam obedientiam Fratres præstiterint, quæ paternum amorem, & desiderium profectus spiritualis indicent.

Si defatigatus ex itinere accedat, post horam recreationis per Constitutiones concessam, se cum Socio, vel Socijs, & paucis alijs colligat, suæ necessitati provideat, & voces, & colloquia inutilia Fratrum vitet.

Postquam requieuerit per aliquem diem, priusquàm Visitationem incipiat, curet Orationi, Choro, Refectorio, & alijs actibus communitatis assistere, ut opere incipiat suos docere.

Die, qua Visitationē incipere voluerit, hora orationis, si hyems fuerit; si verò æstas, vna, vel dimidia hora antè orationis horā solitā, signū dabitur eodem modo, & cū tot pulsationibus, quot pulsari solet ad Capitulum Conuentuale ordinarium, sed aliquantulum sedatiùs; & ipse ultimus accedens, genuflexus, & aliquantulum orās incipit *Hymn.* Veni creator Spiritus, &c. dictoq. *Ÿ.* Emitte spiritum tuum, &c. subiungit *Orationem* Deus qui corda fidelium, &c. post-

postmodum sedens exhortationem faciat, qua deuotione, & efficacia poterit.

Qua finita, si fuerit Delegatus, literas sue legationis faciat legere, postmodum præceptum scriptum clarè, & altè, vt in Constitutionibus præscribitur, legere faciat; si fuerit Generalis, vel eius Delegatus post illud verbû præcepti, aperiat, dicat sic; An in Superioribus huius Prouinciæ, vel in hoc Conuentu, vel Fratrequouis, &c. vt iacet in præcepto in Constitutionibus apposito.

Et ne Fratres Donati, & alij minus scientes errent, & modum excedant, exponat publicè communem correptionis fraternę doctrinam, quod accuratiùs efficiet erga singulos, quos interrogabit, antequam illi quidquam corripiendum deponant.

Postmodum præcipiat omnibus, ne durante Visitatione Domo exeant absq. expressa ipsius venia, quam pro rebus omninò necessa-

rijs solummodò concedet. Horam

præscribat, qua ordinatè ac-

cedere debeant ad depo-

nendum incipiendo

a maioribus.

* *

SECTIO SECVNDA.

*De Visitatione Sanctissimi Sacramenti,
& Altaris maioris.*

M Anè post impositum præceptum, sacrum faciat in Altari maiori, & ibi Sanctissimum Sacramentum visitet, & diligenter inspiciat pyxidem, quæ communioni deseruit, an Hostiolas frequentiz nostræ Ecclesiæ convenientes abundanter contineat, & inspiciat, & tentet coperculum, an strictè, & sigillatè claudat pyxidem, quæ in loco congruo, ut facilliter extrahatur, & claudatur, reponi debet.

An, si vltra hanc pyxidem, alia sit in altiori loco reposita, vbi vulgo reſeruatur, & adoratur ab ingredientibus Ecclesiam Sanctissimum Sacramentum, in qua Hostia maior conſervari debet ad exponendum apta (quando exponi necesse fuerit) cum aliquibus Hostiolis, ne si pyxis, quæ quotidie communioni fidelium deseruit, omninò vacua remanserit (ut frequenter evenire solet.) Hostiz desint ad communicandos eos, qui iam antè Altare ad communicandum conuenerant. Inspiciat diligenter Custodiam, vel Tabernaculum maius lapideum, vel ligneum intus, in quo reponuntur pyxides,

an

an benè clausa ; & tura sit sera, & mundum intus , & ita clausum , & benè compactum foris, 322
vt nequè formicula , nequè vermiculus aliquis ingredi possit, quod operiri debet vmbraculo, seu baldachino serico, coloris officio diei conuenientis, &c. si talis haberi possit .

SECTIO TERTIA.

De interrogationibus communibus .

Accedens Prior secum ferat scripta nomina, cognomina, ætatem, officia, & gradus singulorum , & Visitatori tradat . Ferat similiter libros actuum Capituli Generalis , & Definitorii Generalis, Capituli Prouincialis, & Definitorij Prouincialis, & videat Visitator, an acta sint in modum libri compacta , vt præcipit Constitutio , an aliqua desiderentur ; & omnia benè obseruentur , libros etiam Visitationum , & videat Visitator , an ordinationes à Visitatoribus præcedentibus factas obseruentur ; & an conueniat illas confirmare ; ferat similiter librum actuum Capituli Conuentualis , & videat , an actus Capituli in illo describântur, & subscribântur iuxta Constitutiones, & Instructionem libri actuum Capituli Conuentualis, Visitator ipsum Priorem, & alios omnes

examinet, & interroget, an charitas, & pax vigeant, & an sit aliquis querulus, & rixosus?

Quærat de tribus votis in commune, an exactè obseruentur?

An Regula, & Constitutiones legantur, & obseruentur.

Si horæ orationis, & vigiliæ noctis coram Sanctissimo Sacramento, & examina conscientiae exactè fiant.

Si diuinum officium sedatè, clarè, & cum pausa persoluatur?

Si Missæ deuotè, & cū pausa dicantur, & si in vnaquaq. dimidiū horæ, aut circiter infumatur, & Fratres diebus præscriptis communicent?

Si omnes ad Chorum, Refectorium, & cætera Communitatis officia conueniant?

Si Domum exeunt cū licentia iuxta Constitutiones consultis Discretis, & pro rebus necessarijs, & præscriptis in Constitutionibus?

Si in recreationibus exceditur modus, aut numerus?

Si sint aliqui nimium affecti parentibus, & de eis nimis cogitent, & velint in eorum negotijs se intromittere?

Si sint, qui frequenter cū secularibus agant?

Si aliquis in visitandis mulieribus est frequens, aut cum illis minus modestè, & religiosè se gerat?

SECTIO QUARTA.

323

De Priore poterunt inquire sequentia.

AN examinet spiritus Fratrum?
An, quando mittit foras Fratres, consu-
lat Discretos iuxta Constitutionem?

An visitet infirmos singulis diebus?

An eis provideat de necessarijs?

An sequatur communitatem in Choro, &
Refectorio, Victu, & Vestitu.

An frequenter exeat Domo.

An in expendenda pecunia obseruet Consti-
tutionem?

An Capitulū faciat singulis hebdomadibus?

An exhortationes sint de obseruantia Regu-
læ, & de perfectione monastica?

An corrigat culpas, & maximi faciat ob-
seruantiam?

An in Cella eius seruetur silentium; horis
præcipuè silentij magni.

An exercitia spiritualia faciat, & curet a
Fatribus fieri?

An visitet Cellas regulariter per se ipsum
post Completorium?

Ac demum, an in omnibus exemplum
obseruantix præbeat, & curet diligenter in-
om-

omnibus bonum commune conseruare , & augere .

SECTIO QVINTA.

*De Officialibus inquiri possunt sequentia ,
& primo de Suppriori .*

AN suum expleat officium iuxta instructionem Supprioris ?

An cum Priore conueniat , & illi vnitus sit ,
& exemplum alijs obedientiæ , & humilitatis præbeat ?

An Communitatem in omnibus sequatur ?

An de Fratribus iunioribus exactam curam gerat ?

De Procuratore .

AN suum sollicitè perficiat munus iuxta suam Instructionem ?

An in exequendis negotijs Conuentus , & sibi à Priore iniunctis sollicitè , & modestè se gerat ?

An difficilis sit in soluendo creditoribus ?

De Sacrista.

AN Sacristiam, Altaria, Ecclesiam, & ornamenta munda, composita, & ornata conseruet iuxta suam Instructionem?

An cum omnibus comiter, & religiosè agat?

An cum mulieribus nimis familiariter se gerat, & longa cum eis colloquia interferat.

An suis temporibus Ecclesiam claudat, & aperiat, & an colloquia, & gestus indecentes in Ecclesia fieri patiatur.

De Discretis.

AN faciles sint in dandis suffragijs ad exeundum Domo.

An perfectiora promoueant.

An Priori se opponant, & facilè ei contradicant.

De Magistro Nouitiorum.

AN exactam curam Nouitiorum gerat, & suo muneri satisfaciat secundum suas Instructiones.

Si nimium facilis est in recipiendis , & retinendis Nouitijs .

Si nimium difficilis in acceptando , & facilis in reijciendo .

An Communitatem in omnibus sequatur .

An orationi sit deditus , & mortificationem , & obseruantiam operibus , & verbis doceat .

An notabiliter alicui adhareat .

De Custode Cella Vinaria :

AN curam gerat secundum suam Instructionem .

An aliquos ducat ad bibendum , vel aliquibus melius vinum tribuat , vel sibi seruet .

De Custode Vestium .

AN mundam , & oroniam suam officinam teneat .

An equaliter omnibus necessaria distribuatur .

An omnibus ex eodem panno fiant vestes , tunicæ , & subligacula , si stramenta lectorum equaliter pro necessitatibus , & ætatibus singulorum distribuatur .

Si charitatiuè , & vrbanicè tractet , respondeat , & provideat Fratribus .

Si

Carmelit. Discalceat.

15

Si singulis hebdomadibus omnibus tunicas mundas tribuat, & alia iuxta suam Instructionem præstet.

342

De Bibliothecario.

Inspiciat Visitator, an fabrica, & fulcimenta, ubi libri reponuntur, sint iuxta nostras Constitutiones, & Instructionem Bibliothecarij disposita, si Index omnium librorum sit, requirat, & videat, scisciteturq. an pereant, si libri frequenter commodentur, si extrahantur, si absque necessitate in Cellis otiosè detineantur, & illos in Bibliotheca reponi iubeat.

De Ministro Culinae.

AN iuxta Instructionem suam se gerat, & nulli aliquid, singulare præstet absque Superioris venia. Et an paupertatis sit cultor.

De Ianitore, & alijs.

AN secundum suas Instructiones se gerant.

Dr.

De Visitatione Ecclesiæ, quæ fieri potest ante, vel post interrogationes.

Altare maius, quod lapideum, aut ex opere lateritio esse debet, perlustrabit, & requirer, ac videbit, an tribus mappis operum sit, ad minus sacer, qui in medio Altaris esse debet; quod Altare longum esse debet 12 aut 14. palmorum, aut circiter ex palmis, quibus vestes metimur. Sic Altare eleuatum, super duos gradus, quibus bradella adiungetur, altum quatuor palmorum cum dimidio prædictæ mensuræ, latum trium palmorum ad minus, vel longum ad proportionem Ecclesiæ, in quo sicut, & in omnibus alijs Altaribus Crux semper debet esse, nec sufficit Crux, quæ super tabernaculum figitur, nec quæ ab aliquo Angelo, vel Sancto, quasi trophæum tenetur.

Videat si bradella quatuor palmis cum dimidio lata sit, longa ad Altaris longitudinem

Si Altare gradum vnum ad minus habeat, supra quem candelabra sex ponantur in Altari maiori, in alijs duo; Altaria reliqua longa erunt nouem palmis cum quarto prædictæ mensuræ; alta quatuor palmis, aut quid parum magis.

Non

Non permittat Altaria lignea vacua nō vndiq. clausa, subtus quibus quis possit se, seu alia abscondere.

Perlustrer totā Ecclesiam, inspiciat, an munda, & composita sit, si fores Ecclesiæ fortes sint, & temporibus debitis claudantur.

Inspiciat si Capellæ claræ sint, si loca recondita aliqua, vel obscura, vbi quid latere possit, illa claudi faciat, aut decenter disponat.

Visitet attentè Confessionaria, si sint patenti loco, si cancelli, seu crates per quas pœnitentes audiuntur aptæ, strictæ, & honestæ sint, & iubeat, vt sedes Confessionarij aliquo modo claudantur; decet enim non communem esse sedem tanti Sacramenti.

Obseruet Sepulchra, an ordinatè sint disposita, si in proprio alicuius Sepulchro alieni sine eius scitu sepeliantur, & maximè si in Sepulchris nostris alij sepulti sint, corpora extrahi iubeat, nisi fuerint Prælati Ecclesiastici, & prohibeat ne vllus, nisi in communi, aut in proprio Sepulchro, sepeliatur.

Quærat, si sit liber, in quo describantur omnes, qui in Ecclesia nostra sepeliuntur; & si deposita fiant, notetur locus, & capsæ, in qua sepeliuntur.

Deniq. totam Ecclesiam, & Chorum, Altaria, Picturas, Pavimentum, Fornicem, seu Contignationem, Fenestras, & omnia, quæ

B

pro

pro conseruatione Ecclesiæ , & cultu diuino necessaria censuerit, instaurare, & conseruare procuret, & si de nouo fabricanda sint, omni meliori modo disponat, notando omnia, quæ facienda duxerit. Sacristiam diligentissimè inspiciat, & consideret armaria, sacras vestes, mappas, lintheamina, & omnem suppellectilem pro vsu diuini cultus, & ornatus, præcipuè calices, pixides; omnia quæque vetera; & consumpta renouari præcipiat, cuppas calicis, & patenas denuò deaurari si vsu exauratæ fuerint, lampades quomodo depositæ sint, & si accensæ conseruentur: aduertat maximè si Altarium palia, casulæ, pluuialia, albæ, & mappæ nostræ Constitutioni, & paupertati conformia sint; si lacera, & scissa sint, eis non vtantur, & refici ordinet; omnia enim integra, munda, & decentia ad cultum diuinum esse debent.

Requirat librum, vbi notata sint omnia suppellectilia Sacristiæ, & per se, vel per Socium certior fiat an omnia conseruentur, vel deperdita sint, vel consumpta, & notam faciat Visitator in ipso libro status dictorum mobilium. Præcipuè inquirat, si integrè satisfiat Missis, quæ dici debent quotidie, & singulis hebdomadibus, mensibus, vel annis, tam pro viujs, quam pro defunctis, videat, & legat tabulam, siue album, vbi perpetuè Missæ notatæ sint, & si à
tergo

tergo distinctè notentur dotationes singularum Missarum, quantum pro vnaquaq. eleemosina respondeat, super quæ bona, aut census, aut loca montium assignata sit eleemosina in hunc modum, videlicet, in fronte.

Monumentum Missarum, quæ celebrari debent in hac Ecclesia nostra Sancti N.

Pro anima Iulij N. missa vna quotidie (si fundauerit Capellam) dicatur in sua Capella, quæ est Sancti N.

Pro anima Annæ de N. qualibet hebdomada tres Missæ, videlicet feria N. feria N. & feria N.

Pro anima Ioannis de N. quolibet mense, vel quolibet anno Missæ.

A tergo verò in eadem Tabula.

Pro Missa quotidiana D. Iulij N. est assignata eleemosina ab ipso vel ab eius hærede in tot locis montium talis erectionis, vel census super domum talem, &c.

Pro tribus Missis D. Annæ de N. assignata est eleemosina tot locorū montium talis erectionis vel census super tale stabile; si Anniversarium aliquod celebrandum erit, eodem modo notandum erit, & pro memoria conseruanda, & breui Visitatoris notitia habenda. Instrumenta verò authentica in arca trium clauium asseruanda erunt.

pro conseruatione Ecclesiæ , & cultu diuino necessaria censuerit, instaurare, & conseruare procuret, & si de nouo fabricanda sint, omni meliori modo disponat, notando omnia, quæ facienda duxerit. Sacristiam diligentissimè inspiciat, & consideret armaria, sacras vestes, mappas, lintheamina, & omnem suppellectilem pro vsu diuini cultus, & ornatus, præcipuè calices, pixides; omnia quæque vetera, & consumpta renouari præcipiat, cuppæ calicum, & patenas denuò deaurari si vsu exauratæ fuerint, lampades quomodo depositæ sint, & si accensæ conseruentur; aduertat maximè si Altarium palia, casulæ, pluuialia, albæ, & mappæ nostræ Constitutioni, & paupertati conformia sint; si lacera, & scissa sint, eis non vtantur, & refici ordinet; omnia enim integra, munda, & decentia ad cultum diuinum esse debent.

Requirat librum, vbi notata sint omnia suppellectilia Sacristiæ, & per se, vel per Socium certior fiat an omnia conseruentur, vel deperdita sint, vel consumpta, & notam faciat Visitator in ipso libro status dictorum mobilium. Præcipuè inquirat, si integrè satisfiat Missis, quæ dici debēt quotidie, & singulis hebdomadibus, mensibus, vel annis, tam pro viuīs, quam pro defunctis, videat, & legat tabulam, siuè album, vbi perpetuæ Missæ notatæ sint, & si à
tergo

tergo distinctè notentur dotationes singularum Missarum, quantum pro vnaquaq. eleemosina respondeat, super quæ bona, aut census, aut loca montium assignata sit eleemosina in hunc modum, videlicet, in fronte.

Monumentum Missarum, quæ celebrari debent in hac Ecclesia nostra Sancti N.

Pro anima Iulij N. missa vna quotidie (si fundauerit Capellam) dicatur in sua Capella, quæ est Sancti N.

Pro anima Annæ de N. qualibet hebdomada tres Missæ, videlicet feria N. feria N. & feria N.

Pro anima Ioannis de N. quolibet mense, vel quolibet anno Missæ.

A tergo verò in eadem Tabula.

Pro Missa quotidiana D. Iulij N. est assignata eleemosina ab ipso vel ab eius hærede in tot locis montium talis erectionis, vel census super domum talem, &c.

Pro tribus Missis D. Annæ de N. assignata est eleemosina tot locorū montium talis erectionis vel census super tale stabile; si Anniversarium aliquod celebrandum erit, eodem modo notandum erit, & pro memoria conseruanda, & breui Visitatoris notitia habenda. Instrumenta verò authentica in arca trium clauium asseruanda erunt.

Visitet insuper Reliquias , testimoniaq. eorum , & receptionis authenticæ , & si veras esse non constiterit, prohibeat eas exponi , maxime in Altaribus, & multò minùs officium de ipsis fieri. Consideret, an in techis honestis integrè , & securè decenter seruentur.

Aduertat locū , vbi est fons pro lotione manuum , & crepidæ ad celebrandum sumuntur, debere esse extrâ , & propè Sacristiam , vel in parte aliquantum remota , vbi mappæ mundæ pro absterfione manuum antè, & post celebrationem appensæ sint .

Si Sacristia subtus vacua non sit, & pauimentum supra fornicem constructum , ordinet vt quamprimum fiat, si omninò fieri potest : si sit impossibile, pauimentum palmo vno à terra eleuetur, & inter pauimentum , & terram materia aliqua sicca ponatur , vel vacuum relinquantur .

De Visitatione bonorum , & reddituum Conuentus in communi .

Inspiciat si sit arca trium clauium , & tribus claudatur seris , & claues apud Priores , & Discretos cautè custodiantur.

Si ibi mittatur omnis pecunia , quæ quamcumq.

eumq. ob causam Conuentui obuenerit, si inde extrahatur iuxta Constitutiones, & Procuratori numerata tradatur.

Si dati, & accepti computa fiant singulis Mensibus, examinet, & conferat computa, & attentè consideret, si expensæ sint nostræ paupertati conuenientes, & ad hoc inspiciat librum quotidianum expensarum tam pro victu, quam pro fabrica, & alijs rebus, notet in libro Visitationis introitum, & exitum ab vltima visitatione (& si fuerit Visitator generalis) videat etiam computa facta per Prouincialem in sua visitatione antecedenti.

Si instrumenta, & pacta, quæque ibi conseruantur, sint in vno libro simul ligata, & collecta, ne pereant.

Si debito aliquo, vel pluribus oppressum Conuentum inuenerit, curet, vel expensas moderari, & à fabrica (si aliqua fiat quæ excusari possit) abstinere, vel si plures Fratres ibi sint, quam necessarij, eos aliò mittere, vel alio modo debita solui curet.

Intelligat si in Conuentu asseruentur deposita aliqua pecuniarum, vel vtenfilium sæcularium, & si sint personæ decoctæ, vulgò fallici, vel non volentes soluere, curet, vt è Conuentu pacificè remittantur, & præcipiat, ne in posterum recipiantur, nisi valdè rarò, & cum maxima cautela, & pertinentia ad personas

de Religione benemeritas , & tunc de consensu Capituli , nisi res sint parui momenti .

SECTIO SEXTA.

Postquam omnes officinas , locaq. Monasterij perlustrauerit , & omnes Fratres examinauerit , conferat depositiones singulorum : ordinarias autem , & frequentiores transgressiones Regulæ , & Constitutionum , & à quibus perpetrantur , notet , disponatq. per ordinem in albo quæ unicuiq. animaduertenda duxerit , notetq. pœnam , vel pœnitentiam debitam , quàm ex Constitutione depromere curet .

Si duo minùs de aliquo culpâ animaduersione dignam denunciauerint , alios interrogabit , & exactius de ea intelliget , vt de remedio efficaci prouideat .

Colligat se ipsum , & primum suas culpas , & subditorum recogitet , enixè oret pro illis , & pro se vt Dominus aperiat os eius , & linguam regat ad proferendum rectum sermonem , sanctum Deo placentem .

Exhortationem meditetur , & disponat efficacem , & breuem ex Deo , coram Deo , & in Christo de obseruantia regulari , & ad eius perfectionem Fratres hortetur , & accendat .

Sum-

Summo mane, vel serò, antè, vel post Com-pletorium signum ad Capitulum dare faciat. 318

Postquam omnes accesserunt, ipse Visitator accedat, & genuflexus aliquantulum oret, dictoq. *Hym.* Veni creator Spiritus, ut moris est, *V.* Emitte, &c. *Oratione* Deus qui corda fidelium, &c. surgit antè Altare Capituli ad Cornu Euangelij sedensquè suam incipiat exhortationem. Qua finita (incipiens à Fratribus Nouitijs, tam Choristis, quam Donatis, qui omnes simul còuenientes in Capituli mediũ ordinatè hinc indè facie ad faciem versi se prosternunt, & dato signo, erecto capite genuflexi remanent) Visitator eos de defectibus còmunibus priùs, deindè de particularibus à maioribus incipièns admoneat, & si quem defectũ particularem in aliquo deprehenderit, aut frequentius communem còmisisse, illum particulariter admoneat, & particularem pœnitentiam imponat, & dato signo omnes terram osculantur, surgunt, & genuflexi scapulare Visitatoris deosculantur, & à Capitulo exeunt.

Quod si non iudicauerit conueniens, ut ipsi Nouitij audiât exhortationem, illos antè ipsam dimittat, ut suprà dictum est.

Post exhortationem, vel si Nouitij exhortationi interfuerint post Nouitios dimissos accedunt Donati professi, & expediuntur, ut de Nouitijs dictum est.

Postmodum accedunt Fratres Choristæ, & expediuntur, vt supra de Nouitijs, & Donatis professis dictum est.

Deindè Patres Sacerdotes non Capitulares, & Hospites, si qui vocati à Visitatore interuenerint, expédiantur.

Demùm accedunt Patres Capitulares, sed priùs Prior, vel Vicarius canonicus genuflexus suam audit monitionem, stantibus interim omnibus Patribus propter reuerentiam, sui Superioris, qua finita surgit, deosculatur Scapulare, & sedet suo loco.

Post illum accedunt Patres, bini, & bini, & eodem modo suas audiunt monitiones humiliter, & pœnitentias libenti animo recipiunt, quibus omnibus expeditis, Visitator si aliquas ordinationes, seu acta proferre voluerit, ea legenda tradat Secretario, vel Socio suo.

Postea ad sonum Campanæ conueniunt omnes, & disciplinam recipientes, absolutionem accipiunt more solito, & Visitator Indulgentias solitas concedit.

Ac demùm ipse leniter confitens suam insufficienciam, & se dignum ab omnibus visitari, eos amplectetur cum magnis charitatis signis.

Si culpam in aliquo grauiorem, vel granissimam, (quod Deus auertat) deprehenderit, pleniorē informationem facere debet, in primis

mis eisdem testes denunciante denuò sub iuramento (medio Secretario, qui vices Notarij gerat) examinando, & ratificando, & alios ab ipsis nominatis adhibendo, & si contestes inuenerit, vel saltem vnum de visu, & alios vehementem suspicionem probantes, Reum ad se vocabit, & accepto ab ipso iuramento confessionem eius audiat, si confessus fuerit, eum ad audiendam sententiam citabit, & ipsi pœnam à Constitutione taxatam imponet.

Si autem non confessus fuerit, & vnus tantum testis contra ipsum deposuerit, defensiones eius audiat, & si non se plenè purgauerit, citato ad audiendam sententiam, ferat eam, & pœnam ei extraordinariam imponat mitiorem ordinaria arbitrio suo.

Si verò negauerit, & defensiones petierit, eas illi concedat, & testes ab ipso delatos sub iuramento examinabit, & tandem secundum allegata, & probata sententiam ferat.

Si ex delicto scandalum publicum exortum fuerit, coram omnibus Capituli Patribus sententiam ferat, sin minus coram duobus Patribus illi benè affectis.

De hisculpis, si fuerint, antè vel post Capitulum publicum agere, & examinare poterit Visitator; si pœna fuerit reseruata Definitorio, & ipse ab ipso Definitorio auctoritatem

non

non habeat factò iuridicè processu illum mittat ad Definitorium .

Per aliquot dies post Vistationem in Conuentu morabitur : prout ad Fratrum solatium in Domino arbitrabitur expedire , & singulos priuatim alloquetur , eorum spiritum examinabit , omnesq. in Domino solabitur ; Quod si Vistator fuerit à Præposito Generali, vel Prouinciali missus scribat illi de ratione status , in quo reperit , & relinquit Conuentum .

Vistator Generalis conueniat cum Prouinciali , vt in vltimo , vel saltem in aliquo ex vltimis Conuentibus visitandis simul adsint , vt ibi cum monere possit de ijs, quæ pro Prouinciæ promouendo bono, vel malis arcendis monèda iudicauerit , & similiter ipsius culpas , si quæ fuerint , ad subditorum ædificationem coram Patribus Capitularibus, antè Priorem tamen, media charitate corripiat . Si verò aliqua culpa non omnibus nota in eo inueniatur, non publicè, sed priuatim coram illis , qui magis ei afficiuntur, corripiat .

Præpositus Generalis , & quilibet alius Vistator, cum Monasteria studiorum visitabunt, de studentium progressu periculum faciant , & ob ingenij tarditatem , aut culpis improbatos à scholis amoueant ; aduertant tamen, quod ob ingenij tarditatem non faciliè amoueant bonis moribus præditos , obseruantes ,

& vir-

& virtuosos Religiosos, benè quidem, & sine vlla dispensatione inobservantes, & imperfectos, licet aliàs ingenio polleant, quippè qui sine virtute maximum inferre possunt damnum Religioni. Explorabunt, an circa doctrinam quæ in Secunda Parte nostrarum Constitutionum ordinata sunt observent, omnemq. eius generis culpam seuerè puniant, novitatumq. amatores à Scholis arcebunt.

SECTIO SEPTIMA.

Visitor Monialium ex ijs, quæ dictæ sunt seliget ea, quæ pro illis necessaria videbuntur.

Et præterea videbit, an clausura sit vndiq. sufficiens, non solum quoad exitum, sed etiam quoad prospectus, scrutabiturq. Portam regularem, an habeat duas seras, quarum claves apud Priorissam, & Ostiariam servabuntur.

An porta aperiatur, sicut oportet, à duobus, quando aperienda est.

Rotas Sacristiæ, & Portarum intus, & foris benè prospiciet, an fixuras, vel foramina habeant, vnde videri, vel videre possint Moniales, aut verò manus hinc inde mitti possint.

Idemq. & in Confessionarijs diligenter inspiciet.

Fenestellam, qua Monialibus venerabile
Sacra-

Sacramentum ministratur, visitabit, ac videbit si decenter, ac reuerenter teneatur.

Et sciat, an aliquando ibi confessiones audiantur.

An aliqua de causa aliquando ibi loqui permittatur, & si quid in hac parte inuenerit strictè prohibeat, & defectus, si quos in hoc inuenerit, acriter corripiat.

Sciat si Moniales nimium Confessarios destineant, si Confessarii eas in orationis, & mortificationis spiritu, & inobseruantia promoueant, & si ad Rotas cum Capellanis, aut Factoribus, aut Ancillis, quas foris habent, nimium commorentur.

Sciat an Priorissa, quando propter infirmitatem carnibus vescitur, ijs vescatur in mensa infirmarum, an verò in mensa transversali, & in suo proprio loco, & ordinet in hoc obseruari quod apud nostros Religiosos obseruatur.

Exhortationem tam in principio, quam in fine Visitationis ad crates faciat, primæ verò assistat Socius, qui legat præceptum, secundæ nullus adsit, nisi Visitator caleat linguam Patriæ, & cogatur habere interpretem.

Moneat, & si opus fuerit præcipiat post Visitationem tam Fratrum, quam Monialium, vt nemo loquatur de ijs, quæ dicta sunt in Visitatione, sed vnusquisque cogitet de emendatione culparum sibi impositarum.

In-

Instructio ad faciendas informationes iuridicas in causis Criminalibus Religiosorum.

D Vabus vijs proceditur in Religionibus ad faciendas informationes in causis criminalibus.

Prima via, ex officio si est Prior, aut Vicarius alicuius Conuentus, in quo commissum fuit aliquod graue delictū, tunc enim cōpetit Prioribus, seu Vicarijs facere informationes, si ad eorum iurisdictionem pertineat delictum, sicut etiam in causis vrgentibus, & vbi periculum esset in mora, tanquam Generalis, vel Provincialis delegati possunt conficere processum, & de consilio Discretorum Conuentus ad custodiam, vbi fuga timetur in carcerem detru dere, & deindē Superiorem, ad quem pertinet, certiore facere: si autem non sit periculum in mora, nec timeatur aliquod graue inconueniens, nec ad eorum iurisdictionem pertineat delictum, monebunt Superiorem, ad quem pertinet, vt ipse disponat quid faciendum sit.

Secunda via ponitur inferiūs.

De initio Processus.

IN casu prædicto incipit Superior, ad quem spectat, processum exponendo id, quod commissum fuit, quo in loco, quo die, mense, & anno, & concludat dicendo, quod cum ex eo ortum sit scandalum, ut procedatur secundum ordinem iustitiæ, præcipit in virtute Spiritus sancti & sanctæ Obedientiæ, & sub præcepto vnicuique Religioso prædicti Conuentus, cui tale præceptum notificabitur, ut eum iuramento dicat quod scit circa ea, de quibus interrogabitur coram ipso, & coram P. N. quem nominat Secretarium in tali causa, in quorum fidem subscripsit hæc suo nomine, & sigillo officij sui muniuit, & sic subscribant.

Tunc formabit interrogatorium, incipiens à cognitione ipsius Rei, & an testem afficiant exceptiones generales, deinde per reliqua interrogatoria disponet casum cum suis circumstantijs, & scandalum, petatque in singulis interrogatorijs, ut dicat testis, quod nouerit, & quomodo nouerit: ad interrogatoria autem, quibus poterunt testes respondere, an sit publicum, & notorium id, quod deponunt, petatur id ab eis, & ipsi dicant quod scient.

Aduertat autem informationem capiens, se non posse villo modo interrogare de vlla re particulari.

352
ticulari, de qua reus non sit infamatus, vel præcesserit insinuatio clamorosa extrâ eos casus, qui directè tendunt in damnum notabile boni communis, in quibus ad faciendas informationes non est necesse, quod præcesserit infamia, neque prædicta insinuatio.

Infamia intelligitur tunc esse, quoties sparsus est rumor legitimus de delicto apud viros honestos, & bonos, qui verò similiter illius noticiam habere possunt. Insinuatio clamorosa est, quando delictum frequenter Iudici, aut Prælato denunciatum est à multis extrâ iudicialiter.

Formatis interrogatorijs, & à Iudice subscriptis ad ipsorum calcem Secretarius scribet acceptationem sui officij, & se perfecturum munus suum meliori modo, quo poterit, & statim procedatur ad examen tertium, sicut mox dicetur.

Hæc est prima via, qua proceditur ex officio ad faciendas informationes iuridicas.

Secunda via est, ex commissione Superioris, in qua valdè consideranda sunt ea, ad quæ tantummodo se extendit, & an aliquod præceptum notificandum in ea feratur, an habeat interrogatoria disposita, secundum quæ procedendum est in examine, vel si ipsorum dispositio ad eum remittatur, cui facta est talis commissio: an commissio data sit tantum ad examinandos

nandos testes, an etiam ad examinandum Reum, & exigendam eius confessionem, & exhibendos illi articulos, & admittendas eius defensiones, vt ita Commissarius neque minus, neque plus agat, quam data commissio requirit. Hæc commissio modo, quo venerit, ponenda est in initio processus, ad cuius calcem, vel si in ea disposita sint interrogatoria, ad calcem, ipsorum scribat Commissarius (notando diem, mensem, & annum) se acceptare talem commissiõem, & ea vsurum secundum ius, & nominet Secretarium in tali causa (nisi fortè in eadem cõmissiõne nominetur) & proprium nomen subscribat. Secretarius verò scribet, se acceptare tale munus (sicut supra dictum, est) & acceptionem proprio nomine subscribet, & ita ad examen testium procedatur.

De examine Testium.

Testes examinandi sunt singuli seorsim notificando eis præceptum Superioris ordinarij, vel delegati, & accepto ab eis iuramento (aduertendo tamen, quod in causis criminalibus, de quibus hic agitur, non est recipiendum iuramentum, neque sunt examinandi testes diebus Dominicis, & Festiuis) scribet igitur Secretarius in hac forma.

Die N. Mense N. Anno N. vocatus fuit in-
testem

testem præsentis informationis. N. Religiosus professus nostrę Congregationis, qui, cum ei notificatum esset præceptum suprapositum, iuravit in verbo Sacerdotis (si fuerit Sacerdos) tacto pectore, vel (si non fuerit Sacerdos) iuravit Deo manu supra Crucem posita, se dicturum veritatem circa ea, de quibus in interrogabitur, & examinatus iuxta interrogatoria, dixit, ac respondit quę sequuntur.

Ad primum interrogatorium dixit, se cognoscere N. prædictum à tanto tempore, in tali loco, in quo cum illo conuixit, aut conuersatus est familiariter, vel propter aliam causam, & quod non afficitur aliqua ex exceptionibus generalibus, scilicet, quod non est consanguineus, amicus, vel inimicus Rei, non mente captus, non infamis, nec vnquam fuisse perjurum, nec vllum defectum habere canonicum.

Ad secundum interrogatorium dixit Testis, quod ipse scit circa illud esse hoc, & hoc, quod scit, quia vidit, aut audiuit communiter, & publicè, & in particulari ab N. & N. semper autem necessarium est, vt Testis dicat causam scientiæ, & si est Testis ex auditu, debet nominare à quo, vel à quibus audiuit, vt ita notum sit quantam fidem faciat, & constet, an fama originem habuerit à viris honestis, & fide dignis.

Circa interrogatoria verò, ad quę negati-

C uē

uè responderetur, videlicet, an sciat N. Apostolus tam, ex quo discessit à Conuentu, aliquando præsentasse Religioni, &c. non sufficit Testis respondere se nescire, non enim facit fidem quod asseritur ignorari, sed quod scitur; ideo debet respondere affirmatiuè, scilicet, scire, nunquam, N. se præsentasse, & causam scientiæ dicere, quia videlicet, si se præsentasset, benè sciret, sicut similia, cum accidunt statim sciuntur, &c. vel saltem, si negatiuè respondet, se nescire, an N. se præsentauerit addat, se nihilominus certò credere, quod N. non se præsentauerit, nec comparuerit, quia se præsentasset, omninò sciuisset propter hanc vel illam causam. Modus autem iste respondendi æquiualeat affirmationi, & suauior est ipsi Testi, cum pauci sint, qui ad similes interrogationes possint affirmatiuè, & absolutè respondere.

Ad vltimum interrogatorium dixit ea, quæ deposuit publica esse, & notoria (si ita sint) publica voce, & fama in prædicto Conuentu, & hæc vera esse, seq. nouisse asserit cum iuramento, quod præstitit, cum ei lecta fuissent omnia, quæ deposuit, & ratificauit, dixitq. esse ætatis tot annorum, propriumq. nomen subscripsit: & ideo, antequam ista subscribatur, oportet, vt ipsi prius lecta sit eius depositio, & eam ratificauerit. Ad calcem cuius
cumq.

cumq. testimonij subscribere debet proprium nomen Iudex, Secretarius, & Testis, qui si nesciat scribere, pingat Crucem in hac forma ✠, & alius subscribat pro ipso nomen suum proprium, non verò nomen Testis.

De Confessione Rei.

Secretarius coram Iudice notificabit Reo præceptum, quod afferet scriptum, & subscriptum, in quo Iudex illi præcipit, ut sub iuramento respondeat, & dicat veritatem clarè, & sincerè circa ea omnia, de quibus interrogabitur, postquam verò ab eo receptum est iuramentum, ipse Iudex faciet interrogationes ordinarias, videlicet, quomodo vocetur? unde sit? an sit professus? in quo Conuentu? à quo tempore? quare sit reclusus? &c. deinde cum distinctione, & sigillatim interrogabit de ijs, quæ in informationibus plenariè probata sunt, & etiam de ijs, quæ in eisdem semiplenè sunt probata, quod continget, quando de ijs, de quibus Reus laborat infamia, erit Testis aliquis omni exceptione maior, qui deponat de visu, & ex certa scientia; immò quamvis de his non habeat semiplenam probationem, sufficit ad hoc, ut possit interrogare, quod Reus de illis sit infamatus, vel indiciatus, dummodo infamia, vel indicia sufficientia sint plena-

riè probata per duos Testes omni exceptione maiores; ita vt quamuis ad inquirendum specialiter, & Testes examinandos, an Petrus v.g. commiserit tale delictum, sufficiat, præcessisse infamiam, aut clamorofam insinuationem, etiam si non fuerint ista probata, quia fama præuenit, & præcedit iudicium, & gerit vicem accusatoris; nihilominus ad interrogandum Reum necesse est, vt infamia, vel clamorosa insinuatio probata sit, & vt ipsi Reo notificetur probatam esse, aliàs non tenetur respondere, sicut etiam non obligatur ad respondendum, quando contra ipsum nihil est aliud, quàm accusatio; semper tamen excipimus ab hac regula ea delicta, quæ directè tendunt in damnum notabile Communitatis.

Si Reus in suis responsionibus dicat aliquam propositionem in vniuersali v. g. quod habuerit tales occasiones, quando fecit tale delictum, vt quemlibet inducerent ad similes, vel maiores excessus perpetrandos, non sic in vniuersali indiscussa, & inexaminata ista relinquat, sed interroget, quænam fuerint istæ occasiones? quis nam fuit illarum auctor? quis nouit? an ipse prior extiterit illarum causa? quæ non prius præcesserant? deniq. Iudex curabit, vt Reus respondeat cum omni moda distinctione, & claritate, & ex ipsiusmet responsionibus resumere debet occasionem iterum

iterum interrogandi, vt ita, quantum fieri potest, veritas elucescat.

355

*De modo exhibendi articulos Reo, &
admittendi ipsius defensiones,*

Primò Iudex imponet Reo præceptum subscriptum; in quo præcipiat, vt respondeat articulis, quos illi exhibebit, & vt dicat quæcumq. ipsi occurrerint in sui defensionem, assignando tempus ad hoc sufficiens (quod communiter erit vigintiquatuor horarum) Quod si Reus renunciauerit suis defensionibus, scribatur, datas ei fuisse, sed renunciaſſe.

*Articuli scribentur ad calcem præcepti
prædicti hoc ordine.*

DEponitur contra N. quod scandalum dederit in tali loco committendo tale delictum, &c.

Item quod hoc, vel illud fecerit, &c. eo modo, quo fuerit: dispositos, & scriptos articulos subscribet Iudex, & Secretarius, & dabunt Reo, notificando ipsi præceptum.

Poterunt in articulis poni ea omnia, de quibus in confessione poterat Reus interrogari, & ea, quæ de nouo ipsemet in sua confessione

confessus fuerit, si de ijs laboret infamia, etiamsi infamia probata non sit, non enim fit ipsi iniuria, qui sic spontè confessus est. Si tamen infamia non præcessit, etiamsi Reus fateatur aliquid graue, non potest poni in articulis contra ipsum, sicut etiam neque poni possunt ea delicta, quæ iam punita fuerunt, cum Deus non puniat bis eandem culpam; nihilominus ad probandâ Rei incorrigibilitatem per modum multiplicationis benè quidè poterunt poni prædicta delicta in articulis contra illum dicendo. Item contra N. deponitur, quod eum toties punitus fuerit propter tale, vel tale delictum, non se emendauit, sed iterum nunc reincidit, &c. Deindè, cum Reus iam responderit articulis contra ipsum exhibitis, Secretarius ad calcem suæ responsionis scribet quæ sequuntur, videlicet; Hæc sunt, quæ adducit N. in sui defensionem, & interrogatus, si quid aliud haberet, quod diceret, vel adduceret in sui defensionem, respondit, se nihil aliud habere, & quantum ad ipsum attinet, habet causam, vt conclusam, & proprio nomine subscripsit die, mense, & anno, &c. & subscribet Reus, Iudex, & Secretarius, qui scribet immediatè post subscriptiones, quæ sequuntur, videlicet. Et statim N. Iudex causam, vt conclusam habuit vsquè ad sententiam definitiuam exclusiuè. Cum manus suam, & commissio-

missionem acceptam compleuerit, & ita remittit totam causam Superiori N. vt ipsum iudicet, & sententiet. Et subscribat Iudex, & Secretarius. 356

De Notificatione Sententiæ.

SI Superior commiserit ipsi Iudici notificationem sententiæ Reo faciendam, Secretarius coram eodem Iudice, & duobus Testibus notificabit Reo sententiam, scribendo ei notificatam à se fuisse coram prædictis Iudice, & Testibus, & simul scribet quicquid ipse Reus responderit, notando diem, mensem, & annum, & omnes prædicti quinque subscribant, scilicet Iudex, Reus, Testes, & Secretarius, & ita authenticatam ad ipsiusmet calcem, remitter ad Superiorem, vt incorporetur in processu, &c.

*Instructio pro receptione Nouitiorum, &
pro informatione ipsorum capienda.*

Mandauit Deus, vt in illo mystico templi ædificio extruendo singularem animi

cautelam adhiberent Operarij , præcipiens , ne in eius fabricæ constructione quibuscumque vterentur lapidibus , verum quadratis , & planis , quia cum vndiq. sint accommodatitij , longè melius sibi inuicem connectuntur , ædificioque non diuturnitatem modo , sed ornatum conferunt : quod quidem documento in primis esse potest illis , qui mystico Religionis ædificio incumbunt , atque ijs maximè , qui in Nouitijs eligendis , & ad hanc , vel illam instituti normam admittendis præsumunt , quandoquidem exactè obseruare debent , dum lapides mysticos seligunt , quosnam in fabrica Religiosa adhibeant explorantes , nec ex quouis genere sint , aut quamcumque indolem præferant eiusmodi lapides , sed quadri , hoc est peridonei , vt in singulis coaptentur instituto , quod profiteri debent . Etenim si ad præfatam obseruantiam habilitate requisita caruerint , nunquam mystico ædificio vtiliter adaptari poterunt , ex quo fiet , vt perturbetur fabricæ ordo , & subindè ædificij moles collabatur .

Quare qui Nouitios ad Religionem , præsertim reformatam , recipiunt , & qui eos examinant , ad aliquos cōuenienter seligendos , aliosque minus idoneos libertate quadam spiritali requendos , maturè procedent , tribus potissimum exploratis ad perseverantiam , bonum regimen , & Religiosorum pacem ; videlicet ,

voca-

354
vocatione, naturali indole, & corporis viribus, ac valetudine, ne si quid ex prædictis in Nouitio defuerit, relaxationi aditus fiat, quâdocumq. enim aliis fuerit Religiosi finis, quam Deo Opt. Max. enixè deseruendi, si peruenire ad illum non possit, necesse est, ut se ipsum inquietet, & alios perturbet: qui naturam docilem, & instituto nostro congruentem non habet, difficulter eidem instituto poterit adaptari: cumque in Nouitiatu occasiones parui momenti tantummodo occurrunt prædominantes intus passiones, naturamq. incultam celat; at ubi professionem emisit foras erumpente natura, celatas indicat passiones, dum mortificationi locus non adeò facilis relinquitur. Pari ratione qui corpore ita est imbecillo, ut pro austeriori disciplina vires ei minimè suppetant, eam remittere, & suæ debilitati accommodare contendit cum incredibili Religionis detrimento.

Horum incommodorum remedium maxima ex parte pendet ab illis, qui petentium habitum vocationes examinant, & informationes pertractant, tam in his, quæ ad natales attinēt, quam quoad mores, plurimumq. refert, ut prudentia præstent, ne in his rebus, quas gerunt, propter innatum Religionis ad augendæ studium passim deficiant, & in grauia inconuenientia impingant, quæ facile ab eo præueniuntur

tur, qui tam in informationis initio, quàm in eiusdem prosecutione, quæ infrà dicenda sunt maturius animaduertet.

Vt igitur ea euitentur inconuenientia, ordinamus, vt in Capitulis, & Definitorijs Prouincialibus Domus Nouitiatus designetur concurrentibus circumstantijs, quas Constitutiones nostræ parte 2. cap. 3. obseruari præcipiunt, & in nullo Conuëtu, præterquàm Nouitiatus, educentur Nouitij, nisi graui casu urgente, & super hoc Capitulum Prouinciale veniam dabit iuxta nostras Constitutiones part. 2. c. 3. num 8. sed nec induantur, præterquàm in aliquo euentu satis rarò, in quo ex licentia expressa R. P. Prouincialis aliquis indui poterit extra præfatas Domus Nouitiatus, & postquàm indutus fuerit, quàm primùm mittatur ad locum Nouitiatus.

PP. Prouinciales in Nouitiatum Conuentibus, & alijs vbi approbandi, & Nouitios admittendi veniam delegabunt, præsertim in illis, vbi crebræ sunt vocationes, Religiosum Confessarium prudentem, spiritualem, doctum, affabilem de consilio Prioris prouideant, cui vocationes tractandi, eosq. promouendi, quos vitæ Religiosæ idoneos in Domino iudicabit, ac sæculariū Oratorij, si in illis Conuentibus fuerit, curam P. Prior possit demandare. Similiter Ianitorem spiritualem, discretum, ædifi-

catium, & sæcularibus, qui ad Conuentum accedunt, pertractandis idoneum, quod si in aliquo vitæ Religiosæ desiderium, vel propensionem animaduertat, de Superioris Domus nutu, ad præfatum Patrem dirigat.

Præterea PP. Prouincialibus commendamus obseruantiam nostræ Constitutionis 2. par. cap. 5. num. 8. vbi præcipitur, vt nullus habitu nostro induatur, nisi prius à Prouinciali videatur, examinetur, & approbetur; poterit tamen Prouincialis raro alteri committere, adhibendo in hoc singularem diligentiam, velut in re tanti momenti.

Priorum etiam conscientiam oneramus, vt antequam fiant informationes, legant, vel legi faciant omnibus ingressuris num. 1. 2. & 3. cap. 5. 2. Par. nostrarum Constitutionum, & Fratribus Donatis præter dictos numeros etiã legatur vulgari sermone cap. 4. eiusdem partis.

Antequam introducantur in Conuentum Nouitij, vt ad habitum suscipiendum approbentur, examinentur, quoad scientiam, valetudinem, & alia, quæ antè experimentum, quod Domi postea fieri debet, sciri possunt, fiatq. informatio plenaria iuxta Cõstitutiones Apostolicas, & nostras, cuius methodus post pauca subiicietur; & tam persona, quàm informatio ipsa Monasterij Capitulo, vbi de vocatione

cgc-

egerit, proponatur; & per ſuffragia ſecreta approbetur, vel reprobetur, de quibus Monasterij Nouitiatus Patres fiant certiores, ſi in alio id contigerit; tamen ſi in aliquo caſu iuxta de cauſa prudenter metueretur aliquot impedimenta dilatione euenire poſſe, aut de vocatione periclitari aliquem, P. Prior, aut Vicarius (ſi à Prouinciali expreſſam licentiã præhabuerint, cui Prouinciali, niſi in aliquo caſu aliter iudicari, mandamus, vt ſimilem licentiam non concedat, niſi illos obligando, vt de conſenſu Magiſtri Nouitiorum, & Patris, qui eſt deſtinatus ad informationem peragendam pro Nouitijs hoc faciant) poterunt acceptare, & Nouitium induere, abſque eo, quod plenaria informatio præcedat, ſed loco informationis, præſentibus PP. Priore, vel Vicario, & duobus ſupradictis Patribus præfatus Nouitiuſ iurabit, ſe nullum habere impedimentum à Sixto V. in Bulla appoſitum, videlicet, facinorolum non eſſe, nullaq. homicidia, furta, latrocinia, & id genus alia, nec grauiora crimina vnquam commiſiſſe, nec pro eis infamatum, inquiſitum, carceratum, in Iudicio damnatum, vel punitum fuiſſe, non ſuprà vires ære alieno grauatum, neque reddendis rationibus obnoxium, poſtremo Religionẽ ingredi ſpontè, zelo deuotionis accenſum, non aliqua humana ratione ductum, ſolum de his iurabit, & monebitur

bitur antè professionis tempus plenariam informationem esse faciendam, cum rerum præscriptarum, quas iuramento confirmavit, tum cæterarum, cum quibus nostrę Constitutiones prohibent, ne induatur aliquis, & professio sit irrita, quę omnia, ut in interrogatorijs inferiùs apponuntur, & ei tunc legi ordinamus, & monebitur, quod si contingat, ut in eò eiusmodi reperiantur defectus, vel impedimenta, sacro nostro habitu spoliabitur; & etiam, si esset professus, expelletur, si impedimenta, vel defectus erunt ex inuvalidantibus Professionem.

Concedit Bulla Sixti V. ut illi, quorum patria sit remota, aut oppressa ab Hæreticis, vel Infidelibus, possint admitti ad professionem, sine exacta informatione; in eiusmodi casibus P. Provincialis, & P. Prior Nouitiatus, quorum conscientiam in hoc admodum oneramus, cum omni diligentia informationem fieri curent super Nouitio, antequam profiteatur, & si haberi non potuerit prædicta informatio, P. Provincialis poterit concedere licentiam, ut profiteatur cum informatione, quæ haberi potuit, & cum iuramento Nouitij eo modo, quo suprà dictum est in præcedenti casu, monendo ipsum Nouitiũ de his omnibus, de quibus in eodẽ præcedenti casu Nouitios admonendos esse decerpitur, de quibus omnibus P. Prior Nouitiatus monebit Patres Capitulares eiusdẽ Conuentus.

Cum

Cum aliquis alterius Religionis obtenta, diſpenſatione ad noſtram ſe transferre voluerit, non erit neceſſe fieri plenam, & exactam, informationem per Teſtium deſignationem, ſed ſufficiet, quod exhibitis illi in aliquo folio, & lectis impedimentis, & defectibus, qui ſunt in interrogatorijs infra ponendis, iuret, ſe nullum ex illis habere, coram duobus Religioſis à Superiore Conuentus deſignatis, & in eodem folio ſubſcribat nomen, & iuramentum ipſius, tam ipſe qui iurauit, quàm illi, coram quibus iurauit, & ſimiliter moneatur de ijs omnibus, de quibus ſuperius dictum eſt, ingreſſuros eſſe monendos, iuxta noſtras Conſtitutiones.

Methodus faciendi informationem.

INformatio, quam plenariam vocant ſemper ſuſceptionem habitus, vel profeſſionem neceſſario præbit, & ab eo fieri debet, qui authoritatem habeat, nempe à Reu. Adm. P. noſtro Generali, vel Prouinciali, vel Nouitiatus Monafterij Prælato, quam ſibi habent ordinariam ex breui Clem. VIII. Religioni noſtræ Carmelitarum Diſcalceatorum conceſſo, vt habetur in Compendio Priuilegiorum noſtri Ordinis fol. 70. poteſt etiam, & vi eiufmodi Breuis fieri talis informatio ab aliquo, cui delegata fuerit authoritas ab vno ex tribus prædictis, & quoniam

riam vsu multa comperiuntur P. Prouincialis in Nouitiatus Conuentu, vel in alio, qui habuerit licentiam approbandi ad habitum, Religiosum deputabit, cui incumbet informationē facere, quotiescumque à Superiore Domus ei fuerit demandatum, datis ad hoc literis Patentibus, cuius forma infrā describetur. Hic Religiosus cum Secretario seu Notario deputando à Superiore Conuentus, examinabit duos, vel tres Testes honestos debitæ ætatis, & omni exceptione maiores, scilicet, qui nō habeant aliquē ex defectibus sequentibus, nempe, ne sit minor ætate quindecim annorum; ne sit infamis, vel ipsius, de quo deponit, inimicus, aut consanguineus, ne aliquando in iudicio falsum iurauerit, vel deposuerit, ne sit persona vilis, & pauper, ita vt pecunia potuerit subornari; qui defectus ideò hic ponuntur, non ad hoc, vt Testi legantur, vel super illis interrogetur, sed tantum, vt erudiat̃ur ille, qui informationem facit, & si de aliquo ex his defectibus dubitet, prudenter de illo interroget. Dabit autem operam, quatenus fieri potest, nisi aliquod oriatur impedimentum, ne Testes deducantur, aut suggerantur ab eo, pro quo testimoniū exhibebūt. Singulos seorsim examinabit dato ipsis iuramento, antequam incipiat examinare, monendo modestē, quod hoc ideò fit, vt obseruentur

Bulle

Bullæ Pontificiæ, & antè omnia Secretarius informationis principium extendet in hunc modum in folio, in quo Teſtes ſe ſubſcribent.

In Ciuitate, aut loco N. tali Anno N. tali Mēſe N. Pr. Fr. N. Religioſus Carmelita Diſcalceatus Beatiffimæ Virginis Mariæ de Mōte Carmelo huius noſtri Monaſterij N. authoritate ſibi à Reu. P. N. Prouinciali, vel Priore conceſſa (ſi delegatam habuerit) in virtute cōmiſſionis datæ tali die N. Mēſe N. Anno N. ſe ipſum obtulit ad præſtandum fideliter, & legaliter munus ſuum, & ad illud complendum accerſiuit coram me Secretario ad hoc deputato N. ex tali loco N. in præſentis informationis Teſtē, qui manu ſuper Crucem poſita iurauit Deo promittens, ſe dicturum veritatem in ijs, de quibus interrogabitur à prædicto Patre N. ſolo Iuſtitiz zelo, & examinatus per interrogatoria infraſcripta reſpondit, vt ſequitur.

Hoc principium adhibetur tantūmodo in deſinitione primi Teſtis, pro alijs dicere ſufficiet, In eadem, tali die eiufdem, vel talis menſis, & anni. P. Fr. ſupradictus N. accerſiuit N. ex tali loco N. vt ſupra. In ijs, quæ reſpōdebunt Teſtes, aperiant, quomodo ſciūt, vtrum familiaritate, & conſuetudine, aut publica illius Regionis, vel loci voce, ac fama,

& ita . . .

& ita terminetur singulorum Testium depositio cum eiusdē ratificatione ; nempe quod ipse testatur vera esse sub iuramento à se præstito ea, quæ deposuit, & cū illi lecta fuissent, etiā rata habuit , & confirmavit appositione proprii nominis, subscribet etiam is, qui informationē capit, & eius Secretarius, quod si Testis scribere nesciat, faciat Crucē ✕ loco subscriptionis, & qui informationem accipit, vocet aliquem , qui scribere nouerit , quiq. proprium nomen subscribat, non verò Testis, & addat quod Testis rata habuit , & quia scribere nesciebat Crucem posuit similem huic ✕ & rogauit se N. vt pro ipso subscriberet, quod, eo rogante , fecit , & subscribat tam qui vocatus fuit , quam qui informationem sumit, & Secretarius.

Quidam interrogatorium Testi legunt , & responsum suggerunt , illud extendentes , qui modus probationem minuit, quare non est admittendus, sed Secretarius scribet , prout Testis deponit iisdem verbis , aut si opus fuerit , quia scilicet Testis nescit se explicare , qui informationem capit , variabit stilum depositionis vnus Testis ab alio, ne videatur responsum compositum ab ipso .

Interrogatoria .

AN cognoscat N. filium N. & N. oriundū ex tali loco N. an cognouerit ipſius Parentes, à quo tempore, & quomodo ipſum cognoscat, & an fuerit natus ex legitimo matrimonio, & pro tali habitus à prædictis N. & N. eius Parentibus .

An ſciat, prædictū N. eſſe bonis, & honeſtis moribus præditum, non facinoroſum, nullaq. homicidia, furta, latrocinia, & id genus alia, nec his grauiora crimina vnquam commiſſiſſe, nec pro eis infamatum, inquitum, carcera- tum, in iudicio damnatum, vel punitum fuiſſe, aut timeatur poſſe carcerari, damnari, puniri .

An ſciat, prædictū N. eſſe obnoxium reddendis rationibus, propter quas rationabiliter timeatur poſſe in iudicium vocari, aut alio modo vexari, nec ſuprà vires ære alieno grauatum eſſe .

An ſciat, Parentes præfati N. adeò pauperes eſſe, aut probabiliter credatur fore, vt indigeant, vel indigere poſſint opera, & auxilio dicti N. pro ipſorum ſubſtentatione, & an ſciat eorūdem parentes aliqua notari infamia .

An ſciat, dictū N. fuiſſe Hæreticum, Schismaticum, Iudæum, Infidelem, vel ab illis uſque
ad

Carmelit. Discalceat.

§ 1

362

ad tertium gradum descendere inclusiue, aut Hæresis, Schismatis, aut cuiusvis infidelitatis suspicione laborare.

An sciat, dictum N. esse irretitum aliqua irregularitate, in qua difficile dispensatur, mancipium, coniugatum, habitu alterius Religionis indutum Nouitium, alterius Religionis professum, aut Eremitam, Monachorum vestem usum.

An sciat, prædictum N. morbo aliquo contagioso, caduco, incurabili, vel habituali, aut alio quolibet communes Congregationis labores non ferente, laborare, mēbro aliquo, aut eius usu carere, vel esse capite nimium debilem, aut mente captum, vel per interualla capi solitum, aut magna aliqua deformitate notari.

An sciat, prædictum N. Religionem ingredi non humana aliqua ratione ductum, sed solo animo Deo seruiendi, & suæ salutis desiderio.

Si cum eo, qui induendus est in aliquo ex præfatis impedimentis dispensatum fuerit à nostris Superioribus, super eo Testes interrogari non debent.

Si fuerit necessarium, aliquam informationem facere extrà locum, vbi Nouitius induitur, Reu. Adm. P. N. Generalis, vel Prouincialis, vel Prior Nouitiatus committent alicui Religioso ex Conuentu, vbi fieri debebit,

D 2 quem

quem Prior illius Conuentus designauerit; cui Patri Priori ordinamus, & mandamus, vt propter mutuam inter Conuentus, & Prouincias charitatem designet Religioſum ſui Conuentus prudentia, virtute, & experientia prædictum, & in fine litterarum patentium prædictam commiſſionem continentium, quam ipſi mittet P. Prior Nouitiatus, ſcribat, notando diem, menſem, & annum, quatenus in virtute eiufmodi litterarum nominat Patrem N. ad hoc, vt prædictam informationem faciat, & ſubſcribat proprio nomine, præcipiatq. vt ad talem locum ſe cōferat, & vt fideliter exequatur id, quod ſibi eſt iniunctum, detq. tales litteras illi Religioſo, qui eſt proſecturus, prouidendo illi neceſſaria pro itinere. Quod ſi in loco, vbi facienda erit informatio, Conuentus non extiterit, vel procul abſuerit; vnus ex tribus, qui ordinariam habent authoritatem ad illam faciendam, committet prædictam informationem Vicario Reuerendiſs. loci Ordinarij, vel alteri, quem idoneum iudicabit, qui iuxta prædictam inſtructionem eam informationem peraget.

Forma litterarum Patentium ad informationem faciendam

FR. N. Prouincialis Prouinciz N. Ex priuilegio concessio Religioni nostræ Beata Virginis Mariæ de Monte Carmelo per Clem. VIII. Romæ 13. Nouemb. anno 1600. Pōtificatus sui nono, quod non tantum Reu. Adm. P. N. Generalis, sed etiam Prouinciales, & Priores Conuentuum Nouitiatus possint alijs demandare, vt faciant informationem pro induendis Nouitijs, Committimus P. N. Religioso Sacerdoti Conuentus N. vt informationem capiat eorum, qui in eodem Conuentu debuerint approbari ad habitum, & examinet duos, vel tres Testes iuxta interrogatoria à Definitorio generali nostræ Congregationis ad talem effectum approbata dato ipsis iuramento. In quorum fidem præsentibus dedimus à nobis subscriptas, & officij nostri sigillo munitas. Dat. in Conuentu N. die N. Mense N. anno N.

Si committenda sit informatio Religioso alterius Conuentus, eadem forma utetur, mutatis, quæ sequuntur.

Fr. N. Prior Conuentus N. Ex priuilegio, &c. committo cuilibet Religioso Conuentus N. à P. Priore designando, vt faciat informationem N. filij N. oriundi ex loco N. qui ad habitum

nostrum admitti petit, & examinet, &c. vt
suprà.

Instructio Prioris.

Regulas Magistri Nouitiorum sibi datas
esse intelligat, cum, & ipse debeat esse,
perfectus Magister, Fratrum Ductor, ac spiri-
tualis Pater, & ita debet esse Magistro quàm,
simillimus, immò, & ipso perfectior, oratione,
& sanctis desiderijs domum, velut humeris
sustinetet, & quæcumq. quibus præst ad ipso-
rum, aliorumq. ædificationem iuxta instituti
nostri rationem præstare debet, prius in se ipso
præstare studeat.

Imitetur in gubernatione charitatem, man-
suetudinem, & benignitatem Christi, & iuxta
Apostolum forma factus gregis ex animo
exemplo magis, quàm verbo subditos ad per-
fectionem dirigat.

Seueritatem suo tempore cum benignitate
misceat, suamq. auctoritatem non elatione,
aliqua, vel imperio, sed solidis virtutibus tuea-
tur, dilectionem, & curam suorum præferendo
modestè, & circumspiciè præcipiat, & ita ama-
bilem se reddat, vt omnes fideliter ad illum,
recurrare possint.

Constitutiones, & Decreta, quibus instituti
nostri ratio continetur sæpè præ manibus ha-
beat,

beat, & frequenter legat, vt secundum ea se, & alios sciat gubernare.

362
Lectio Sanctorum sit illi assidua, & eorum, maximè, qui de gubernatione scripserunt, cuiusmodi est Pastorale S. Gregorij, S. Laurentius Iustinianus de regimine Prælatorum, S. Bonaventura de sex alijs Seraphin.

Negotium, curamue ne suscipiat (licet à Constitutionibus non prohibitam) ne vè ita literarum, aut alterius rei studio occupetur, vt eius officij recta executio impediri possit, qua in re, si quæ dubitandi ratio occurrat, consulat Superiorem.

Exitus è Domo, quantum possibile fuerit, vitet, ab Vrbe autem, vel Oppido, nisi ob causam omninò ineuitabilè, nò proficiscatur: cum ipsius Superior est in Conuentu, quicumq. sit, sine eius scitu Domo non exeat regulariter, & in ingressu, & regressu eius benedictionem accipiat.

Curet, vt singuli quot annis, semel saltem, per decem dies spiritualia exercitia faciant, vt resumpto spiritu feruentius postea procedant, quod, & ipse præstabit.

Curet, & maximè inuigilet, vt omnes duabus horis quotidie mentali vacent orationi, ac propterea tam ipse, quam omnes alij occupationes omnes tempore orationis vitent, quantum fieri poterit, si aliqui sint Donati,

quibus non possint horæ nocturnæ assignari, procuret, vt orationi communitatis intersint, etiam si ob hoc à labore cessare debeant.

Bis in anno omnium Religiosorum spiritum examinabit, & an aliquid remedio indigeat, exactius solito videbit.

Collationes spirituales in Constitutionibus præscriptas, ne remissè, & tepidè & perfunctoriè fieri permittat, sed acri, feruentiq. studio haberi curet, vt hoc pacto si cuiusquam spiritus ardor deferueat, ijs quasi agitationibus incaleseat.

Capitulum culparum omni cura tuebitur, & vt Patres sibi inuicem culpas imponant, vt moris est, procurabit, exhortationes Capitulares regulariter sint de obseruantia Regulæ, & de perfectione monastica.

Vnionem, & concordiam Fratrum summo studio curet conseruare, si aliqua inter illos conturbatio acciderit, curet, vt quantocius cesset, & in gratiam redeant.

Fratres ab ijs, quæ nocere illis possunt Domini, forisue defendat, tum præueniendo, tum, etiam, si quid mali acciderit, remedium adhibendo.

Crebrò, & magna charitatis significatione alloquatur fratres, eorumq. necessitatibus, non tantum corporis, sed multò magis animæ paterno affectu prospiciat, si quem verò intel-

ligat

ligat tentatione pulsari, præsertim graui, eius peculiarem curam gerat, remediumq. per se, 365 & etiam per alios (si ita iudicauerit expedire) adhibeat.

Nulli peculiariter adhæreat, sed si simpatiam naturalem cum aliquo habeat, aut à virtute, & perfectione alicuius se trahi sentiat, ita erga illum se gerat, vt nullus illi peculiariter adhærere iudicare possit.

Discursus inutiles in Cella sua fieri non permittat, maximè tempore magni silentij, & omni tempore submissa voce, quantum fieri poterit, loquatur tam ipse, quàm alij.

Quæ Cõstitutiones statuunt de otio vitando, de exercitijs ab eo vnicuiq. præscribendis, de recessu in Cellas, de familiari sæcularium, conuersatione, intelligat Prior maximè ad subditorum profectum conferre, ideò ea quam diligentissimè obseruet, & faciat obseruare.

Ne proprietatis vitiũ tacitè subintret, permutationes rerum ad vsum concessarum aliquando fieri curet, & probet, an subditi alicui rei nimis adhæreant.

Curet, vt nullus sine expressa licentiã in alterius officio se intromittat, & vt Officiales Suppriori, sibiq. omnes exactam obedientiam præstent, quam ipse etiam suis Superioribus præstare debet, ita vt aliquid nunquam contra illorum mandata, aut faciat, aut fieri permit-
tat,

tat, quod si aliquid inconueniens oriri possit ex Superiorum mandatis, humiliter illud representet, & postea quod ordinatum fuerit à Superiore, omnino præster, vt in Constitutionibus statutum est.

Curet, vt Officiales suas peculiare habeant Instructiones in cella, vel officina, easq. sæpè perlegant, & exactè obseruent.

Libellum habeat, in quo scribat quæcumq. sibi ad bonum Domus statum occurrent, ne memoria excidant, præcipuè ea, de quibus Generalem, vel Prouincialem credit esse admonendum.

Frequenter cum Discretis agat de rebus maioris momenti, quæ tam in spiritualibus, quam in temporalibus occurrent.

Discretos, & præcipuè primum libenter audiat, & benignè excipiat, cum aliquid ei proponunt, ijs auditis penès ipsum erit statuendi facultas, vbi Constitutiones nostræ aliter non disponunt. Cum tamen de aliqua re fuerit monitus, nunquam exprobet, aut sine causa se monitum esse significet, sed de se emendando cogitet, vel modestè, & pacatè rationem facti adducat. Si aliquem Patrem Prælati officio functum, vel fungentem Conuentualem habeat, cum frequenter consulat, & eius monita magni faciat.

Diligenter ea, quæ de prima mensa Constitutionis

tutio statuit, observari faciat, quod facilius obtinebit, si plures Missas tempore horarum antè prandium dicendarum celebrari non permittat, & ipse primæ mensæ interfit, & ingredientibus interdum de habita occupatione rationem reddere fecerit, & non legitimè occupatis aliquam pœnitentiam dederit.

Provideat diligenter, ne desint Confessarii, ut vocati sedulo occurrant, & postquam pulsatum est ad Chorum, non liceat illis novam confessionem sine licentia incipere feriabilibus præcipuè diebus, sed finita illa confessione ad Chorum accurrant.

Sic moderetur confessiones & alia, quibus proximi iuvantur, ut Chorus non destituatur numero Fratrum necessario, ut actus illius debite fiant.

Non permittat eodem tempore omnes Confessores abesse, sed semper Domi, vel in Ecclesia mancant aliqui pro necessitatibus occurrentibus, maxime verò diebus festis, quibus nisi magna urgente necessitate Confessarios foras non mittat.

In tempore orationis Vespertinæ, nisi in Vigilijs alicuius magnæ solemnitatis, confessiones audire non permittat, nisi in aliquo casu raro.

Pro temporalibus bonis acquirendis instituti nostri integritatem ne nimium violet;
sed

sed primum sibi, & Fratribus Regnum Dei, & Iustitiam eius proponendo speret à divina bonitate subsidia temporalia. Pro Ecclesia, & Sacristia curet non tam præciosa, quam munda, apta, & congrua nostro instituto, & Constitutionibus, præsertim aduertat, ne corporalia, pallæ, & albæ habeant in extremitatibus, maximè manicorum, ornamenta, quæ vulgò dicuntur merletti, seu pizzi, propter inconuenientia, quæ inter ministrandum solent accidere.

Mulieres inuisere, aut ad eas scribere, nisi cum magna necessitate, aut spe fructus, nostros Religiosos non finat, neque hoc permittat, nisi viris valdè probatis, & prudentibus.

Quæ Constitutio nostra statuit circa exitum è Claustro, & quod nostri extrà Conuentum, non bibant, nec cibum sumant, sciat esse maximi momenti, ideòq. Fratres ad fausta imprecanda festa, & alia similia, quæ ad nos non pertinent, Domo exire non permittat.

Amicos conseruare, & eos, qui erga nos malè affecti sunt, præcipuè si sint viri magnæ auctoritatis, orationibus, & rationibus conuenientibus in amicitiam reuocare, aut saltem ne aduersarij sint, efficere studeat.

Profecturi ad alios Conuentus non priuentur interioribus indumentis, quibus vtuntur, immò charitas suadet, vt cum melioribus com-

mu-

mutentur, reliqua verò ad iter agendum necessaria magna cum charitatis significatione illis provideantur.

Non permittat, vt nostri curam mulierum Religiosarum, quarumcumq. suscipiant, vt ordinariæ illorum confessiones audiant, vel ipsas regant, sed in hoc strictè seruentur, quæ Constitutio nostra statuit.

Non ferat, nostros quidquam pro se à parentibus, amicis, aut deuotis petere, sed omnia eis necessaria à Congregatione provideantur.

Aegrotantium, & imbecillium singularem curam gerat, & vt in Constitutione dicitur, eos frequenter inuiset; intererit etiam quandoq. eorum ministerijs, Mediciq. præscriptionibus, aqua benedicta asperget, & alia huius generis præstabit obsequia, quæ ipsis ægrotantibus consolationem afferre, & alios ad officia charitatis incitare solent.

Caueat, quantum possit, ne in fine officij Conuentum ære alieno grauatum relinquat, sed maturè provideat abstinendo à sumptibus non necessarijs.

Externos hospitio non accipiat, vt Domi pernoctent, nisi id officij sine magna offensione charitatis, vel gratitudinis prætermitti non possit, & tunc notificetur illis tempus per Constitutiones præscriptum. Erga acceptos

ptos autem omni charitate, & humanitatis officio vtatur; non tamen permittat, nisi aliquem ex prudentioribus Patribus de licentia ipsius, cum hospitibus loqui.

Hæc legat Prior in initio officij sui, & iterum post menses circiter sex, & eodem modo deinceps quandiu officium eius prorogatur.

Instructio Supprioris.

EXimiam Fratrum curam gerat, ne spiritum, quem in Nouitiatu acquisierunt, eius incuria amittant, quod faciet, si aliquando eorum spiritum examinet sigillatim.

Exhortationem semel in hebdomada faciet Fratribus Choristis, & die regulariter, quo infrà hebdomadam communicant; non verò diebus Dominicis, quia si sit Domus studiorum, impediuntur multum scolares, qui se ad conclusiones illo die præparare debent, si extra Domum studiorum, regulariter solet esse concilio illa die in Ecclesia, cui omnes interesse solent, & sic non conueniet bis in die habere exhortationem.

Quoad Fratres verò Donatos, si eorum curam habeat, melius erit non facere exhortationem formalem, sed paucis verbis modum laborandi cum spiritu docere, & de modo orandi,

di, virtutisq. colendæ, & similia instruere, ac
examinare, quomodo circa hæc procedant, si-
militer circa Cathéchismum aliquando com-
munitèr, aliquando priuatim cum his, qui ru-
diores fuerint, aget, & ea, quæ ad fidem per-
tinent docere, solent siquidem non rarò inue-
niri, qui omnia ista ignorant, non sine rubore
Religionis, & culpa Magistri, & Religiosi.

Si sit Magister professorum in Domo profes-
sa, habeat Cellulam in Dormitorio clauso cum
Fratribus, cum quibus etiam erit separatus in
recreatione, assistetq. (nisi fuerit occupatus)
Vesp. Dulciss. Nominis Iesu ser. 6. in illa Domo
dicendis, & post Matutinum in illa media hora
fieri solita, ac in alia diurna recitationis coro-
næ, & bis in hebdomada Fratres congregabit,
semel pro exhortatione, semel pro accipien-
dis culpis, petendaq. præsentia Dei, &c.

In locis, vbi præsidere contigerit, videat, ne
in faciendis signis humilitatis modum exce-
dat, non imperiosè loquendo, nec signa forti-
ter faciendo, sed modestiam, & grauitatem hu-
mitem semper seruare curet, tum maximè,
cum aliquis Prælatus, vel Religiosus grauis
Communitatis actibus assistit.

Si Prior, aut Superior eo, qui præsidere de-
beret, in Refectoriolo comedat carnes, & ca-
su, dum ipse adest, exercetur mortificatio ex-
traordinaria, (quæ regulariter non est permis-
tenda

tenda in tali caſu) Supprior , qui præſt, valdè breuiter expediat , & vno , vel altero verbo , non tamen correccionis illum dimittat, ſimiliter ſi contingat tempore culparum poſt canam vel collationem adefſe Prælatus in Reſectorio de culpis non agat , ſed breuiter commendet benefactores , niſi àliter ipſe Prælatus iniunxerit, nullo tamen modo, ſi corripiat culpas præſente, vt ſupra, Priore det diſciplinam, quod obſeruandum eſt , non ſolum quando adeſt Prior , aut Prælatus , qui præſidere deberet, ſed etiam vrbauitatis gratia, quando adeſſet alius Superior etiam hoſpes .

Striſſimum ſilentium in Reſectorio ſeruet , itaut , quod poterit ſignificare ſignis, non faciat verbis , ad quod in modum introducat ſigna aliqua communia , vt extendere parum manus, quando voluerit, vt quis in Crucis modum extenſis manibus exiſtat , &c.

Hæc ſupradicta communia ſint cuilibet Præſidenti reſpectiue .

In facienda communi officiorum tabula diligenter videat occupationes Religioſorum, in illa hebdomada, ne contingat alicui assignari officium, quod nunquam, aut raro tota hebdomada exercere poteſt , vt ſi ſciat aliquem non poſſe adefſe Choro in illa hebdomada, non assignet illum Hebdomadariū, Diaconum , Lectorem Martyrologij , & ſic de cæteris .

Cu-

Curet, ne iniungat alicui duo officia incomparabilia, & exercenda eadem hora, nec vnum post alium, maximè tempore recreationis, nam si Lector primæ, vel secundæ mensæ sit etiam, terfor sentellarum tota hebdomada non erit in recreatione.

Consideret etiam personas, & ætates Religiosorum, nam licet ratione ætatis, & dignitatis ab officijs humilibus nullus debeat abstinere, vrbalitas ipsa, ac prudentia dicat, quod cum aliquibus personis habeatur ratio ætatis, & qualitatis, vt si Prælatus aliquis (exempli gratia) Præpositus, & Prouincialis officio functi remaneant Conuentuales in eo loco, vbi immediatè ante fuerint Prælati, indecorum esset, mox vt perfecerunt officium, illa officia Chori, & Refectorij ei assignari, quæ in communi tabula Supprioribus non assignantur.

Eximiam curam Chori geret, & ceremonias tam Chori, quàm extrâ ad vnguem obseruari curet, Directorium recitandi officium diuinum secundum nostrum Kalendarium ipse per se, vel per alium faciat distinctè, vt ab omnibus intelligi possit, & in Choro affigi faciat, vt officiales, & alij possint præuidere de quo, & quomodo recitandum sit officium, &c.

Antè præcipuas quasdam festiuitates, & officia particularia præuideat quid agendum sit in illis, nec contentus sit memoria.

Conuocet pro his solemnitatibus, seu processionibus Fratres, & ceremonias peculiare eis suggerat, in eisq. eos dirigat, & si opus fuerit, exerceat, moneatq. de modestia, de gravitate, de Religione, de exemplo, & de ritibus in eis seruandis.

Habeat inter Fratres, qui peritiores sint, vt eis vtatur circa officia quædam, quæ occurrunt rariùs, etiam si in illa hebdomada non sint assignati in tabula, vt faciliùs, & decentiùs ea, quæ publicè exercentur, fiant. In solemnioribus solemnitatibus, in quibus debent Prælati celebrare, assignet extrâ tabulam communem ministros ex dignioribus, etiam ex illis, qui in communi tabula assignari non solent, & hoc iuxta qualitatem Prælatorum celebrantium.

Curet, vt Manualia sint sufficientia pro omnibus, Manuale, & Ordinarium frequenter legat, & à Fratribus perlegendum curet, agatq. cum Priore, vt semel saltem in anno legatur Ordinarium in Refectorio, & in recreationibus aliquando dubia circa ceremonias, & rubricas, tum Missalis, tum Breuiarij tractari, & declarari curet, nec erit abs re, quod aliquando sacrum aliquod, quod vocant siccum, in recreatione celebretur, vt, & Sacerdos, & Fratres vniformiter faciant ceremonias.

Si sint aliqui Fratres valdè inepti, ne illis quæ-

quædam officia iniungat, quæ non possint præstare cum requisito decore, maximè coram sæcularibus. 370

Cum Chorus moderandus est, eò quod nimis celeriter, vel lentè procedat, aliquo signo vtatur, quo id admoneat, & à verbis, quantum fas fuerit, tam in hac, quàm in alia occasione abstineat, similiter si Chorus nimium demissa voce procedat, vel iubeat Cantoribus, vt altius intonent, vel ipse id agat, aduertendo tamen, vt eodem tempore non incipiant ambo, nec eleuetur Chorus postquam Cantores incœperint immediatè propter dissonantiam.

Quotiescumq. aliquid terminandum est cum Gloria Patri antè finem Psalmi, à Suppriorè, vel Præsìde solùm incipiatur Gloria Patri, & in asperzione aquæ benedictæ non dicatur Gloria Patri, donec Hebdomadarius redierit ad suum locum, ne necessarium sit, Hebdomadariùm, & Thuriferarium indecètèr, cum dicitur Gloria Patri, inclinari in medio Communitatis, vel relinquere inclinationem.

Quando respondendum est Sacerdoti, respondeatur in eodem tono propter dissonantiam, quæ aliter subsequeretur, benè tamen, cum in Altari incipitur Gloria in excelsis Deo, vel Credo, & Sanctus, possint Cantores ad nutum Supprioris, vel Præsìdis accipere alium tonum, si fortè sit nimis altus, vel demissus.

Particularem diligentiam adhibeat, ne in officinis aliqua corrumpantur, & ideò sæpè eas visitet, & perlustret, an Ministri benè suo munere fungantur, & quādo opus fuerit, admo-
neat Priorem, vt quæ necessaria sint, prouideat, & quæ ad corruptionem tendunt, vel reficiantur, vel de remedio opportuno prouideatur.

Curet Supprior, vt sancta, & antiqua nostræ Sacræ Religionis cōsuetudo mittendi certamina spiritualia ad alios Conuentus antè festum Exaltationis Sanctæ Crucis, non solùm, cōseruetur, sed & foueatur, vndè monito prius Priore (à quo petet ad quas virtutes prouocare velit) iniunget alicui, si ipse nolit facere, vt faciat vnum certamen, prouocans Religiosos aliorum Conuentuum ad exercitium illarum virtutum, quas vel Prior assignauerit, vel ipse elegerit, moneatq., ne fiat certamen nimis curiosum fūco, vel rethorica ornatum, nec cum dictis Scripturæ sacre, & SS. Patrum, sed breuiter proponet virtutes, ad quarum exercitium excitare desiderat, ne ea, quæ ad virtutum æmulationem introducta sunt ad fūcum, vel ostentationem, scū in risum vertantur.

Regulariter hæc certamina mittenda sunt omnibus Conuentibus Prouinciæ, ad alias vero Prouincias sufficiat, vt Conuentus Nouitia-

riatus mittat ad alium Conuentum Nouitiat-
us, & Conuentus studiorum ad Conuentum
studiorum, curetq. (si cōmodè fieri possit) vt
antequam mittantur, legantur in Communita-
te, & subscribantur à singulis, aliàs satis es-
set, vt vnus nomina omnium subscribat.

*Instructio Secretarij Generalis; &
Prouincialis.*

HAbeat in Cella Arcam, vel Armarium,
in quo scripta, & epistolas secreto di-
gnas seruare possit, in qua etiam relinquat,
quando abfuturus est multum à Cella sigilla
Generalis, & epistolas non clausas, & nihil
aliud ibi habeat, nisi de expressa licentia Ge-
neralis.

Stricctissimum silentium seruet circa ea,
quæ scripserit, aut legerit, caueatq. ne legat,
vel epistolas, quas Generalis ipse sua manu
scribit, vel quæ ad Generalem mittuntur, etiam
si inueniat apertas, nisi eas Generalis legen-
das, vel vt eis respondeat, dederit.

Caueat, ne quid literis addat, sed ea tan-
tum, quæ iniuncta fuerint à Generali, simplici-
ter scribat, ac proindè ab ipso intelliget di-
stinctè, quæ scribenda erunt, & quæ fuerint
alicuius momèti, consultum erit, ipsi Generali
ostendere legendas, antequam subscribantur.

70 *Inſtructiones Fratrum*

Nullius litteras mittat cum ſigillo Generalis, niſi de eiſdem expreſſa venia, nec etiam ſub plico Generalis regulariter, nec eas, quæ aliundè in eodem plico venerint, det Religioſo ſubdito, inſcio ipſo Generali, vel Superiore.

In Conuentibus, vbi fuerit, bonû exemplum præbere curet non ſe intromittendo in rebus, quæ ad eius officium non pertinent, nec referendo ex vno in alium Conuentum ea, quæ ſciuerit.

Nihil mutuo petat in Conuentu, vbi fuerit, nec datum gratis accipiat ſinè licentiâ Generalis.

Hæc Inſtructio inſeruit pro Secretario Provincialis.

Inſtructio Confessariorum.

CUm primum ad ſacram Confessionem audiendam vocatur, cor in Deum intendens, & auxilium gratiæ, tam ſibi, quam pœnitenti depoſcens in Eccleſiam inſigni cum modèſtia tendat

In aſſignato ſibi Confessionalis ſedens, verbis quibuſcumq. minimè neceſſarijs abſtinere curet, & confessionem ſacram audire incipiat.

Confessionem auditurus alteram tantum, aurem accommodet, & intuitum præſertim, mulierum accuratiſſimè vitet,

Cor-

Corpus totum ita componat, vt habitu te-
ctum nihil deformitatis præferat, gestibusq.
incompositis, brachiorum præsertim, & ma-
num absteineat.

Confitentes quosuis breuiter expedire cu-
ret, ac singularem moram cum ijs præcipue
mulieribus, quæ Sacramentum frequentant, se-
riò caueat.

Sit verbis parcus, lenis, gravis, ita vt pec-
cantes corripiat in spiritu lenitatis, neque au-
sterus sit, nisi dùm lenitatem non prodesse ani-
maduerit.

Caueat, nedùm pauperes vñ cum diuiti-
bus, (vt in solemnioribus Festis vsu venit) Sa-
cramentum esposcunt, diuites anteponat.

Cum ad infirmorum confessiones foras pro-
dit, modestiam, & mulierum fugam affectet,
nec se testamentorum, vel aliorum negotio-
rum laqueis implicet.

Exploret an Doctrinæ Christianæ rudimen-
tis, quos audit, instructi sint, & ignaros erudiat,
vel alicui erudiendos tradat, si non vacet.

Legat pios exemplorum, & consiliorum
libros, è quibus seliget aliqua, quibus, cum
opus fuerit, hortetur, corripiat, terreat, sole-
tur, aliaq. præstet, quibus animas Christi san-
guine redemptas Deo lucrari possit.

Ne admittat vlla negotia intrâ, vel etiam
extrâ claustrum Sacramenti, quæ à functione,

tam sacra animum diuertat, sed statim, ac animaduertit, rem ad Sacramentum non pertinere, confitentem admoneat.

Nihil temporale etiam prætextu pietatis sacre illius functionis causa, vel occasione petat, nec sponte oblatum in Confessionario accipiat, sed soli animarum saluti totus vacet.

Ne suscipiat curam mulierum præstitutarum, vel aliarum, quæ animum ab instituto diuertat.

Quos audiet, non tantum à culpis imposterum abstinere, sed salutaribus monitis, & exercitijs ad spirituale profectum instruere curet.

Confessarij nullam mulierem admittant ad aliquod votum obedientiæ sibi exhibendæ emittendum.

Instructio Procuratoris Conuentus.

Sit fidelis, ut in bonorum Conuentus dispensatione nihil agat, quod puritati conscientie non congruat; sit prudens, ut inuenire possit media quibus ea bona tueatur, & augeat.

Codices habeat, quibus eleemosinas, & rationes accepti, & expensi, à Patribus designatis subscribendas notet.

Debita, quibus Conuentus obnoxius est, anoter, & ea temporibus pactis dissoluere curet.

Quid-

Quidquid quouis iure Conuentui debetur notabit, & præfixo tēpore exigat, pecunias verò, quas exegerit, & recuperauerit numeratas coram aliquo ex Discretis in arca trium clauium reponat.

Onera Missarum, vel alia quæuis sacra incomparto habeat, & curet, vt eis satisfaciat.

De fabrica, si quæ fuerit, & cuius expensis peculiarem curam geret.

Res vsui Conuentus inutiles de Superioris venia vendat, mutet, seu permutet.

Quicquid pro statu paupertatis nostræ ad vsam Fratrum necessarium est, temporibus opportunis emat.

Pecunia, quam apud se depositam habiturus est, sic vtatur, ac si rem Christo dicatam contrectaret, caueatq. ne cor illi hæreat.

Nunquam extrâ arculam pecuniam dimittat, eiusq. clauem semper apud se gerat.

Exploret, an Fratres, quibus rerum emendarum cura committitur, rectè agant, ne paupertatis cultus extenuetur.

Ne abutatur foras prodeundi venia, sed quoad possit, ab exitu abstineat, & cum exire cogitur, modestè agat, & quam breui possit reuertatur.

Familiaritatem sæcularium, præsertim mulierum, quæ rerum temporalium commercio facile contrahi solet, accuratè vitet, & licet cor-

corpore foris, corde tamen semper intrā claustra versetur.

Instructio Sacristæ.

Purimi faciat, se thesauro Christi præpositum esse, ac proindè rerum sacrarum dignitatem æstimet.

Rerum omnium ad Ecclesiam, & Sacristiam spectantium, Cathalogum distinctis classibus faciat, ubi, quæ imposterum donabuntur, inscribat, & quæ successu temporis perierint expungat.

Quæ in Sacristia seruantur, suis receptaculis ita disponat, ut faciliè inueniri, & depromi possint. Et vnum quodq. vasorum, & vestium sacrarum genus in loco distincto seponat.

Regulas Missalis, & Breuiarij calleat, & subsequentis diei festa pridie notet, ut in parandis vestibus nihil erroris admittat, quæ autem in hebdomada Sancta, & Festis solemnioribus agenda sunt, accuratiùs animaduertat.

Calices, Patenas, Corporalia, & quæ ad Sacramentum Eucharistiæ proprius spectant, diligentissimè obseruet, ne quid fractum, læsum, lacerum, sordidum, aut quouis modo deforme appareat, statimq. ac eiusmodi quidpiam apprehendit, reformet, aut à sacrificio remoueat.

Sit in Sacristiæ locus panno coccineo, vel
alio

alio ad rem apto conuestitus, & ornatus, vbi sacri Calices antè, & post sacrificium deponantur, ne sordes contrahant.

Purificatoria frequentissimè mutantur, vinumq. rubeum, si fieri possit, nunquam ad sacrificiū ministretur, ne sacra lintea inficiantur.

Crepidæ ex corio inuerso, aquæ copiam, lintea ad extergendas manus, & forficæ illic appensas in loco apto provideat, ita vt omnia in promptu sint.

Instruat locum saltem vnum in Sacristia, vel Sacristiæ propinquum accubito ligneo, & imaginibus sacris, vbi Sacerdotum confessiones audiri possint.

Hostias sacras semper, & plurimas, & candidas, & benè circumcinatas habeat in capsellis, ita concinnatas, & tectas, vt nec humectentur, nec nimis arecant.

Pileos clericales paratos habeat, quibus vtantur Sacerdotes sæculares apud nos sacrum facientes.

Tot sudariola, & amictus pro Sacerdotum numero cuiq. assignata, & discretis locis appensa habere curet, & creberrimè mutet.

Missalia munda esse curet, sordesq. ex confectione adherentes diligenter extergat, signa disponat, & vetera nouis permuet.

Cruces, thuribula, candelabra, & eiusmodi alia, quæ non ita frequenter exercentur in designa.

signato loco reponat, & contegat ne puluere, & alijs sordibus inquinentur .

Librum habeat, vbi nomina Confratrum inscribat .

In vestiendis Altaribus , atque ornandis sit admodum sedulus , & curiosus , neque in re tanta vllam incuriam culpa vacare credat .

Tribus mappis , aut linteis aras sacras contegat, è quibus vna, quæ Altaris tabulæ insternitur in vtrumq. latus defluat .

Sit Altariolum proximum benè compositum, vbi ampullæ vitreæ cum operculis vitreis in patina reponantur ad sacrum ministerium .

Vas cum extremæ Vnctionis Oleo sancto in aliquo Altaris receptaculo semper asseruet , quotannisq. permutet .

Habeat duas ex argento Pyxides sacras, alteram, qua in sacrario plurimæ hostiolæ consecratæ seruentur , alteram , quæ à Sacristia hostioliis consecrandis plena in Altare afferatur , & crebrò , accuratèq. tergantur , ne reliquiæ ob incuriam pereant .

Sacra itē hostia maior in sacrario ad id opus destinato seruetur, vel in supplicationibus gestanda, vel populo ad orationem aperienda, adhibito thure octauo quoque die renouetur .

Ad eiusmodi suffitos , aliosq. eiusmodi pastillos odoratos habere curet, qui nihil profanum redoleat .

Flores (pro tempore) naturales, vel artificiales ad Altaris ~~ornatum~~ benè concinnatos in vitreis, vel fictilibus vasis disponat.

Altaria reliqua ad maioris normam vestire, sed non æquè ornare curet.

Tapes omnibus Altaribus supponatur, suppedaneum Altaris maioris tapete simplici obtegat, & obhærentes sordes quotidie excutiat, vel abstergat.

Tabellas ex voto, cereos, aliaq. promissæ, quæ è templi parietibus pendent, ita distribuat, vt omnia decora sint, si quid indè eorum extet, amoveat.

Sedes Confessariorum, & Pulpitum frequenter detergat, ipsosq. templi angulos sæpè reuerset, ac mundet, at parietes Ecclesiæ, per singulos menses semel extergat.

Lintea, quæ antè Altare Sacramentum Eucharistiæ sumentibus obtenduntur, & munda, & satis longa proferet, vasaq. vitrea, quibus ablutio ex vino aqua diluto ministratur, munditia nitere curabit.

Omne denique, tam Sacrifiæ, quàm Ecclesiæ, proximorumq. locorum ita paratum, seruet, vt omnia tueri, & pro status nostri ratione augeri curet, licet enim quod ad nos attinget, viles, lacerasq. vestes præciosis anteponamus, quod ad Christum in venerabili Sacramento existentem spectat, æquum est, neque

que vile, neque indecorum esse, tametsi, & in hoc etiam genere, non tam preciosa, quam honesta quæramus.

Quod ad Missarum, & temporis distributionem pertinet, det operam, ut nunquam Missæ desiderentur; proptereaq. discretis horis Sacerdotes, Fratresq. ministraturos moneri curet, neque multos confestim sacrum facere sinat.

Missarum, quæ dicuntur, numerum singulis mensibus Superiori referet.

Cum Sacerdotes externi accedunt, eos leniter excipiat, & si noti non sint, litteras dimissorias leniter petat, apparatusq. mundum tribuat, eosq. quantocius expediat. Quod si fuerint Prælati, Episcopi, aut alij insignes viri, è capsis meliora depromat.

Silentium, ac modestiam in Ecclesia, Sacristiaq. observari curet, & mulieres, quæ pulsata campanula ad ianuam quidpiam exposcunt, brevissimè dimittat.

Omnia diligenter custodiat, nequid, (ut euenire solet) surripiatur, proptereaq. cum è Sacristia necessariò diuertendum est, custodem alium suffici curet.

Multa quoque alia in Rituali nostro ad sepeliendos mortuos, aliosq. actus multiplices obseruet, sine quibus officium explere non potest.

In quolibet Altari, vbi celebratur, Crucem, & duo candelabra collocet.

Statuat candelabrum extrâ Altare in cornu epistolæ, vbi cereus crassior ad eleuationem accendendus est.

Cereorum & candelarum curam gerat. In Altari maiore festis secundæ & primæ classis, tam ad Missam maiorem, quàm Vesperas, ac Matutinum (quando totum solemniter canitur) sex candelas accendat, in alijs verò diebus ad Missam, & Vesperas duas.

Curet, vt in Quadragesima, Aduentu, Vigilijs, & Rogationibus occurrentibus festis duæ dicantur Missæ, vna de festo, in qua non fiat commemoratio Feriæ, &c. altera de Feria, &c. in qua non fiat commemoratio festi occurrentis.

Mensibus Nouembris, Decembris, & Ianuarij non aperiatur Ecclesia nisi post orationem Matutinam, & quocumque festo, vel solemnitatem occurrente post vltimum sacrum claudatur, & mulieres nullo pacto intus claudas remanere permittat.

Instructio Ianitoris.

STatim, ac Ianuarum ei cura committitur, in locum Ianuæ Monasterij propinquum sibi assignatum se recipiat, nec inde ad alia obse-

obsequia se, nisi cogente necessitate, diuertat.

Si ex necessitate recedendum sit alteri de Superioris venia clauēs interim tradat.

Mox, vt Campanæ sonum audit, quasi Obedientiz signo vocatus accurrat.

Antequam Ostium aperiat insigni cum modestia per fenestellam prospiciat, & si mulieres sint, vel etiam viri, quos admittere intrā Ostium opus non sit, ostio clauso breuiter expediat.

Ne sit verbis durus, aut nimius, sed suauiter, & parce loquatur, & lenibus responsis omnes, sed præcipuē pauperes consoletur.

Principes, aut viros illustres, præsertim Ecclesiasticos, ac sigillatim Religiosos admodum veneretur, & eis multa cum demissione Ostium aperiat, & Cardinalibus, Episcopis, & Archiepiscopis ingredientibus genuflectat, & manum, aut vestem osculetur.

Eiusmodi viros comiter admoneat, vt in propinquas Cellas, si placet, ingrediantur seorsum interim, dum Religiosi ab eis postulati vocantur.

Caueat, ne eo absente vnquam ostium pateat, neque clauem in ostij sera, vel alibi expositam alijs vnquam dimittat.

Solitas eleemosinas extrā ostium in loco, & tempore designato distribuet, non tamen mulieribus, hæc autem distributio conuenientius fiet

fiet extrâ portam, per quam ingredi solent cur-
rus, &c. & tunc ab alio assignato à Superio-
re, sinè cuius venia nullum intrâ vefci finet.

Loca ostio propinqua, quoties sordida fue-
rint, non expectato die toti Conuentui præscri-
pto mundabit.

Caueat, ne venientes responsis parum re-
ligiosis offendat, & cùm meridiè Fratres re-
creantur, vel quiescunt, hæc enim & similia,
quorum causas iustas sæculares ignorant, eis
aperienda non sunt, sed prudenter responden-
dum est, Fratres tunc occupatos vocari non
posse, vel si res vrgeat, Superiorem admoneat.

Nullū è nostris ad externos audiēdos absq. ve-
nia Superioris vocet, neq. litteras, aut res alias,
vel etiā salutationū verba deferat, vel referat.

Ad eleemosinas distribuendas, mulieribus
præsertim, Superiorem consulat, neque chari-
tatis aliquid sine venia erogat.

Quandiu canonicis horis, vel orationi Fra-
tres interfunt, ne illos leui de causa vocet, sed
externos suauiter admoneat, eos tunc Deo va-
cantes non esse facilè interpellandos, quod si
rem vrgerè instent, illos vocabit.

Sæculares, aut etiā alios Religiosos sinè Su-
prioris cōsensu in Dormitoria ne introducat.

Externorum molestias patienter ferat, & si-
nè Superioris venia cum nemine ex proposito
verba faciat.

Eleemosinas , & benefactorum nomina in Refectorio post collationem, siuè cœnam quotidianè referet, vt pro eis oretur.

Officio peracto , clausis accuratè omnibus ianuis, clauēs in Superioris Cella prima nocte reponet , & indè summo mane illas accipiet .

Instructio ad Exercitia Spiritualia complenda .

*Modus explorandi , ac regendi eos , qui
exercentur ad peccatorum expiationem
per Confessionem genera-
lem . Cap. I.*

Quemadmodum ijs , qui ad conualescendum, vel ad sanitatem tuendam à Medicis instruuntur pro diuersa corporis habitudine, exercitia quoque diuersa , vel certè si generis eiusdem sint, diuersè tamen temperata præscribuntur ; ita, & ijs, qui è peccati morbo liberari, vel acceptæ gratiæ sanitatem perficere cupiunt, exercitia diuersa pro spirituali cuiusq. temperamento præcipienda sunt.

Manifestius est quippè, quam vt rationibus exponendum sit , alios vitijs inæqualibus obnoxios, alios ad virtutes inæqualiter propensos ,

fos, alios amore, alios timore agi solitos, æqualibus eiusdemq. formæ exercitijs iuuari non posse.

Primum ergò, qui exercitiorum curam gerit, eum, qui se exercere parat, exploret, quid velit, hoc est, in quem scopum exercitia dirigat, & qua spiritali habitudine sit affectus, exquirat.

Si enim eo exerceri velit, vt à peccatis sacra Confessione generali expietur, & pacata conscientia in posterum viuat; nulla ei opportuniora exercitia præscribi possunt, quam si rectam, breuemq. faciendi examinis rationem, modumq. veræ contritionis concipiendæ doceatur.

Et quidem, quod ad examen attinet, decalogi capita, quasi totidem loci communes sunt, in quos cogitationes, verba, opera, & omissiones, quæ ad vnum quodq. præceptum spectant, conferenda sunt, quemadmodum in plerisq. pijs opusculis, quæ passim leſtitantur, satis aptè traditur.

Quod verò ad contritionem pertinet, quod minus tutum, & magis est necessarium, quari debet, quale sit cuiusq. ingenium; & si enim vniuersis, qui de pœnitentia cogitant, communes rationes ex se quidem efficaces, quas vulgò auctores tradunt, in Nouitiorum instructione cap. de Pœnitentia inueniet Director,

salutares sint : quia tamen ex varijs hominum affectibus frequenter accidit , ut ijs rationibus acrius excitentur , quæ non tam ad rem pertinere , quam extrinsecus affici videntur , nihil nisi expenso hominis cuiusq. ingenio , prudenter decerni potest , ut subiecto liquet exemplo.

Sunt pleriq. adeò metu mortis exagitati , ut siuè conscientia Confessione sacra purganda , siuè conceptus Dei timor alendus , siuè virtus acquirenda , siuè deniq. quidpiam aliud boni tentandum , maliuè vitandum sit , sola mortis meditatione moueantur.

Alios è contrario celestis Patriæ recordatio ad peccatorum detestationem & aliorum bonorum operum executionem fortius , quam quælibet neruosa ratio , vel pia meditatio mouet . Atque in hunc modum de alijs diuersè affectis censendum est.

Explorato igitur hominis ingenio , ea meditatio ad concipiendum dolorem iniungenda est , quam efficaciorē experitur , ut per itatas orationis horas eam exerceat , donec confessionis opus absoluat.

Quod si proprii ingenij rationem reddere nesciat (multi enim sæculi rebus intentissimi , vel à se ipsis ex incuria , vel alijs modis alienissimi rogati , qua meditatione potissimum afficiantur rem discernere nesciunt) rogandi sunt , an saltèm inter pura spiritualia , putà Dei bo-
nita-

nitatem, misericordiam, &c. & sensibilia, putà infernum, mortem, &c. aliquod in se affectus discrimen deprehendant.

Alios enim Dei bonitas, & misericordia, &c. ad quævis pia opera flectunt, alios nihil spirituale cogitare valentes, eam tamen permouent, quæ imaginatione figurantur, pro quorum discrimine præcepta tradenda sunt, vt scilicet, ea meditentur, vnde se fructum elicere posse prudenter coniiciunt.

Quod si neque discrimen hoc rerum spiritualium, corporaliumq. percipiunt, sed bono duntaxat animo sint, iuxta communia virorum spiritualium præcepta erudiendi sunt, vt scilicet, communes rationes ad penitudinem concipiendam opportunas expendant, & ex animo peccata execrari conentur.

Oratio ergo, piaq. lectio, alijq. actus, dum generalis confessio fit, ad culparum detestationem dirigantur. Quod verò ad actus alios, quod ad tempus, numerum, & modum attinet, seorsum in 3. Cap. trademus.

Modus regendi eos, qui ad maiorem profectum exercentur. Cap. I I.

E Adem præcepta erga hos, ac erga eos, de quibus Cap. proximo scripsimus quoad animum, & propensionem cuiusq. scrutandam

obseruanda sunt. Constat enim & horum mores diuersos esse, alios ad omne pium opus amore, alios timore præsertim moueri; quæ propter primum de affectu proprio, ac exercitiorum fine rogandi sunt.

Si enim proficere se velle dicant, & è quibus meditationibus fructum vberiore percipiant, Patri, à quo regendi sunt, compertum sit, & locum, & tempus, & pios libros, actusq. cæteros ad profectum opportunos prudenter seligere difficilè non erit.

Si verò de statu Religionis deliberare velint (qui vberior profectus est) cum iam eo ipso, quod de re tanta consultant, rationibus, quæ Religiosi status perfectionem ostendant, proculdubio indigeant, & oratio, & pia lectio ea sit, oportet, quæ ad tanti boni cognitionem, & amorem animum excitare valeat.

Qua in re cauendum est, ne quid violentum fiat, & si enim eos, qui spirituales profectum exquirunt, quin & vniuersè quos vis idoneos ad Religionis statum hortari decere è SS. Patrum exemplis, ac doctrina pateat: quia tamen affectatum in hoc genere artificium humanum quid præfert, salubrius est, eos, qui exerceri cupiunt, suauiter ducere.

Suauitas autem in hoc sita esse videtur, ut qui eos regit non instet nimis acriter, non oneret animum importunis, aut multiplicibus

con-

consilijis , nullum , vel consensum , vel dissensum extorqueat , asperitatem verborum , & actuum vitet , pœnitentiæ opera , putâ , ieiunia , vigiliâs , &c. viribus attemperet , idq. potissimum curet , vt quicquid ab ijs , qui exercentur , præstandum est spontè , nascatur .

Iuxta doctrinam ergò hanc , qui de Religione non agunt , sed profectum aliquem exquirunt (nisi mutato consilio ex ijs , quæ cernunt , vt frequenter accidit , in Religionis statum , aspirent , quod vel non rogati , vel suauiter admoniti significare solent) liberrimè agere sinantur , & insigni cum hilaritate sic instituantur , vt ad proprias ædes reuersi , quod didicere conseruent .

Si verò de aliqua Religione seligenda consultent status noster ita eis sincerè proponatur , vt si in aliam Religionem reformatam propendeant , propositum commendetur , & alatur , sic enim fiet , vt qui apud nos remanserint , non humanis consilijis , sed Spiritus sancti ductu agantur , & firmiùs perseuerent .

Distributio horarum , & exercitiorum .

Cap. III.

Q Vicunq. exercendi sunt , nisi ex aliqua peculiari causa , putâ , in infirma valetudi-

tudine, vel generalis confessionis examine, aliter fieri expediat, ad horas omnes canonicas, & orationem mentalem vnâ cum Patribus ab aliquo Fratre designato, si opus fuerit, vocati conueniant.

Postquam ergò Matutinum nocte media cum alijs, vel iusta causa seorsum recitauerint, per horam dimidiam orationi vacabunt.

Recedent mox ad quiescendum, donec ad orationem matutinam excitentur.

Deindè hora integra in Oratorio cum Fratribus orabunt.

Si non sint Sacerdotes, paulò post orationem vnâ cum Fratribus, vel seorsum Missæ intenterunt: si Sacerdotes sint, oratione peracta per dimidiam horam, se ad sacrum faciendum comparabunt, & si expedire videbitur, confitebuntur, & hora circiter dimidia sacrum in Oratorio facient. Sacro audito, vel facto in Cellas se recipiant, & Sacerdotes ferè per horæ quadrantem gratias agent.

Reliquum tempus, quod vsque ad Chori signum procurrit in oratione, ac lectione pia ita insument, vt otium non possit obrepere. Ne verò nimis mentis intentio noceat, orationem lectioni admiscere, ac dum se intus moueri sentiūt interquiescere, posteaq. lectionem repetere poterunt, vt animus ea varietate recreetur.

Signo

Signo Chori dato ad maiorem Missam, ubi canetur, vel ad horas canonicas antè prandium recitari solitas conuenient, quibus vnà cum examine conscientia absolutis in Cellas recedent, ibi post modicum tempus pransuri.

Expleto prandio, vel soli, vel cum assignato comite per horam circiter dimidiam manebunt, ac de spiritualibus rebus cum comite verba facient.

His peractis, si velint somno aliquantulum indulgere, poterunt, donec signum Chori detur. Post hæc in Chorum ad Nonam, seu Vesperas, pro temporum discrimine cōuenient, & à Nona expleta vsque ad Vesperas, vel si Nona antè prandium recitata fuerit, peractis Vesperis Beatiss. Virginis coronam recitabunt, & si Superiori videbitur, qui in Conuentu Nouitiatus exercebuntur, exhortationi Fratrum interesse poterunt, sed valdè rarò, & rebenè pensata, personæq. exercentis habita ratione fiat, & hoc monito priùs Magistro Nouitiorum.

Reliquum tempus, quod vsque ad vespertinam orationem excurrit, orationi, ac lectioni, vt antè prandium præscripsimus, impendent.

Dato orationis signo vnà cum Fratribus per integram horam orabunt, & Completorium, si tempus ex more nostro id postulet, persoluent, in Cellasq. redibunt, aut si Completorium tunc recitari non debeat, in Cellas absoluta

luta oratione , vt antè prandium monuimus ,
secedent .

Cœnam deindè , aut collationem vocati sument , & si tempus id ferat , cum comite , quem admodum de pomeridiano colloquio præscriptum est , aliquantulum agent , aut si tempus silentij nocturni accesserit , in Cellas recedent , vel in Chorum ad officium , quod tunc fortè recitabitur , conuenient .

Si vltimo Chori actui interfuerint , ibi , sin-
verò , in Cellis seorsum examē conscientiæ facient , expectabuntq. orationi , vel piæ lectioni vacantes solum cubandi signum , quod Fratribus datur .

Signo dato cubabunt , & vsque ad noctem ,
mediam quiescent , postmodumq. singulorum dierum actus , quales præscripsimus ad eundem modum , numerum , ac tēpus exercebunt .

Actuum pœnitentia modus .

Cap. I V.

CUm exploratum sit , eos , qui spiritualiter cupiunt exerceri , aliquem corporis macerandi modum inire velle , necesse est , vt in hoc etiam genere instruantur .

Excepta ergò infirmitatis , vel alia eiusmodi causa per dies , quos exercitijs destinauerint ,
per-

perpetuo ieiunabunt, habebitur tamen ratio spiritualium exercitiorum, nam si caput debilitate laboret, vespertina refectio poterit, quoad quantitatem augeri, aut, si expedierit ad confirmandas vires, ieiunium solui.

Ter saltem in hebdomada iuxta communem Fratrum nostrorum disciplinam, se verberabunt quandiū *Psal.* Miserere cantabitur, in Cella regulariter, & non in Communitate.

Cilicio quotidie, vel alternis diebus utentur, & expensis viribus, citiusq. breuius, aut longius, latiusq. cilicium permittetur.

Boterit etiam catenula ferrea, qua Fratres nostri, vti cōsuescunt, eis cilicij vice permitti, pro ut ei, a quo reguntur, videbitur expedire.

Victus sit parvus, ut non modo frugalitas, sed abstinencia colatur, somnus item sit moderatus, ut plus temporis, paucis ijs exercitiorum diebus, diuinis rebus tribuatur.

Sunt alij quoque actus parum laboriosi, & ad exercitandum affectum apppositi, ut prostratio, genuflexio, extensio brachiorum in Crucis modum, & alij apud nos vsitati, quorum certum aliquem numerum in dies singulos ijs, qui exercebuntur, iniungere, salubre consilium erit.

Omnia tamen, quæ in hoc capite recensuimus, cum ijs, qui mortificationem Crucis Christi pondum didicerunt, difficilia videantur, ita tem-

culum redituri sint, firmiter statuunt, diem nullum sine oratione saltē modica, putā, horæ dimidiæ, vel circiter præterire

Quod ad piā lectionem spectat, modum, sedatē legendi, & ubi mouetur animus, subsistendi, ac propositum die nullo sine tam salutari pasto, lectionis nempe, animam priuandi persuadere curabit.

Modum, opera, verba, & cogitationes summo manē in Dei, ac Beatissimæ Virginis gloriam dirigendi, eamq. directionem aliquoties per diem repetendi docebit, & examen conscientiaē antequam cubitum eant, cōmendabit.

Modum actus fidei, spei, charitatis, & contritionis eliciendi docebit, & ad quotidianum eorum exercitium adhortabitur. Quæ autem ad virtutum actus producendos, & virtutes ipsas, mortificationemq. passionum spectant, ex nostra Nouitiorum Instructione peti poterunt.

Sed quod ad mortificationem pertinet, hortabitur seriō, vt propriū iudiciū, appetitūq. in subiugādo, vel in rebus minimis assuescant. & si enim Viri illustres sint, & pro sæculi abusu præciosis vestibus, & lauta mensa quotidie vtantur, in ipsismet conuiuijs, sine vlla cæterorum nota proprio appetitui multa delectabilia subtrahere, ac spirituali merito corporales dapes condire valebunt: & idem ad pro-

por-

portionem de honoris , & commoditatis mortificatione monendi , ac peculiaria monumenta aduerſus eam paſſionem , qua grauius infeſtantur, paranda ſunt .

Conſilium autem hoc tanti profeſſò ponderis eſt , vt qui ex profeſſo illud arripuerit , inter medios ſæculi fluctus chriſtianam perfectionem foeliciter comparare valeat, nullo ſæculari Principe, quantumuis negotijs intento, vel milite , vel mercatore prorsus excepto .

Inter omnia verò exercitiorum lucra, ſacramentorum frequentia potiſſimum collocanda eſt ; ſi enim hæc ſeriò decernatur , profeſſus ſpiritualis ex ſententia ſucceſſiſſe credendus eſt, omnia quippè vitia putà, iurandi, edendi, vagandi , ludendi licentia , & quauis alij præteritorum peccatorum habitus extirpantur . Nam præter ſanctiſſimi Sacramenti Euchariſtiæ vim , ad eam victoriam potentiffimam, ſubest familiaris ille ad Confeſſarios recurſus, vndè conſilia opportuna , & quotidiana remedia referuntur .

Verum non hic ſubſiſtendum eſt , ſed pietatis opera , putà, eleemoſinæ , ſacræ ſtationes, ſuè indulgentiæ, hospitalium viſitatio , & eius generis alia impenſè commendanda ſunt . In quibus omnibus enitendum eſt, vt qui exercentur, proficere ſtatuant , & aliquem modum pro-

proficiendi certum per totius vitæ cursum tenere decernant.

Hic autem de domestica gubernatione, de pace, de benignitate, de reddenda famulis mercede, alijsq. similibus agendum non est; hæc quippè necessaria cum sint, ab ijs, qui ad meliora proficere cupiunt, obseruari ponimus; quod si, & his monitis egeant, vna cum alijs tradenda sunt.

*Cætera necessaria ad obsequium eorum,
qui exercentur. Cap. VI.*

Confessarius ijs, qui exercentur, à Monasterij Superiore assignabitur expêso personarum statu, ac necessitate; decet enim eum, à quo reguntur, nisi grauis necessitas obftet, eo munere fungi.

Qui exercitijs præerit, libros pios, cartam, cæteraq. necessaria ad spirituales actus prouidebit.

Designabitur præterea Frater aliquis prudens, qui vasa mundet, Cellæ pauimentum verrat, prandium ad Cellam ferat, accommodatoq. supra mensam, recedat, postea verò antequam finiatur recreatio, referat lances, & omnia munda, & accommodata relinquat, nec unquam cum prandet, assistat, ac ex animo eis, quoad

quoad res corpori necessarias, inseruiat.

Deniq. quia res variæ passim occurrunt, quæ ab humana prudentia prænosci non possunt, cum quid acciderit, cui per hanc instructionem prouisum non sit, qui exercitijs præerit, Superiorem consulat, & ei obtemperabit. Quin etiam, tametsi noua non eueniant, de omnibus eum certiore faciat, eiusq. consilij acquiescat.

*Modus in exercitijs Fratrum nostrorum
obseruandus. Cap. VII.*

Idem, quod in Superioribus capitibus erga alios vniuersè præscriptum est, à Fratribus nostris, cum de Superioris venia exercebuntur, obseruari debet, exceptis ijs, quæ statum sæcularem concernunt.

Quapropter, qui eos reget, ingenium explorabit, meditationes, quas ad rem magis esse perspiciet, assignabit, quotidie illos visitabit, rationem exiget de culpis admissis, admonebit, ad maiorem profectum dirigit, tempus in horas diuidet, pœnitentiæ opera præscribet.

Vnum tamen commune præceptum obseruabit, vt scilicet, maiorem profectum à Fratribus nostris, quam ab externis requirat, quem certè profectum non in austeriore corporis mortifi-

tificationem ponet, quæ paucis exercitiorum diebus suscipitur, ac citò euanescit, sed in mutatione morum, ut qui loquax erat, taciturnus perseveranter euadat, qui parum modestus, modestiæ studiosissimus fiat, qui in oratione languidus, ardentissimè orare discat, & in hunc modum vitia reliqua extirpare, ac virtutes inducere curet.

Porrò doctrina hæc fieri debet tanti, ut nulla, vel altior, vel compendiosior existimanda sit, nam ob eius neglectū, vel imperitiā, exercitia, vel parum salutaria, vel interdum inutilia sunt: quapropter eam impensissimè commendamus.

Quoad regulares actus pertinet, si in Conuentu sit Eremitorium separatum, ut alicubi fieri solet, ibi regulariter fiant exercitia, in quo, si qui facit exercitia, sit Sacerdos celebrabit, si non, audiat sacrum, si facile fieri poterit, & in Oratorio Eremiti faciat orationem mentalem communem, & recitabit officium diuinum, examinabitq. conscientiam, eo prorsus tempore, quo tales actus fiunt in Conuentu, ita ut Matutinū recitet, quando in Choro recitatur, quo finito maneat in oratione, donec perficiatur illa media hora orationis post Matutinum fieri solitæ, & ad quoscunque actus Chori pulsatur Campana Conuentus, ipse campanulam Eremitorij similiter pulsabit.

Prandium sumet in Cella, quò finito, tempore recreationis, tùm meridianæ, tùm vespertinæ, si habeatur, poterit deambulare in hortulo Eremitorij, vel aliquod opus manuum facere, aut legere aliquem librum pium potiùs historix spiritualis, quàm orationis, ne caput ledatur, & etiam parum somno indulgere.

Neminem prorsus, nisi Superiorem, aut directorem alloquatur, sed si aliqua re indigeat, scribat, & ostendat Fratri ad eius ministerium destinato, qui si signo, vel scripto poterit respondere, non faciat verbis, & ideò si interdiù aliquid, quod sine incommodo vsque ad tempus, quo fertur ei prandium differri non possit, occurrat, duobus, vel tribus ictibus pulset cāpanulam, qua audita, Frater, qui ad eius ministeriū destinatur, accurret, & quòd opus fuerit, præstabit, ad quod Superior designabit aliquem Fratrem sedulum, ac modestum, qui singulis diebus tempore examinis conscientix meridianæ, & post orationē vespertinā feret ad Eremitoriū prandiū, & cœnam, seu collationem, & mox redibit ad prādiū, deindè antè finē recreationis deferet lāces, quos, qui facit exercitia, accomodatos habebit propè, vel extrā portam, vt faciliè accipi possint à Ministro.

Antequam eat ad exercitia, & finitum, reuertitur ad Conuētum, accipiat benedictionem Superioris.

Tem-

Tempore exercitiorum non redibit ad Conuentum, nisi vocatus, nec vocabitur, nisi cum magna occasione, & ad Capitulum, si sit Conuentualis, & in eo Capitulo debeat proponi aliquis Nouitius, vel aliquod negotium tractari, tunc enim finita exhortatione, ac culparum correctione, vocabitur ad Capitulum, extra hos casus non interfit Capitulo.

Si in Conuentu non erit Eremitorium, fiant exercitia in aliqua Cella separata, & si facile fieri potest, Sacerdos faciat, non Sacerdos, audiat Sacrum in Oratorio secreto.

Quoad actus orationis, & Chori frequentandos, Superior se accomodet spiritui, ac deuotioni illius, qui facit exercitia. Ad Capitulum non veniet, nisi in casu supradicto, nunquam interfit recreationi, nec pradeat in Refectorio, sed in Cella, & ideò erit aliquis destinatus, qui curet singulis diebus ei ferre prandium, vt supra.

Silentium strictissimum seruabit etiam cum Fratre ad eius ministerium destinato, vt dictum est.

Licet præcipuus fructus exercitiorum in interiore homine querendus sit, externæ tamen mortificationes, & pœnitentiæ, hoc maxime tempore iuxta cuiuslibet vires, necessariae sunt. Quapropter toto tempore exercitiorum, etiam si secundum Regulam ieiunare non teneamur,

100 *Instructiões Fratrum*

decens esset, vt qui facit exercitia, ieiunaret, exceptis tamen diebus Dominicis. Similiter his diebus, quibus in Communitate non fit disciplina, solent, qui faciunt exercitia, illam facere, aliosq. pœnitentiæ, & mortificationis actus exercere, & Fratres frequentius communicare, & aliquando singulis diebus, nihil tamen, nec quoad communionem, nec quoad pœnitentias, fiat sine licentia Superioris, vel Confessarij, aut Directoris, si ei hoc Superior commiserit.

Tempore exercitiorum solet fieri mortificatio extraordinaria, quæ non est prætermittenda, sed vna tantum fiat.

Instructio ad Collationem spiritualem Feria Sexta habendam.

AD collationem spirituale, singulis ferijs sextis secundum Constitutiones faciendam, conueniant omnes Fratres, etiam Nouitij cum Sacerdotibus in locum à Superiore ad collationem destinatum.

Curet Prior, & antiquiores Sacerdotes, hoc præsertim die, recreationi interesse, vt sua præsentia collatio fructuosius fiat.

Affigatur materia collationis, quæ sit materia aliqua spiritualis, veluci de Oratione, mortifi-

catione, alijsq. similibus à Superiore, vel ab eo, cui ipse demandauerit, designato, fer. 3. aut 4. in loco, ubi facile ab omnibus legi possit, ut se queant omnes præparare.

Parùm antè finem dimidiæ horæ Præsidens accepta carta proponat materiam, vel aliquando interroget (experimenti gratia,) quæ sit materia collationis, ut sic omnes habeant curam legendi, & se præparandi, antequam eant ad collationem, petatq. sigillatim, quid quisque sentiat circa illam materiam; responsionemq. ipse parum, simpliciter tamen sine furo, sed utiliter dilucidabit, nullus alius sine venia Præsidis, vel dilucidet, vel declaret, nisi fuerit Prælatus, aut hospes talis, cui ex reuerentia, & urbanitate Præses deberet rogare, ut ipse collationem dirigeret, qui licet non acceptaret, posset, & deberet aliquando aliquid addere.

Omnes Fratres, cum dicunt circa illam materiam, debent genuflectere, & si Prælatus præsideat, regulariter semper dum dicunt manebunt genuflexi, si alius præsideat annuente Præside possunt surgere, & sedere, Sacerdotes verò, licet genuflexi non semper debeant permanere, decorum valdè esset, ut regulariter genuflecterent, maximè Prælato præidente.

Caueant omnes, ne in his collationibus subtilia, aut scolastica, sed moralia deuotè introducant.

Affigatur hæc instructio in Aula Communitatis, vel vbi Prior decreuerit .

*Instructio ad reddendam rationem
conscientiæ , & Spiritus Su-
perioribus .*

INtelligent singuli, dum rationē conscientię sunt reddituri, quanti momenti Sancta Mater Nostra Teresa id duxerit ad maiorem diuinę bonitatis gloriam, vt subditi magis in spiritu cum gratia vberiori proficiant, ac tanto maiore cum diligentia, amore, & sollicitudine iuari, & à periculis conseruari possint .

Circà quod, post mortem, cuidam sui ordinis Religioso fecit sequentem reuelationem .

Ad perfectionis obseruantiam maximè spectat Prelata, aut Superiori interioris sui rationem reddere, & ad hoc Religiosi, & Religiosę Constitutioni pareant, quę iubet, vt singulis mensibus hoc (nihil omninò celando) præstetur, quando in hac re erit defectus aliquis, verus spiritus, ac Religionis nostrę feruor minuetur .

Ista omnia sunt verba S.M.N. valdè notanda.

Capita verò, quibus conscientię ratio reddi debet, hæc ferè erunt, ex quibus, cum ea retulerint, quę ad plenam sui manifestationem,
di-

dicenda putarint, petant à Superiore, vt eos interrogando iuuet, ac suppleat, si quid esse iudicet, quod ad maiorem Dei gloriam, & sui notitiam scire velit.

An viuat contentus iuxta suam vocationem.

Quomodo se habeat circa Obedientiam, etiam intellectus, paupertatem, castitatem, & vsum aliarum virtutum, & quarum præcipuè studio intentus sit.

An sentiat aliquas animi perturbationes, aut tentationes molestas, & de facilitate, seu difficultate, & modo eis resistendi, & ad quos affectus, vel peccata sit magis propensus, & incitatus.

An contra Constitutiones, vel Regulam aliquam, vel ordinationem Superiorum firmum iudicium habuerit, vel contra eam disputauerit.

Quid sciat de nostro Instituto, & de medijs, quibus vtimur ad finem nostræ Religionis consequendum.

Quomodo spiritualibus rebus sit affectus, quantum temporis orationi tribuat, & num vocali, aut potius mentali iuuetur, & cui plus temporis tribuat, & quem modum in orando teneat.

Num in vfu rerum spiritualium consolationem, & deuotionem habeat, an verò contra

desolationem, ariditatem, & vagationem animi patiat, & quomodo in his segerat.

De fructu, quem ex Communionem, & Confessione, Examine, & alijs exercitijs spiritualibus percipiat.

Num post vltimam rationem conscientia, quam reddidit, maiorem, vel minorem fructum fecerit, & quem animum experiatur ad perfectionem consequendam.

Quomodo obseruet, quæ ex Constitutionibus, & Regulis, tum communibus, tum officij sui ad eum pertinent.

De mortificationibus, pœnitentijs, & alijs exercitationibus, quæ faciunt ad spiritus profectum, & in specie de preparatione ad iniurias, & ad alia, quæ ad Christi Crucem pertinent ferenda, atque de eorum desiderio.

Quomodo ex Religiosorum conuersatione proficiat in Domino, & an alicui sit plus familiaris, quam alijs.

An auersionem animi sentiat ab aliquo, & quomodo sit affectus erga Superiores.

Quantum temporis, per diem extrâ præsentiam Dei moretur, & quomodo vtatur frequenter aspirationibus, & iaculatorijs orationibus.

De actuum directione, an scilicet mane, & ad principium cuiuscunque actionis, & si actio est aliquantulum longa in ipsamet direc-

ctio.

&ionem faciat, & oblationem iuxta Instructionem Nouitiorum.

Item quomodo sapè exerceat paruas mortificationes, & an ad minùs quotidie certum numerum expleat, scilicet septem, vel octo supplendo serò, antequam cubitum eat, si per diem oblitus est.

An fecerit exercitia spiritualia annua iuxta Constitutiones.

*Instructio Conferentia casuum
Conscientia.*

Die, & hora à Superiore designanda ad sonum campanulae, vel tabellarum, ut Superiori videbitur, conueniant omnes Sacerdotes, exceptis scholaribus in locum ad conferentiam casuum conscientiae habendam, designatum, ubi Praeses dicet *Antiph.* Veni sanctae Spiritus, &c. cum oratione, ut in principio orationis mentalis.

Erit materia per Priorem, vel per alium ab ipso designatum determinata, dubium vnum, vel alterum loco publico affixum cum nomine illius, qui dubium debet proponere, & ut possit se preparare, affigetur sequenti die post ultimam conferentiam.

Cui incumbit, illo die, tractabit dubium diluci-

lucidè , adducens auctores , & rationes magis neruofas .

Posteà si aliquid alicui occurrat super doctrinam traditam, dubitando magis, quàm impugnando proponat , soluat regulariter , qui dubium tractauit, aut Præsides, seu alter ex Præsidis commissione, deindè alij etiam interrogabunt, si quid occurrerit , & similiter soluetur .

Materiæ parum pudicæ tractentur , quoad fieri poterit, in vniuersali , & modestè .

Caveant ab impugnacione , à contentione , à curiositatibus, à verbis ad rem non attinentibus, & Præsides hæc omnia impediat , & tollat de medio, quòd, vt melius fiat, curet Prior nunquam abesse à conferentia .

Non loquantur confusè, sed vnus post aliũ , & ex venia Præsidis, auscultent mutuo sese, nemo dubia decida non interrogatus , nemo interroget, quoad vsque non habeat veniam, nemo dubia , vel decisiones aliorum impugnet , irrideat, vel paruipendat .

Si quis fuerit impeditus, tempestiuè ad moueat Superiorem , vt possit alium loco sui sufficere .

Materiæ tractentur consecutiue vsquequo sint omninò benè digestæ .

Affigatur hæc instructio in loco vbi fiunt conferentiæ .

*Instructio pro mortificationibus extraordi-
narijs, & de modo, quo Definito-
res Prouinciales in Capitulo,
& Refectorio debent sibi
imponere culpas.*

Qui ad mortificationem extraordinariam
veniam habuerit, tempore examinis
conscientiæ in loco ad hoc destinato
se præparabit, ita vt antequam secundum
ferculum ministretur, ingrediatur Refectoriũ.

Curet Superior, ne mortificationes extraor-
dinarie fiant coram extraneis, nisi valdè rarò,
& re valdè considerata.

In vno prandio non fiant plures mortifica-
tiones extraordinariæ ex ijs, in quibus culpæ
dicuntur.

Circà modum se præparandi, seruetur con-
suetudo antiqua, ita vt non introducantur no-
ui habitus, & ceremoniæ, feret tamen, qui-
cumq. faciet mortificationem, paruum Scapu-
lare, ita vt aliquo modo appareat.

Nullus dicat culpam aliquam in particulari
occultam, nisi de expressa Superioris venia,
quæ non dabitur, nisi cum magna causa, & re
naturè considerata, & omnes breuiter, deuotè,
mo-

modestè, & cum humilitate, & sine rethorica tres, vel ad summum quatuor culpas dicant, & veniam, orationesq. ab omnibus petant.

Cum Prælatus aliquis inferior voluerit mortificationem extraordinariam exercere, consultum esset, vt si Prælatus aliquis Superior, qui præsidere debet, adesset in Conuentu, expectaret, donec præsideret ille in Refectorio, Ingrediente igitur Prælato in Refectorium ad mortificationem extraordinariam, omnes Religiosi, excepto Superiore Prælato, si adsit, assurgent, stabuntq. donec fiat signum à Præsidente, qui siuè sit Prælatus, siuè non, aliquod signum ingredienti faciat, vt dicat, modestè tamen, & humiliter, tunc sedentibus omnibus, qui mortificationem facit, dicat suas culpas, vt moris est. Præses autem breuiter, & humiliter, maximè si sit subditus aliquod verbum excusationis potius, quàm reprehensionis dicat, petatq. vt oret pro omnibus, simulq. orationes communes offerat, surgentibusq. omnibus, Prælatus discedet.

Si verò Reu. Adm. P. N. Præpositus mortificationem aliquam exercet, Definitor Generalis antiquior, qui adierit, etiam si tunc non præsideat, in Refectorio præsidentis vices gerat, & omnes stabunt ab ingressu, ad egressum, vsque.

Si Definitor Prouincialis, aut Prior, alius
quis

quis hospes fecerit mortificationem aliquam extraordinariam, sufficit, ut omnes assurgant ingredienti, & egredienti.

Qui pauperem debet facere in Refectorio, obtentâ à Superiore venia post ministratum, primum ferculum ingrediatur Refectorium sine cappucio, & scapulare magno, sed cum paruo super habitum, accintusq. erit aliqua rudi corda, nec feret regulariter sandalia, licet in hyeme propter frigus non prohibentur, feretq. in manu lancem mundam, & stans circa medium Refectorij petet voce mediocri, & humili eleemosinam sibi dari amore Dei, & accedens ad Præsidentem, aut ad illum, qui primo loco sederit, genuflectens porrigit lancem, & si ei aliquid detur, dicat submissa voce Benedictus Deus in donis suis, si autem nihil detur (quod aliquando, ad exercitium humilitatis conueniret non dari) dicat, Deo gratias, postea, siuè à primo accipiat, siuè non, accedat ad vnum, vel alterum, & faciet similiter, deinde genuflexus propè medium Refectorij ea, quæ mittuntur ex eleemosina, morè pauperum, cum gratiarum actione comedat, hi autem, qui aliquid pauperi dare voluerint, significant ministro, qui monebit Præsidentem, & id, quod ipse iniunxerit, ministrabit, non tamen aliquid ex Culina immediatè, ut datur Communitati, porrigetur. Sed Præsides ex duobus,

bus, vel si placuerit ex tribus, qui suā portionem offerunt, iniunget ministro, vt faciat vnam portionem, vel plures, si plures dentur Communitati, & hoc detur. Si autem ea, quæ ministrantur pro ferculo, permittāt, vt super frustum panis aliqua pars, ponatur decens erit, vt sic ad experimentum paupertatis aliquando detur. Poterit tamen pauperi ministrari panis, non tamen de canistro ordinario, sed à Ministro; vinum verò infundatur, vt alijs, de licentia Præsidis, culter etiam, & coclear poterit apponi, non verò mantile, postquam pauper comederit, erigat se genuflexus, donec à Præsidente signum detur, quo facto, osculata terra surget, & dicat submissa voce laudetur Iesus Christus, & recedet. Indutus autem more solito redeat ad osculandum Præsidis Scapulare.

In Capitulo Conuentuali Definitor Prouincialis antiquior, qui adierit, dicat illa verba Reu. P. &c. quibus dictis, si ibi sint Sacerdotes hospites, seu non Capitulares, sedent omnes Capitulares, & dimissis hospitibus, vel si non sint, dictis illis verbis Reu. P. &c. Definitor, qui vult sibi imponere aliquam culpam, genuflectit solus, & alij sedeant, & rogatus à Præsidente dicet suam culpam, acceptaq. monitione, osculata terra de more surget, & dum ipse osculatur Scapulare Præsidis, omnes assurgent.

In

In Refectorio si Definitor Prouincialis vulgè culpam aliquam dicere propriam, postquam Zelator dixerit, quæ notauerit, ipse cum alijs genuflectet, quem primo Præses roget, quid dicat, & ei respondeat, & paruam pœnitentiam, vt moris est, imponet, iubeatq. sedere, quo surgente omnes, qui sedent, surgent, & finita culparum correctione cum alijs ad osculandum Prioris Scapulare ibit.

Instructio pro Recreatione.

CUm recreationis tempus sit quædam Monastica austeritatis intermissio, ita Fratres nostri ea vti debent, vt Dei præsentiam, timorem, & amorem obliuioni non tradant, singulari quippè modo Fratrum recreationi, sicut, & cæteris disciplinæ regularis actibus, Deus præest.

Meminerint, cum in recreationis locum conueniunt, longè aliud esse recreari, quàm appetitui sensuum inferuire; illud enim mos Sanctorum est, hoc verò nunquam licet, cum contrà virtutis cultum nunquam agere liceat.

Postquam ergò in recreationis locum ventum est, sinè strepitu in suo loco quisque modeste sedeat, & hilarem semper vultum exhibeat.

Ne prorumpant in verba ordine præpostero, sed qui primo loco sedet, primùm loquatur,

tur, & alios exhilarare, & ad moderatè loquendum inducere curet.

Vno, & præsertim Præsidente loquente, cæteri sileant, & benevolè audiant, neque loquentem præmaturè interrompant, vel cum alijs interea verba faciant.

Si minùs placeat, quod ab aliquo dicitur, neque verbis, neque nutibus id cæteri significant, sed gratum sibi accidere demostrent.

Nihil contentiosè loquantur, sed si quid contrà aliorum dicta, vel facta sentiant, nunquam externè significant, nisi fortè, qui præsidet, aliquid improbare debeat, ne alijs noceat.

Nihil ibi proponant, quod seminarium discordiæ sit, cuiusmodi sunt omnes ferè doctrinæ, quæstiones, necesse quippè est ingenia diversa mutuo discrepare, ac proindè aliquod charitatis detrimentum pati.

Si quis sententiam suam rogetur, quæ alijs, qui priùs locuti sunt, contraria sit, ita eam proferat, vt alios minimè improbet, sed potiùs se cedere paratum ostendat.

Nihil ibi sæculare Fratres nostri admittant, quod iactantiam, vel aliorum despectum redoleat.

Bella, lites, ambitionem Principum, & eiusmodi alia, quæ animum extrà claustra vagantem indicant, ibi non referant, nisi fortè.

ut pro sæculi malis Dominum deprecantur, 210
vel alia honesta de causa.

De diuersarum nationum comparatione,
non agant, & suam quisque nationem alijs mi-
nimè præferat, odiosa quippè nationum, &
personarum comparatio est.

Ea recreationis monasticæ propria sunt,
quæ ad spirituales profectum attinent, vel quæ
cum indifferentia sint, sinè ullius tædio, vel no-
cumento delectant.

Huiusmodi sunt sacra Scripturæ interpre-
tationes, exempla Sanctorum, historia, eru-
ditio varia, & alia similia, vnde nulla conten-
tio oriri posse videatur.

Hæc, & alia ejus generis in recreationis lo-
co, ita à Fratribus nostris proferenda sunt, ut
quamuis doctrina præstent, non alios docere,
sed oblectare velle videantur.

Non est præter monasticam disciplinam in
eo loco aliquid facetè dicere, sed qui dicit, af-
fectionem, qui audiunt, risus dissolutionem
vitent.

In omni recreatione, sed in extraordinaria
præsertim, ubi aliquid solito amplius permit-
titur, assuescant Fratres nostri moderatæ lati-
tiae, & priuata colloquia, præcipuè, qui Sa-
cerdotes non sunt, accuratè fugiant.

Cum genus aliquod honesti ludi ad corpus
exercendum permittitur, ita à Fratribus su-

sciatur, ut animus non occupetur, nullumque iracundiæ motum præferant.

Omnis familiaritas singularis cauenda est, quapropter studeant Fratres nostri in recreationis loco, seu sedendum, seu standum, seu ambulandum sit, cum aliquo singulari Fratre, non ita versari, ut ab eo nolle discedere videatur.

Modestia in externis actibus semper, sed eo præsertim tempore, colenda est, quo animus ab orationis studio in recreatione aliquantulum relaxatur, propterea Fratres nostri nihil indecorum admittant, cuiusmodi esset alterius manum attingere, alterum alteri, cum sedet, nimis adhærere, ac eius generis alia, quæ quamvis alijs liceant, à Religiosis usurpanda non sunt.

Cum Præses aliquid iniungit, quod ad Fratres exhilarandos conferat, ita ab eo, cui iniungitur exerceri debet, ut neque modestiæ meram excedat, neque ob pudorem aliquid fingat, sed sincerè statim obtemperet.

Si aliquando Frater quispiam ob passionem, seu tentationem ullam molestia graui vexetur, caueat, ne in recreationis loco vultum mutet, tunc præcipuè cum in recreatione ipsa, vel paulò antè Superior aliqua correptione, seu mortificatione vllum exercuit.

Cum aliquis loqui permittitur, caueat, ne

ex rusticitate, seu tarditate alios offendat, vel ex verbositate molestat, sed sincerè, & modeste loquatur.

Somni, vel distractionis signa in recreatione vitanda sunt, alterum enim pigritiæ, alterum neglectus indicium est.

Sic in eo loco animus compositus esse debet, ut quicquid boni dicitur, in Cellam reportet, quod minimè necessarium est, obliuioni tradat.

Denique, ut recreatio tota fructuosior sit, Fratres nostri ipso recreationis tempore aliquot actus aspirationis in Deum intercalatos exerceant; oportet quippè semper orare, & nunquam deficere.

Instructio scribendi literas.

Apponatur Crux, Iesus Maria, Pax Christi, vel pax, & gaudium Spiritus sancti, subscribatur Indignus, vel Humilis seruus, si Superioribus, & Filius, Fr. N. Prior, vel Supprior,, vel Sacerdos, vel Chorista, vel Donatus, si verò scribatur alicui, cui scribens est valdè notus, sufficiet scribere Fr. N. si scribatur Patribus, dicatur Adm. Reu. P. in Christo Obseruandis. N. Si Superioribus, addatur nostro, quod decens est obseruari, non solum cum Superioribus actu, sed cum illis, qui aliquando

fuerint Superiores Cōgregationis, vel Prouinciæ ab illis saltē, qui fuerunt subditi: Fratribus verò . Carissimo in Christo Fratri N. nec alia cēremoniæ, vel vrbانيتates inducantur .

Nullus, exceptis Generali, Definitoribus, & Procuratore generalibus, Prouincialibus ac Visitatoribus regulariter suprascriptionem, faciat per Secretarium, sed quilibet sua manu, maximè quando Superiori scribit, suprascriptionem faciat .

Ob paupertatis cultum scribant etiam Generali in dimidio folio, & etiam in partibus remotis in quarta parte folij, si negotij longitudo, aut externarum personarum dignitas aliud non exigit, & nisi fuerint plures literæ, mittantur sinè operimento, vulgò coperta, & claudantur more Italico ordinario .

Nullus Religiosus alteri, etiam Superiori scribat literas ad hoc solum, vt præcentur fœlicitia festa .

Non scribantur literæ, quæ rumores, & vana nuncia contineant, nec ea, quæ in aliquo Conuentu accidunt, scribantur ad alium, nec aulicæ, & fucatæ officiositates etiam ad Superiores, ipsiq. Superiores, & Definidores circa hoc inuigilent reprimentes illos, qui in hoc deliquerint .

In scribendo de alijs, siuè Sæcularibus, siuè Religiosis curent, ea vti prudentia, atque ar-

te, vt si fortè literæ in alienas manus incidant, nullus offendi possit, aut scandalizari, quod omnibus Religiosis maximè cordi esse debet.

Nullus subditus mittat epistolas, nisi in plico communi Superioris, nec eas tradat mittendas sæculari, nisi de expressa Superioris venia.

Non mittant literas sub plico Definitorum, nisi de expressa venia Prioris, nec sub plico Generalis, vel Prouincialis, nisi de eorum expressa venia, vel monentes illos, Priorem non vidisse epistolas.

Si Domo abest Prior, & est reuersurus eadem die, Præses non det licentiam scribendi, nec aperiendi, nec mittendi literas, nisi necessitate valdè vrgenti, & tunc de consensu Patrum trium antiquorum, & in reditu teneantur monere Priorem.

Instructio ad Monasteria, & Ecclesias nostras construendas.

Q Vi fabricis præficiuntur, diligenter aduertant, ne in instruenda Domo regulas, ac mensuras nostrarum Constitutionum excedant, sed ad vnguem delineamentum obseruari faciant.

Curent, vt omnia paupertati nostræ congruant,

gruant, vndè nec in fenestris, nec portis, nec etiam in fornicibus labores superfluos admittant, sed omnia nitida, fortia, non nimis curiosa in domo pauperum introducant.

In Ecclesia inuigilent, vt taliter construat, vt locus pro confessionarijs ita pateat, vt & Confessarius, & pœnitens facilè videri possint.

Nullo modo in Cappellis angulos, nec oratoria inter capellam, & capellam, quæ omnibus non pateant, permittant.

Tabernaculum Sanctissimi Sacramenti, siuè in summo Altari, siuè in alio pro communione secularium alicubi apponatur; taliter fiat, vt nullo modo ab homine auferri possit, & si tale aliquando propter instantem necessitatem, permittendum sit, aliquo ferro taliter Altari adhzreat, vt nemo ipsum, nisi auferendo ferrum tollere valeat.

Altare maius habeat 12. aut 14. vel circiter palmos longitudinis, latitudinis 3. altitudinis verò 4. cum medio, supedaneum erit ad mensuram Altaris, latitudinis verò 4. cum dimidio.

Palmus, de quo hic agitur, erit ille, quo vestes metimur iuxta Constitutiones.

Altaria minora habebunt longitudinis 9. cum quarto, latitudinis 3. palmos.

Omnia Altaria habebunt saltem vnum gradum, vbi Cruz, & Candelabra ponantur, anteq
erit

erit supedaneum, & in summo Altari præter supedaneum erunt duo gradus, aut ad minus vnus.

In Presbyterio, aut in Choro fiat sepulchrum pro nostris Religiosis, & in qualibet Capella fiat etiam pro Patrono, aut præsentē, aut futuro.

In Ecclesia verò fiant tria, vel quatuor sepulchra communia pro sæcularibus.

Subtus Sacristiam fiat cauea ad euitandam humiditatem, quæ solet corrumpere armaria, & etiam paramenta, & si fieri non poterit cauea, saltem eleuetur pauimentum vno palmo, & taliter accommodetur, vt humiditas non possit nocere.

Portæ, quæ sunt ad Plateam, fiant fortes, licet non nimis curiosæ, & elaboratæ.

Curent diligenter vitare omnes prospectus tam ad plateas, quàm ad Domos, seu hortos vicinorum, tum è Cellis, tum ex alijs fenestris, quod si aliquando aliqua fenestra, quæ habeat tales prospectus, euitari nõ possit, fiat ita altè, vt non possit indè facillè aliquis respicere.

Instructio pro Seminario Missionum.

Regulariter non mittantur ad Seminarium, qui spiritum missionum non habent.

Curabit Prior in exhortationibus, & colla-

tionibus missionum spiritum Religiosorum, cordibus imprimere, & quod legantur in mensa, vel recreatione literæ annuæ, quæ ex varijs missionum locis à nostris Religiosis mittuntur, actaq. præcipuè recentium martyrum.

Qui ad Seminarium mittuntur, elapso anno, tempore, quo fit renouatio votorum, poterunt emitte- re votum eundi ad Missiones in hanc formam. Insuper promitto, me ad quamlibet missionem pro cōuersione Infidelium, seu Hæreticorum iturum, cum Obedientia id mihi iniunxerit; & nomina vouentium, votumq. scribantur in libro peculiari, qui seruabitur in Archivio Conuentus, sed in Seminario Romano, elapso anno, in Capitulo Conuentuali emittent votum huiusmodi.

Prior, & Supprior poterunt ad aliorum animos excitandos idem votum emitte- re, reliqui autem non studentes, & Donati, sine expressa licentia Superioris publicè eiusmodi votum, non emittant.

Fratres, omnes qui in Seminario moraturi sunt, instruantur linguarum peritia, controuersiarum doctrina, & alijs, quæ ad errores Infidelium, & Hæreticorum repellendos, & catholicam veritatem confirmandam, & mores etiam componendos, opportunè videbuntur.

Curet Superior ita Religiosorum studium, & spiritum in animarum salutem dirigere, vt
non

non obliuiscantur potioris , & principalioris obligationis, quę ex vi Regulę, & proprii instituti nostri tenemur ad studium orationis , & contemplationis , caueantq. ne ex accessorio principale , & ex principali faciant accessorium .

Cum verò his, qui missionibus incumbunt, multę sese offerre soleant occasiones , in quibus, nisi sint in virtute benè radicati , & fundati, facilè ruere possunt; probet Superior spiritum , & virtutem singulorum varijs experimentis, paupertatis , patientiæ , humilitatis , contemptus, &c. vt ijs veluti præsidijs ad maiora certamina paulatim disponantur, & simul manifesti fiant, qui verè ad tantum opus idonei sint , de quò monebit suo tempore Superiores, ad quos pertinet, missiones facere , vt melius, & electius fiat electio mittendorum .

Opportunum etiam esset aliquando honestę recreationis , & deuotionis gratia representare Tyrannum aliquem fidei impugnantem , tormenta minitantem ,
& martyrem respondentem , &
se tormentis exhibentem,
vt moris est apud
nos.

Instructio pro Conuentu Professorum instruendorum, seu educandorum.

IN hoc Conuentu Magister professorum potest esse alius à Supprieore, qui à Definitorio Prouinciali eligitur, qui Fratres in Dormitorio clauso educabit, & ipse in eorum Cellas, & è contrà ingredi poterunt.

Non habebit Socium, qui aliquam auctoritatem exerceat in Fratres.

Singulis hebdomadibus bis Fratres conuocabit, semel pro exhortatione, & semel pro correctione culparum, & reddenda ratione presentiae Dei, &c. & eos non solum in Oratorio, & priuatim, sed etiam, si praesideat, coram communitate corripiat, & instruat.

Det operam Magister, ut singulis hebdomadibus peculiarem virtutem eligant, & colant, Deiq. praesentiam praec oculis habeant, nec à bonis moribus, quos didicerant, recedant.

Illorum confessiones audiat, & de exercitijs internis, & externis rationem exigit, & denique sic illos in Dei timore, & amore continere curet, ut à Nouitiorum feruore, quoad fieri poterit, minimè discrepent. Et ideò ad coronam Beatae Virginis post Nonam, vel Vesperas pro diuersitate temporum. Ad Vesperas Dulcissimi

mi

mi nominis Iesu Ferijs Sextis recitandas convenire eos faciat, & similiter post Sub tuum præsidium ad benedictionem accipiendam eos in Oratorio recipiat, non tamen accedant præfente Priore, vel alio Superiore, sed expectent, donec recedent.

Post Matutinum facient Fratres mediam orationis horam, & dicent Litanias Beatissimæ Virginis.

Solus Prior, vel Superior Domus poterit dispensare cum Fratribus in ieiunio, & dare licentiam non interessendi a&ibus Communitatis, nec ipsi poterunt mortificationem extraordinariam sinè eiusmodi Superioris licentia exercere, pro alijs verò mortificationibus, ac pœnitentijs secretis sufficiet licentia Magistri, nisi Superior expressè prohibeat.

Curet Superior, quantum fieri poterit, ne Fratres in illo primo anno professionis, præcipuè iuniores, foras mittat.

Instructio recenter Professorum.

Persuadeant sibi Professi Fratres, quicquid intra probationis annum præstitere, pro nihilo ducendum, & à professionis die novam, purioremq. vitam incohendam. Professò Novitiatus simile quiddam est Declamantium exercitio, quod serijs, publicisq. orationibus per-

præmitti consuevit. Præludia sunt, quæ in anni prioris cursu Fratres exercent, status verò professorum serium, graue, grandèq. opus est. Quo circa enitendum est, vt quæ Nouitij præluserunt, iam professi perficiant.

Fratres igitur Professi quemadmodum vitam ceperunt ex orationis, & mortificationis studio contexere, ita prosequantur, caueantq. ne quidquam eorum, quæ bono animo, firmoq. proposito exercuere, prætereant, qua in re totius perfectionis monasticæ vis consistit, cum perspectum sit, bona cepta, si ad finem vitæ perseuerent, tenaces obseruatores suos perfectos efficere.

Non modo communis, ac Regularis vitæ fidissimi obseruatores sint, verùm etiam opera supererogationis, quæ sub Magistri disciplina præstare assueuerunt, constantissimè exequantur, hoc enim primùm Angelus Satanæ persuadet, vt supererogare desistant, moxq. hoc prælio victos ad necessariam status obseruantiam omittendam impellit.

His ergò diabolicis conatibus sese opponant professi Fratres, & ad noua, & maiora semper se ipsos excitent, & disponant. Inter alia verò ista quatuor monita tenacissimè obseruent.

Vt diebus singulis Professionem renouent.

Vt præsentia Dei studiosissimi sint adhibitis memoriæ remedijs.

Vc

Vt certò, putà septenario numero, mortificationum, se in exiguis saltem rebus quotidie exercent .

Vt ubicumque fuerint, cum Superiore tanquam cum Nouitiorum Magistro versentur .

Hæc quippè quatuor monita ea sunt , quæ animas eorum memores ad monasticæ perfectionis culmen facile perducunt .

*Instructio Professorum , qui è Nouitiatu
in alia Cænobia migrant .*

Q Vandiù recenter Professi inter Nouitios promiscuè versantur , & eodem prorsus modo , ac illi reguntur , timendi causa non subest, feruor quippè ille, & cōceptus æmulatione calor professos alit , & promouet , at transitus ille ad alia Cænobia , vbi exercitia Nouitiorum desunt non leuis causa timoris est, experientia nempe constat, nonnullos Professos , qui montes aureos pollicere videbantur, loci mutatione animum quoque mutasse , atque à concepto Spiritus sancti calore deferbuisse .

Hoc ergò grande malum Professi Fratres præcauere curent , quod præstabunt, si instructionem recenter professorum , & præsertim quatuor illa monita, quæ in ipsius calce recens-

sentur, fidelissimè obseruent, præcipuè verò quartum, scilicet, vt cum aliorum Cœnobiorum Superioribus eodem prorsus modo se gerant, ac si illi Magistri, ipsiq. perenniter Nouitij forent. Quod sanè monitum totiùs Monasticæ disciplinæ complexio est, siuè de passionibus subiugandis, siuè de parandis virtutibus, siuè de tentationibus propulsandis, siuè deniq. de rerum diuinarum studio tuendo sermo fiat.

Et si verò quatuor illa monita ad perfectionem parandam opportuna, simulq. ad fidam, diurnamq. obseruantiam prudētī mediocritate temperata videantur; opus tamen habent noui Professi peculiaribus insuper adiuari consiliis, quæ ipsi fortassè ex illis, velut fontibus deriuare nescirent.

Coerceant effrēnem quemdam affectum aliò migrandi, qui recenter Professos infestare solet, nec de propria commoditate solliciti sint, sed eo prorsus modo, ac tempore, quo abire iubentur, accepto Breuiario, apostolico more discedant, nisi aliter Superior decernat. Vaticum non quærant, sed spem totam in diuina bonitate collocantes eleemosinas mendicare constituent.

Per viam alacriter, ac modestè, sine vlla contentione procedant, instructionemq. iter agentium ad vnguem obseruent, & statim, ac per-

peruenerint eo, quo migrant, Superiori suo ita se totos humillimè tradant, ac si eo die è sæculo in Claustrum se abderent, & inter Nouitios recenseri inciperent.

Caueant, ne aliquid noui nuncient ex ijs, quæ alibi aguntur, nisi à Superiore interrogentur, neque scioli sint, ea, quæ in Cœnobio fiunt, comparatione eorum, quæ didicere, reprehendentes, vel interpretantes, sed omnia simplicissimè accipiant, suiq. curam gerant.

Confestim aperiant Superiori omnia sua, vel obligationis, vel supererogationis exercitia, siuè ad orationis, siuè ad mortificationis studium spectent; & eius sententiæ per omnia obtemperent: Legum denique custodiæ deditissimi sint, & ad veram sanctitatem iugi Dei præsentia, Obedientiæ cultu, & sui abnegatione festinent.

*Instructio eorum, qui Socij foras
mittuntur.*

M Odestiæ curam exactissimam habebunt propter ingruentes occasiones distractionum, & propter bonum nomen Religionis.

Silentium ita colent, vt cum Patre, quem committantur, nisi interrogati, verba non faciant, & tunc valdè submissa voce, & breuiter.

Cum

Cum externis verò nihil prorsus loquantur sine Patris illius expressa venia, quæ ad necessaria, duntaxat verba, non ad linguam relaxandam concedenda est.

Dei præsentiam vigilantius, quàm Domi mente pertractent; neque nouarum rerum curiositate se allici sinant; Experimento enim quotidiano patet, animam rerum secularium curiositate dissipatam, difficulter admodum sese colligere; & ad rerum celestium meditationem verti.

Cum Pater ingreditur cum aliquo Prælato, aut viro illustri in cubiculum, Socius, nisi vocetur, remaneat extra cubiculum, & si ingrediatur iubente Præsidente, non ita prope accedat, ut videatur velle audire, quæ dicuntur; quod etiam intelligendum est, quando Præsidentis alloquitur viros graues.

Instructio Fratrum Professorum, qui ad officia designantur.

Difficile est inter occasiones multiplices virtutis modum, mediumque tenere, sic enim, qui diu sanctè vixerunt, sibi ab occasione timent, quis non planè fateatur, rem sanè miram esse inter occasiones inculpate versari, res certè perspicua est; quapropter noui Profes-

fessi præmuniri oportet ad officia sanctè gerenda.

Instructiones officiorum exactè obseruent, & si quid ibi non decretum occurrat, ad Superiorem perferant, vt modos perfectè agendi præscribat.

Perfectissimum modestiæ, & silentij cultum obseruent, nec existiment, quia ad officia præstanda, & loqui, & intruere necesse sit, omnem idcirco oculorum, linguæq. licentiam sibi permitteri; pessimè quippè agent, si absque Dei timore officijs ad eam laxitatem abutantur. Regula sit, eos Ministros sinè peculiari Superioris venia cum nemine loqui posse, ijs verbis exceptis, quæ ad expedienda negocia necessaria sunt.

Nullum familiaritatis genus cum externis contrahant, sed sese totos Deo, & Superioribus seruent, quod certè obtinebunt, si Dei præsentis immemores non sint, & in officijs Dei causam se agere perpendant.

Comiter, & suauiter cum externis agant, omniâq. illa sollicitè vitent, quibus animos exasperare possint, quod sanè præstabunt, si omnia tempestiuè expedire, & personarum discrimen obseruare nitantur, quemadmodum, Fratres nostri Dei gratia, consueuerunt.

Instructio pro Archiuio Congregationis.

ERunt iuxta Constitutiones duo Archiua Congregationis, vnum Genus, alterum Romæ, in quorum quolibet conseruabuntur infrascripta, Breuia Apostolica, & Bullæ, Priuilegia ad totam Congregationem spectantia, vel eorum transumptum authenticum, quod, vt conuenientius fiat, mox vt expeditur aliquid ex supradictis Pr. Procurator generalis curet fieri transumptum authenticum mittendum ad alterum Archiuium.

In quolibet eorum erit liber, vbi scribuntur acta Capituli generalis, & nouæ Constitutiones, si quæ feruntur, cum subscriptione Præpositi, & Definitorum generalium.

Erit liber declarationum, & alter ordinationum cum Præpositi, & Definitorum subscriptione.

Ex his Archiuijs nihil omnino extrahatur, sed, si opus fuerit, fiat copia de consensu duorum, qui habent clauēs, & curent quantocius reponi in Archiuio.

In Archiuio verò Romano seruabitur Originale Ordinarij, Manualis, Instructionum, Formularij, & libri Decretorum Definitorij generalis cum subscriptione Præpositi, primi Definitoris, & Secretarij.

In

In eodem Archiuio seruabuntur processus, qui ex singulis Prouincijs mittuntur ad Definitorium generale, & decisiones eorum, qui seruabuntur in distinctis receptaculis cum subscriptione nominis Prouinciæ, nec uiuentibus illis, de quibus agunt, comburantur, post obitum autem ipsorum de arbitrio Definitorii generalis poterunt comburi.

Claues Archiuij Romani habebunt R. P. N. Præpositus Generalis, Primus Definitor generalis, & P. Procurator generalis, & in eorum absentiam Definitores generales successiuè, & Prior Conuentus Sanctæ Mariæ de Scala, Genuæ verò R. P. N. Generalis, P. Prouincialis Genuæ, & Prior Sanctæ Annæ. Non aperiuntur Archiua, nisi præsentem aliquo ex prædictis, apud quos claues erunt, vel in eorum defectum præsentem aliquo ex Definitoribus generalibus.

Exit Index omnium scripturarum, quæ seruantur in huiusmodi Archiuijs, ut faciliè inueniri possit, si quid videndum occurrerit.

Instructio pro Archiuijs Prouinciæ.

IN Conuentu assignato per Constitutiones erit Archiuium, in quo asseruentur Decreta Capituli generalis, & Definitorii generalis à Reu. Adm. P. N. Præposito generali,

& Secretario subscripta, & in duobus libris distinctis compacta.

Conseruentur etiam ibi processus, qui de arbitrio Definitorij Prouincialis videbuntur conseruandi, qui, si infamiam alicuius contineant, poterunt de arbitrio Definitorij Prouincialis comburi post Rei mortem.

Relationes etiam foundationum Monasteriorum, & Annualia Prouinciæ, si quæ erût, & vitæ Religiosorum, qui in illa Prouincia sanctitate floruerunt.

Omnia item instrumenta authentica Conuentuum Prouinciæ, quæ haberi poterunt, vel eorum copiarum authenticarum, & nota contrarium, qui fiunt annotato anno, die, & Notarij nomine.

Erit Index omnium bonorum stabilium, cuiuscunq. Conuentus Prouinciæ, Bullarum Pontificiarum, & Priuilegia, tum Pontificis, tum Principum, & Magistratum, & similium, quæ ad Prouinciæ illam spectare poterunt, vt inde, si opus fuerit, copia aliqua authentica pro aliquo Conuentu extrahatur; Originalia verò nunquam auferentur ex Archiuio, nisi solum, vt fiat copia, habita tamen cura, ne perdantur.

Erunt receptacula distincta pro scripturis cuiuscunque Conuentus annotato supra literis maiusculis nomine Conuentus.

Clau.

Clauderetur Archiuum duabus clauibus, quarum vnā semper Prouincialis habeat, alteram Prior Conuentus, in quo erit Archiuum, nec aperiatur, nisi præsentibus his duobus, aut ab alijs ab ipsis deputatis, si absit Prouincialis, poterit relinquere clauem alicui ex Diffinitoribus Prouincialibus, si ibi fuerint, & ijs absentibus, alteri ex Patribus grauioribus Conuentus, ita vt vnus solus non habeat ambas clauēs. Prior autem, si abesse debet, relinquet clauem Præsidenti.

Erit Index omnium scripturarum, quæ seruantur in Archiuo, vt facili inueniri possint, si quid videndum occurrerit.

*Instructio pro Archiuo Conuentus, seu
Arca trium clauium.*

IN communi Arca seruabuntur infra scripta.

Liber foundationis, in quo præter foundationem etiam scribentur Superiores, scilicet, canonici, qui successiue fuerint in eo, & etiam Supprieores.

Alter, in quo scribantur Visitatores generales, & acta.

Alter, in quo scribantur Visitatores Prouinciales, & acta.

Alter, in quo defuncti Prætres scribantur, ubi is, cui rem Superior commiserit, annotet nationes, & nomina, subiicietq; compendium virtutum eorum, qui sanctitate claruerunt, ut posterius ad virtutis æmulationem excitentur.

Alter nomina eorum, qui ibi habitum induunt, & profitentur, continebit.

Alter, in quo reponetur Inventarium bonorum Conuentus.

Alter, in quo reponatur summa expensi, & accepti quolibet mense.

Alter, in quo ponantur credita, & debita, onera Missarum perpetua, si quæ fuerint, vel redditus exigendi, si qui erunt.

In eadem Arca seruabitur vnum corpus Constitutionum, Ordinarij, Manualis, Instructionum, Kalendarij, Formularij, & Compendij Priuilegiorum Ordinis.

Ibi etiam seruabitur copia omnium Actuum, tam Capituli generalis, & Definitorij generalis, quam Capituli Prouincialis, & Definitorij Prouincialis subscripta à Prouinciali, & eius Secretario, & acta quidem Capituli generalis conseruentur in vno libro, in altero verò acta Definitorij generalis.

Præterea seruentur in eadem arca scripturæ publicæ, vel instrumenta, testamenta, emptio-
nes, & venditiones, vel copię eorum authentice rerum stabilium, & alij contractus, & qui

qui fuerint, Breuia Apostolica in fauorem Ecclesie, vel domus eiusdem, licentie Definitorij generalis, vel Prouincialis, vel ipsiusmet Generalis, vel Prouincialis ad emendum, vendendum, vel quid simile.

Sit Index harum scripturarum, ideòq. Breuia Pontificia simul, literæ, & patentes Prælatorum nostrorum in bonum Conuentus simul, testamenta simul, contractus simul, in eodem fasciculo cum subscriptionibus sint.

Nullus accipiat ex Arca aliquid, sed nec Superior, nisi præsentibus duobus, & quamprimum iterum reponantur, de quo qui abstulit admoneatur ab alijs, nec obliuiscatur reponere.

Aliæ scripturæ inutiles, vel nullius momenti non sint in Arca trium clauium.

Omnis pecunia in ista Arca seruabitur, in qua etiam erit locus ad deposita, siue pecuniarum, siue rerum, si quæ fuerint apud nos seruanda, cum subscriptione, & nota, à quo accepta, & cui danda erunt.

Claues habeant apud se, qui illas habere debent, sed non ita, vt videantur, nec in Cella relinquantur, nec sint minus, quam duo, quando aperitur.

*Instructio ad librum Actuum**Conuentus.*

IN quolibet Conuentu sit liber, in quo, ut præcipitur in nostris Constitutionibus Cap. 5. 3. par. num. 15. scribantur omnia acta Capituli Conuentualis.

In Capitulo, quando aliquid proponitur ex his, quæ in dicto libro scribi debent, antequam suffragetur, scribatur propositio in aliqua carta à libro distincta ab illo, qui secundus post Priorem, seu præsidentem sedet, videlicet, si adsit aliquis Definitor, Supprior erit Secretarius, deinde postquam fuerint data suffragia, addat propositioni affirmatiuè, vel negatiuè, cum tot ex tot, finitoq. Capitulo, ille, qui fecit officium Secretarij, scribet eandem propositionem absque vlla mutatione in libro Conuentus, quam Prior, & primus Discretus subscribèt, liberq. reponatur in Cella Prioris, ita ut non conferatur per manus Religiosorum.

Propositiones Nouitiorum non in hoc libro, sed in alio separato scribentur à Magistro Nouitiorum cum subscriptione Prioris, & ipsius Magistri.

Propositiones Professorum, quæ sunt quoad mores pro Ordinibus, pro Concionibus, vel

Con-

Confessionibus non scribantur, sed approbationes solum, ne appareat in hoc libro, hos, vel illos fuisse aliquando, quoad mores propositos, & non approbatos, non tamen dicatur, quot suffragijs fuerit aliquis approbatus.

Instructio iter agentium.

Seu pedestres, seu necessitate cogente humiliter vestiti, qui è nostris iter agunt, paupertatem Christi æmulentur, & eleemosinas mendicare pro summo ducant honore.

Compositis vestibus semper eundum, ac cum per Oppida trāseundum est, induti pallijs Fratres bini procedant.

Non solum inter se, verum etiam cum alijs, quos obuios, vel itineris comites habuerint, comiter, ac hilariter, licet eum externis parcius agant.

De rebus diuinis frequenter verba faciant, & externos quosque pijs sermonibus ad pietatem suauiter alliciant.

Qui præest in itinere, lenem se ceteris exhibeat, & laborem, quoad possit, sua sedulitate subleuet.

Qui subsunt seniori, quasi Christo deferant, nec illius iniussu alio diuertant, vel quidquam attentent.

Non suam quisque commoditatem, sed aliorum

rum

rum exquiret, seu cubandum, seu quidpiam aliud agendum sit.

Cum in Claustri quiete salus nostra resideat, omni mora procùl acta Fratres nostri ad claustra festinent, & statim, ac peruenerint ad Conuentum, in quo remanere debent, literas patentes itinerarias apud Priorem relinquunt.

Sciant autem iter agentes, ratione itineris non dispensari in ieiunio, maximè cum peruenerint ad Conuentus, sed tantum ratione necessitatis, & quamuis Superior vltra primam diem cœnam afferat, modèstè se excusent, dummodo non præcipiat, cum verò de vno ad alterum Conuentum, non vltra tria milliaria distantem, accedunt, nulla hospitalitatis indulgentia vtantur.

Instructio pro Officio Humilitatis.

C Vi hoc officium obtigerit, valdè magni ducat occasionem tantæ virtutis exercendæ.

Ad ipsum attinet loca humilia, & sedilia mundare, aquam etiam iugiter subministrare ad vasa mundanda.

Curet, vt ibi sint instrumenta apta ad vasa prædicta tergenda, & illa cum trita fuerint, renouare.

Pexias etiam mundas, cartam, seu papi-
rum

rum habeat in sportula opportuna repositas, & eas mundare curet, quando opus fuerit.

Cum dies fuerit, in qua sit verrenda Domus, ad ipsum attinet, aquam deferre per Dormitoria, Chorum, Capitula, & alia loca publica, quod si occupatus fuerit, vel auxilio indigeat, admoneat tempestiuè Superiorem; Non irrigabit multò antè, nec ita tardè, vt iam sicca, vel nimis humida sit terra, cum verrenda est.

Eiusdem erit colligere immunditias post verritionem, & ad id habere instrumenta parata, & omnia reponere in loco ad id designato.

Cum irrigat Domum, modestè id faciat cum compositione religiosa, scapulare eleuato, & alligato ad cingulum, ne defluat.

Si quando (pro temporis opportunitate) haberi poterint flores, & herbae odoriferae, illis pauimentum loci humilis sternat, vt munditia in ipsis exactè redoleat.

Instructio Tersoris scutellarum.

Quibus hoc officium fuerit impositum, mane hora competenti, vbi opus fuerit, & post mediam recreationis horam, tergent scutellas, lancesq. & vasa alia, quæ singulis diebus inserviunt culinæ, præter lebetes, quæ regulariter à Coquo abstergi solent.

Dum

Dum opus faciunt, taceant, vel Psalmos, vel aliquid spirituale recitent.

Curent, ne aqua sit nimis calida, sed misceant parum frigida, & similiter in frigida parum calida infundant, ne facile lances frangantur.

Reponent omnia, quæ lauerint, suis in locis.

Habeant pannum antè se, dum tergant, aliquantulum etiam plicent manicas, ne illas, habitusq. deturpent, & fursure, vel alia re pauperiori manus postea abluantur, ne malè oleant, vel libros sordident, quos contrectant, pannos autem suis in locis reponant.

Si impediti fuerint, vel infirmentur, admoncant Superiorem tempestiuè, ut alium, si necesse fuerit, suo loco sufficiat.

Si quid rumpant, ablato cappucio, & corda ad collum appensum deferant in Refectorio tempore culparum post cœnam, & collationem, & se prosternentes dicant suam culpam, impositamq. poenitentiam agant, si plures lances, vel vas maius fregerint, sufficiat aliquas lances, vel partem illius vasis ferre dicendo suam culpam, quod similiter faciet quicumque aliquid fregerit, dummodo non sint vasa indecentia pro tali loco, & dato signo ad discedendum Præsidentis scapulare osculentur.

Cum eis contigerit officium, legent, & obseruent hanc instructionem.

In.

Instructio Ministri Rasuræ.

HAbeat apud vestiũ promptuariũ arculã, in qua sint lintea, pectines, forfices, & scopulas, & alia ad ministerium hoc necessaria.

Quolibet mense die assignando à Superiore omnes tondentur, ac sciat à Superiore quosnã debeat vocare ad faciendam tonsuram, & qua hora, vocabitq. singulos, prout occupationes permiserint singulorum.

Fiat omnibus in eodem loco, & tempore, seruetur silentium strictissimè, tantò diligentius, quantò periculosius efficitur, in quo si erit defectus, minister admoneat, vel si eius admonitio non sufficiat, significet Superiori.

Pannos petat mundos, curam habeat de forficibus benè acuendis, seũ renouandis, cum opus fuerit, admonito Superiore.

Nunquam adhibeantur specula, & saponēs, nec aliquis radatur.

Peracta tonsura mundet cubiculum, & omnia reponat suo loco.

Instructio Officialium in genere.

HAbeant aliquas Imagines ad deuotionem excitandam in loco conuenienti.

Cl-

Claues officinæ absconditas habeant non patentes .

Claues non dimittant in serâ , nec portam apertam relinquunt , dum ipsi intrâ non sunt , nec intus officinam se claudant .

Cum foras exeunt , admoneant Superiorem , apud quem debent relinqui claues ad omnem euentum .

Nihil , quod non pertineat ad suam officinam habeant inclusum in ea sine scitu , & venia Superioris .

Habeant suas instructiones , videant illas , & legant saltem quolibet mense .

Munditiam in sua officina affectent , & omnia benè disposita suis locis habeant .

Inuentarium rerum ad suum officium pertinentium omninò habeant , & aliquando reuideant , si quid desit , & si aliquod de nouo addatur , addant etiam in Inuentario , si verò pereat , moneant Superiorem , vt de nouo fiat , aut ex Inuentario deleatur , Inuentariumq. tradant successori finito officio .

Strictum silentiũ in officina obseruent , & si necesse sit loqui , submissa voce loquantur , nunquã cantet , ita vt à trãseuntibus possint audiri .

Inter se benignè , & vrbane agant , nemo se immisceat in officio aliorum , vt iurgia , & reprehensiones euitentur .

Si officia sint talia , vt vnus dependeat ab alio ,

alio, à Superiore sciant quomodo inter se debeant se gerere. 201

Meminerint, se seruos Dei esse, Deoq. in seruis suis inferuire

Laborantes corpore, mentem ad Deum eleuare curent.

Instructio Bibliothecarij.

Libros, præsertim sacros, tanquam cælestia dona, quibus ad sapientiam promoueamur, plurimi faciat.

Codicem habeat, in quo omnes libri, tam præsentēs, quàm futuri per classes distinctè notentur.

Libros cuiuscunq. scientiæ distinctis receptaculis ita disponat, vt facile inueniri possint, capiti cuiuscunque classis grandioribus characteribus scientiæ illius, putà, Theologiæ, Iuris canonici, Philosophiæ, &c. nomen scribat.

Indicem librorum prohibitorum perspectum habeat, ne quis liber prohibitus per incogitantiam admittatur, quod si quem deprehendat, statim admoneat Superiorem, & depellatur de communi Bibliotheca in armarium, aliquod, seu locum clausum ad hoc deputatum vt quamprimum ad Inquisitorem, sed ad quem spectat, deferatur.

Si qui libri percant, vel iuxta de causa donen-

nentur, alios eorundem auctorum suffici curet, vel de codice debeat.

Si qui libri de licentia Superioris (sinè qua, & primi Discreti nullo modo commodari possint) accomodentur extraneis, retineat cathalogum omnium, & si absque nota inurbanitatis fieri poterit, petat aliquam subscriptionem ab illo, cui accomodantur, & curet, ut recipiantur, cumq. recepti fuerint de cathalogo debeat, quod, ut præstet, Superior non permittat per alium, quam per Bibliothecarium extrahi ex Bibliotheca libros accomodandos, nec reponi receptos.

Si libri alicuius momenti præcipuè accomodentur alteri Conuentui nostro, curet, quod cathalogus eorum subscribatur à Priore illius Conuentus, vel ab alio eius nomine, annotato die, & anno, ne propter obliuionem remaneat extra Conuentum.

Curet habere aliquam notitiam librorum, qui sunt per Cellas, & apud quos sint, ut faciliè, si quærantur, possint inueniri, quod efficiet, si hi, qui de licentia Superioris accipiunt libros, non extrahant sinè scitu Custodis, vel saltem postea moneant.

Sciant, quod sicut alij non possunt extrahere libros ex Bibliotheca sinè licentia Superioris, sic nec ipse Bibliothecarius, immò nec in Bibliotheca legere libros, quos alias non legeret,

geret, ne tempus superuacaneè expendat.

Libros profanos, qui ad Institutum nostrum esse non possunt, vsu non quærat, si qui autem eiusmodi sint, Superioris permissu permutet, vel abscondat.

Manuscripta seorsum reponat, & si fuerint alicuius viri grauis, seu antiqua, curam singularem eorum habeat, omnia peruoluat, vt de singulis rationem reddere possit.

Munditiam curet, puluerem, aranearumq. telas, & quasuis alias sordes semel saltem, in hebdomada abstergat, sed tinearum, & murium remedia præsertim prouideat.

Moueatur aliquando libros, qui rarò solent aperiri.

In Bibliotheca in loco commodiori habeat mensam cum atramento, & cartâ ad scribendum, & aliquot sedilia, seu scabella pro eis, qui eò ingrediuntur.

Moneatur eos, qui ibi student, vt libros in ea loca reponant, vndè acceperint, & ipse aliquando perlustret, si casu aliquis liber sit extrâ suam seriem, & reducat.

Eos libros, ex quibus non habentur plura exemplaria, maximè si sint vsui ordinario, non permittat extrahi ex Bibliotheca, & si aliquando extrahantur, curet vt quantocius reducantur, & moneatur Priorem, si Religiosi in Cella teneant libros, quibus rarò vtuntur,

& curret, vt reducantur in Bibliothecam.

Curret, ne pretextu huius officij sit extrâ Cellam, plusquam necessitas ipsa præcisè postulat, ac similiter fugiat occasiones loquendi in Bibliotheca, quinimmò si aliquos ibi viderit loquentes, moneat, & si non proficiat, certio rem Superiorem faciat, vt tales loquaces ad Bibliothecam ire non permittat.

Bibliothecam in dies augeri curret Sanctis præcipuè Patribus, admonendo Superiorem de libris, qui denuò exire in lucem nouerit, seruata tamen modestia, recollectione, & obedientia.

Instructio Ministri Hospitum.

Hospitalitatis virtutem, vtpotè charitatis partum, magni faciat.

Statim, ac Fratres nostros aliundè venisse re-
seierit, eos insigni amoris significatione con-
ueniat, & si opus fuerit, lintea ad sudorem de-
tergendum, & ad frigus pellendum ignem,
pro temporum diuersitate paret, interimq;
dum cætera disponuntur, Cellam mundet, &
lectos commodos sternat, tunicas etiam vt
mutentur, & lodices mundos, vt à lassitudine
recreentur.

Pedes lauet more Christi, qui pedes hospiti-
bus suis lauare consuevit, & à labore recrea-
tos

tos in Refectorium deducat, & pro necessitatibus, & charitatis modo eis victum ministret, in Cellasq. reducat, vbi, quæ opus sunt, utpotè, libros, vasa, vel alia, quibus indigere perspexerit, provideat.

Hæc ipsa erga Religiosos alios apud nos diuersantes præstabit.

Discet ab hospitibus, quota hora surgere velint, ut eos excitet.

Postero die dato silentij signo soluendi, nisi necessitas aliud exposcat, illos visite, & quomodo se habuerint, & an aliquid eis sit necessarium, fisciterur, ac provideat.

Si hospites sæculares sint (quibus variè ministrandum est) comiter eos excipiat, & quid agendum cum Superiore conferat.

Caneat, ne cum hospitibus, vel sæcularibus, vel Religiosis verbosus sit, aut ab eis noua velit audire, aut quæ secretò apud nos aguntur, eis imprudenter detegere.

Cum ministrat hospitibus, ne cum eis verba faciat, vel in villo alio actu obseruantiam, & boni exempli vinum eneruet.

Recedentes hospites, vsque ad Conuentus Ianuam comitetur, & veniam de hospitalitatis imperfectione postulet.

Postquam hospites recesserint, lodices, stramenta, & cætera, quæ in eorum vsum extraxit, mundet, & in communia promptuaria referat.

Instructio Ministri Infirmorum.

Sic erga infirmos affici curet, ac mater erga filios, & quod plus est, ac si Christus ipse faceret ægrotus.

Cum primum quis decumbit, accurrat Minister, & lectum pro ratione status nostri mûdum, ac commodum sternat, ac si opus est, tam lectum, quàm ægrotum linteis vestiât.

Medicum accersiri faciat, cuius præscripta fideliter obseruet.

Quoad victum attinet, quàm exactè possit, quæ Dominus prouiderit, paret, & tempora obseruet, vt opportuna omnia faciat, & morbi fastigia obsequio suo extenuet.

Mundiciam curet, quotidie vasa lauet, Cellæ pauimentum quoties sorduerit, verrat, & pro ratione paupertatis nostræ lintea, puluinos, & reliqua mutet.

Vasa, aromata, conditanea, medicamenta, & reliqua Infirmorum vsui necessaria loco designato, clausoq. custodiet, & pro necessitatibus modo distribuet.

Insideri, nisi morbus ingrauescens obstat, pulis lectum curet, ac molliat.

et nouos charitatis modos ad suos, quibus laborem diminuat, & it, cuiusmodi sunt, febri feru-

ue.

uescente, fontes artificiales, & pro tempore
florum fasciculi, aliaq. similia, quæ ad spiri-
tuale sensum traduci possunt.

Caueat, in diuturnis præsertim, & grauibus
morbis, ne tedio afficiatur, quod si cente-
tur, studeat eam passionem subiugare, achi-
larem vultum semper exhibere.

Sit verbis lenis, ac suavis, & colloquia spi-
ritualia cum ægrotis misceat, duraq. fortasse
verba, quæ ab infirmis morbus extorquet, le-
niter accipiat.

Caueat, ne morbi prætextu ad mores sæcu-
lares infirmi redeant, ne cum conualuerint,
claustrum disciplinam oderint, quod, si quid eius-
modi depræhendat, Superiorem admoneat.

Cum ijs, qui non decumbunt, & leuiter
ægrotant, quomodo se gerere debeat, quoad
rationem victus, & alia necessaria à Superio-
re discat.

Nullam personarum, sed solius necessitatis
rationem habeat, & iuxta eam singulis æquali-
ter ministret.

Cum aliquis ex conualescentibus ægrotan-
tium victu, aut commoditate non egere cre-
diderit, Prælatus moneat, idemq., quando ali-
quis indiguerit, faciat.

Dùm infirmi conualescunt, singularem cu-
ram gerat, ne modum victus excedant, & in-
morbum relabantur, offeruetq. an bonorum

morum iacturam faciant, de quibus Superiorem quoque moneat.

Inualeſcente morbo Superiorem de periculo certiorẽ faciat, vt Sacramentis Eccleſiæ, & ſuffragijs Religionis ægroti muniantur.

Nunquam de Cælo mutando, aut alio remedio, quò extrà Clauſtra vtendum ſit, cum infirmo, vel Medico agat ſinè præuia Superioris venia, idemq. obſeruabit, quoties remedium aliquod minùs cum Inſtituto noſtro conuenire videbitur.

Obſeruet exactè Conſtitutionem præcipientem, vt Fratres decumbentes extrà valetudinarium manere Superiores non permittant, vltrà triduum, ſed illuc deferri præcipiant, quotidieq. ibi, ſi fieri poteſt, ægroti omnes ſacrum audiant, quod ſi ob aliquam cauſam dimittendum ſit ſacrum, non dimittatur ſinè ſeitu Superioris.

Curet etiam, vt tempore recreationis infirmi ſoli non remaneant, monendo Superiorem, vt aliquem ad eos ſolandos mittat, & dùm decumbunt, meminerit Miniſter infirmorum, tempeſtiuè auferre menſam, & alia vtenſilia, quibus infirmus uſus eſt.

Instructio Ministri Refectorij.

Sic omnia paret, ac si Christus, & Apostoli sessuri essent, quos sub imagine Superioris, subditorumq. concipiat.

Bis saltem in hebdomada linteola mutet, Dominica scilicet, & Fer. Quinta, nisi ob aliquod Festum, aut Professionis, aut alicuius solemnitatis rationem dies mutari debeat.

Vrceos, reliquaq. vasa semel saltem in hebdomada intus, forisq. lauet, & detergat.

Mensas, tabellasq. vasis suppositas, opercula, salina, cultros, & coclearia semel per mensem lauet, ac sedium puluerem tergat.

Præter assignatum tempus, quoties aliquid sordidum depræhenderit, accuratè mundet.

Quotidiè linteola, suisq. locis complicata, cultrum, & cocleare suppositum, poculumq. reuerset, & quantum opus fuerit, abstergat.

Refectorij pavementum quotidiè verrat, & quoties opus sit, herentes vini, pulmentorum, vel rerum aliarum sordes eradat.

Lucernas, quas hyeme paratas, & mundas habere debet, per mensas ita distribuatur, ut quid agatur, commodè discerni possit.

Panem, vinum, fructus, & alia ad victum spectantia, quæ ab ipso distribuenda sunt, in Armarijs, seu Cellarijs ita seruet, ut nihil cor-

rumpatur, & cum quid necessarium deest, Superiorem admoneat.

Fragmenta panis, vini, & fructuum, vel rerum aliarum reliquias, quæ fortuito supersunt, colligat, & seponat, ne contra paupertatis cultum pereant.

Æqualitatem in distributione victus servare studeat, & quod ad numerum ferculorum, & quantitatem panis, aut fructuum in Ecclesiasticis, & nostris quoque ieiunijs ad collationem apponendam spectat, à Superiore discat.

Silentium, quam potuerit, strictè colat, & contentiones cum Socijs, & culinæ Ministris vitet.

Bis saltem per hebdomadam mutet linteas, quæ præ foribus Refectorij pendeant, ubi Fratres antè prandium, cœnamuè manus lavant, & abstergunt.

Vbi refectionis signum datur Refectorij fores omnes aperiat, caueatque, ne Fratres venientes ex clavis incuria retardet.

Prælatis, aut alijs Viris Illustribus, apud nos pransuris, bina linteola, alterum subtus, alterum supra panem explicata coaptabit, & ad manus abluendas vasa munda, & lintea seposita habebit.

Dum prandent, qui ad secundam mensam sedent, Refectorium aptare curet, ut vesperti, quod faciendum superest, absoluat citius, idèq. post

post cœnam, collationemue, dum sedent, qui serò accubuerunt, obseruabit. 2106

Æstare, non antequam refectionis tempus instet, aquam vrceis infundat, & vinum ministrandum è Cellario depromat.

Libros, qui in Refectorio leguntur, opportuno loco rectos, & mundos asseruet.

Expleto officio Refectorium claudat, nec, nisi statis horis, vel ex alia iuxta occasione, aperiat.

Instructio Ministri Cella Vinaria.

Vinum illud, si plura sint, det, quod Superiori videbitur.

Caueat, ne vel minimum bibat, nisi fortè oporteat experiri vina, vel videri, an corrumpantur.

Discat modum conseruandi vinum tempore æstatis, vel quod melius possit diutius, & quod minus seruari possit, significet Superiori.

Instrumenta diligenter seruet necessaria pro sua officina, admoneat opportunè de do-
lijis cum sunt vetusta, vel aliqua indigent re-
paratione, mundum habeat totum locum, præsertim à telis araneorum.

Sciat à Superiore, quomodo vinum ministrabit Communitati, ne calidum apponatur.

Va-

Vasa autem, quæ ad hoc opportuna erunt, curet habere, & intus, & extra benè tergat, ne contrahant aliquid, quod nocere possit.

In Conuentibus, vbi emuntur vina, & est necessarium facere prouisionem, curet, vt fiat tempore opportuno, & discat à peritis in hac materia, quomodo debeant conseruari, & quid sit necessarium habere præparatum pro occasionibus occurrentibus, & omnia curet habere disposita.

Nullum ducat ad Cellam vinariam, nisi de expressa venia Superioris, nec vinum aliquod particulare omninò apponat vlli Religioso, siuè sæculari sinè eadem venia.

Instructio Quæstoris Eleemosinarum.

C Vi cura quærendi eleemosinam demandata est, si ostiatim quærat, singulari modestia petat pro Dei amore, non canendo, sed simpliciter dicendo; laudetur Iesus Christus, detur eleemosina pro amore Dei pro Fratribus Discalceatis, vel Conuentu N. vel quid simile, & cum accipit gratias agat dicendo, Dominus retribuat, similiter quando nihil ei tribuetur: si accipiat pecunias, reponat in arcula lignea, vel in sportula, nec ferat in manibus.

Caveat à multa colloquutione præcipuè cum mulieribus, & cum multa totiùs corporis, &
præ-

præcipuè oculorum moderatione, & modestia incedat, & agat cum sæcularibus.

Patientiam seruet, si quando iubetur expectare, vel ei negatur eleemosina, nec conquerratur cum alijs, etiam illius domesticis, vel nostris Religiosis.

Si quando petendo panem, vel quid aliud, detur ei pecunia, non eam expendat in panem, vel aliquid aliud, sed deferat Domi ad Superiorem, vt iuxta illius arbitrium expendatur, nec faciat panem, nec aliud deferre per sæculares, nisi de venia Superioris, si quando esset occupatus, vel in aliquo casu raro.

Si dicat aliquis, quid nam velit, pecuniam, vel panem, vel aliud, respondeat, quod ipsis magis videbitur, sciatq. à Superiore quid in hoc casu debeat facere, & quomodo respondere.

Nemini aliquid det, nisi habeat aliquando expressam veniam Superiorum.

Omnem pecuniam statim, ac Domum reuertitur, in arca trium clauium reponat.

Si sint duo Quæstores, notos faciat alter alteri eos, à quibus eleemosinas accipiunt, ne vterq. adeat eisdem, & ob frequentiam fastidio sint benefactoribus. Caueant autem, contentionem inter se, & vnusquisque facilè cedat alteri, & absque vlla specie inuidiæ, vel emulationis vnusquisque munus suum expleat ea, qua poterit, diligentia.

Cum

& curet, vt reducantur in Bibliothecam.

Curet, ne pretextu huius officij sit extrâ Cellam, plusquam necessitas ipsa præcisè postulat, ac similiter fugiat occasiones loquendi in Bibliotheca, quinimò si aliquos ibi viderit loquentes, moneat, & si non proficiat, certio rem Superiorem faciat, vt tales loquaces ad Bibliothecam ire non permittat.

Bibliothecam in dies augeri curet Sanctis præcipuè Patribus, admonendo Superiorem de libris, qui denuò exire in lucem nouerit, seruata tamen modestia, recollectione, & obedientia.

Instructio Ministri Hospitum.

Hospitalitatis virtutem, vtpotè charitatis partem, magni faciat.

Statim, ac Fratres nostros aliundè venisse rescierit, eos insigni amoris significatione conueniat, & si opus fuerit, lintea ad sudorem detergendum, & ad frigus pellendum ignem, pro temporum diuersitate paret, interimq. dum cætera disponuntur, Cellam mundet, & lectos commodos sternat, tunicas etiam vt mutantur, & lodices mundos, vt à lassitudine recreentur.

Pedes lauet more Christi, qui pedes hospitibus suis lauare consuevit, & à labore recreatos

ros in Refectorium deducat, & pro necessitatibus, & charitatis modo eis vicum ministret, in Cellasq. reducat, vbi, quæ opus sunt, utpotè, libros, vasa, vel alia, quibus indigere perspexerit provideat.

Hæc ipsa erga Religiosos alios apud nos diuersantes præstabit.

Discet ab hospitibus, quota hora surgere velint, ut eos excitet.

Postero die dato silentij signo soluendi, nisi necessitas aliud exposcat, illos visitet, & quomodo se habuerint, & an aliquid eis sit necessarium, siscitetur, ac provideat.

Si hospites sæculares sint (quibus variè ministrandum est) comiter eos excipiat, & quid agendum cum Superiore conferat.

Caneat, ne cum hospitibus, vel sæcularibus, vel Religiosis verbosus sit, aut ab eis noua velit audire, aut quæ secretò apud nos aguntur, eis imprudenter detegere.

Cum ministrat hospitibus, ne cum eis verba faciat, vel in villo alio actu obseruantiam, & boni exempli vinueneruet.

Recedentes hospites, vsque ad Conuentus Ianuam comitetur, & veniam de hospitalitatis imperfectione postulet.

Postquam hospites recesserint, lodices, stramenta, & cætera, quæ in eorum vsum extraxit, mundet, & in communia promptuaria referat.

Instructio Ministri Infirmorum.

Sic erga infirmos affici curet, ac mater erga filios, & quod plus est, ac si Christus ipse faceret ægrotus.

Cum primum quis decumbit, accurrat Minister, & lectum pro ratione status nostri mūdum, ac commodum sternat, ac si opus est, tam lectum, quàm ægrotum linteis vestiāt.

Medicum accersiri faciat, cuius præscripta fideliter obseruet.

Quoad victum attinet, quàm exactè possit, quæ Dominus prouiderit, paret, & tempora obseruet, vt opportuna omnia faciat, & morbi fastigia obsequio suo extenuet.

Munditiam curet, quotidie vasa lauet, Cellæ pauimentum quoties sorduerit, verrat, & pro ratione paupertatis nostræ linteā, puluinos, & reliqua mutet.

Vasa, aromata, conditanea, medicamenta, & reliqua Infirmorum vsui necessaria loco designato, clausoq. custodiet, & pro necessitatis modo distribuet.

Vesperī, nisi morbus ingrauescens obstat, diebus singulis lectum curet, ac molliat.

Excogitet nouos charitatis modos ad solandos ægros, quibus laborem diminuat, & spiritum alat, cuiusmodi sunt, febri fer-

ue.

uescente, fontes artificiales, & pro tempore
florum fasciculi, aliaq. similia, quæ ad spiri-
tuale sensum traduci possunt.

Caueat, in diuturnis præsertim, & grauib.
morbis, ne tedio afficiatur, quod si tente-
tur, studeat eam passionem subiugare, achi-
larem vultum semper exhibere.

Sit verbis lenis, ac suavis, & colloquia spi-
ritualia cum ægrotis misceat, duraq. fortasse
verba, quæ ab infirmis morbus extorquet, le-
niter accipiat.

Caueat, ne morbi prætextu ad mores sæcu-
lares infirmi redeant, ne cum conualuerint,
claustrum disciplinam oderint, quod, si quid eius-
modi depræhendat, Superiorem admoneat.

Cum ijs, qui non decumbunt, & leuiter
ægrotant, quomodo se gerere debeat, quoad
rationem victus, & alia necessaria à Superio-
re discat.

Nullam personarum, sed solius necessitatis
rationem habeat, & iuxta eam singulis æquali-
ter ministret.

Cum aliquis ex conualescentibus ægrotan-
tium victu, aut commoditate non egere cre-
diderit, Prælatum moneat, idemq., quando ali-
quis indiguerit, faciat.

Dùm infirmi conualescunt, singularem cu-
ram gerat, ne modum victus excedant, & in
morbum relabantur, offeruetq. an bonorum

morum iacturam faciant, de quibus Superiorem quoque moneat.

Inualeſcente morbo Superiorem de periculo certiorē faciat, ut Sacramentis Eccleſiæ, & ſuffragijs Religionis ægroti muniantur.

Nunquam de Cælo mutando, aut alio remedio, quò extrà Clauſtra utendum ſit, cum infirmo, vel Medico agat ſinè præuia Superioris venia, idemq. obſeruabit, quoties remedium aliquod minùs cum Inſtituto noſtro conuenire videbitur.

Obſeruet exactè Conſtitutionem præcipientem, ut Fratres decumbentes extrà valetudinarium manere Superiores non permittant vltrà triduum, ſed illuc deferri præcipiant, quotidieq. ibi, ſi fieri poteſt, ægroti omnes ſacrum audiant, quod ſi ob aliquam cauſam dimittendum ſit ſacrum, non dimittatur ſinè ſeitu Superioris.

Curet etiam, ut tempore recreationis infirmi ſoli non remaneant, monendo Superiorem, ut aliquem ad eos ſolandos mittat, & dùm decumbunt, meminerit Miniſter infirmorum, tempeſtiuè auferre menſam, & alia utenſilia, quibus infirmus uſus eſt.

Instructio Ministri Refectorij.

Sic omnia paret, ac si Christus, & Apostoli sessuri essent, quos sub imagine Superioris, subditorumq. concipiat.

Bis saltem in hebdomada linteola mutet, Dominica scilicet, & Fer. Quinta, nisi ob aliquod Festum, aut Professionis, aut alicuius solemnitatis rationem dies mutari debeat.

Vrceos, reliquaq. vasa semel saltem in hebdomada intus, forisq. lauet, & detergat.

Mensas, tabellasq. vasis suppositas, opercula, salina, cultros, & coclearia semel per mensem lauet, ac sedium puluerem tergat.

Præter assignatum tempus, quoties aliquid sordidum depræhenderit, accuratè mundet.

Quotidiè linteola, suisq. locis complicata, cultrum, & cocleare suppositum, poculumq. reuerset, & quantum opus fuerit, abstergat.

Refectorij pavementum quotidiè verrat, & quoties opus sit, herentes vini, pulmentorum, vel rerum aliarum sordes eradat.

Lucernas, quas hyeme paratas, & mundas habere debet, per mensas ita distribuat, ut quid agatur, commodè discerni possit.

Panem, vinum, fructus, & alia ad victum spectantia, quæ ab ipso distribuenda sunt, in Armarijs, seu Cellarijs ita seruet, ut nihil cor-

rumpatur, & cum quid necessarium deest, Superiorem admoneat.

Fragmenta panis, vini, & fructuum, vel rerum aliarum reliquias, quæ fortuito supersunt, colligat, & seponat, ne contrà paupertatis cultum pereant.

Æqualitatem in distributione victus servare studeat, & quod ad numerum ferculorum, & quantitatem panis, aut fructuum in Ecclesiasticis, & nostris quoque ieiunijs ad collationem apponendam spectat, à Superiore discat.

Silentium, quam potuerit, strictè colat, & contentiones cum Socijs, & culinæ Ministris viter.

Bis saltem per hebdomadam mutet lintea, quæ præ foribus Refectorij pendeant, ubi Fratres antè prandium, cœnamuè manus lavant, & abstergunt.

Vbi refectionis signum datur Refectorij fores omnes aperiat, caueatque, ne Fratres venientes ex clavis incuria retardet.

Prælati, aut alijs Viris Illustribus, apud nos pransuris, bina linteola, alterum subtus, alterum supra panem explicata coaptabit, & ad manus ablundas vasa munda, & lintea seposita habebit.

Dum prandent, qui ad secundam mensam sedent, Refectorium aptare curet, ut vesperi, quod faciendum superest, absoluat citius, idēq. post

Carmelit. Discalceat. 153

post cœnam, collationemue, dum sedent, qui serò accubuerunt, obseruabit. 406

Æstate, non antequam refectionis tempus instet, aquam vrceis infundat, & vinum ministrandum è Cellario depromat.

Libros, qui in Refectorio leguntur, opportuno loco repositos, & mundos asseruet.

Expleto officio Refectorium claudat, nec, nisi statis horis, vel ex alia iuxta occasione, aperiat.

Instructio Ministri Cella Vinariae.

Vinum illud, si plura sint, det, quod Superiori videbitur.

Caueat, ne vel minimum bibat, nisi fortè oporteat experiri vina, vel videri, an corrumpantur.

Discat modum conseruandi vinum tempore æstatis, vel quod melius possit diutius, & quod minus seruari possit, significet Superiori.

Instrumenta diligenter seruet necessaria pro sua officina, admoneat opportunè de dolijs cum sunt vetusta, vel aliqua indigent reparatione, mundum habeat totum locum, præsertim à telis araneorum.

Sciat à Superiore, quomodo vinum ministrabit Communitati, ne calidum apponatur.

Va-

Vasa autem, quæ ad hoc opportuna erunt, curet habere, & intus, & extra benè tergat, ne contrahant aliquid, quod nocere possit.

In Conuentibus, vbi emuntur vina, & est necessarium facere prouisionem, curet, vt fiat tempore opportuno, & discat à peritis in hac materia, quomodo debeant conseruari, & quid sit necessarium habere præparatum pro occasionibus occurrentibus, & omnia curet habere disposita.

Nullum ducat ad Cellam vinariam, nisi de expressa venia Superioris, nec vinum aliquod particulare omninò apponat vlli Religioso, siuè sæculari sinè eadem venia.

Instructio Quæstoris Eleemosinarum.

C Vi cura quærendi eleemosinam demandata est, si ostiatim quærat, singulari modestia petat pro Dei amore, non canendo, sed simpliciter dicendo; laudetur Iesus Christus, detur eleemosina pro amore Dei pro Fratribus Discalceatis, vel Conuentu N. vel quid simile, & cum accipit gratias agat dicendo, Dominus retribuat, similiter quando nihil ei tribuetur: si accipiat pecunias, reponat in arcula lignea, vel in sportula, nec ferat in manibus.

Caueat à multa colloquutione præcipuè cum mulieribus, & cum multa totius corporis, &
præ-

præcipuè oculorum moderatione, & modestia incedat, & agat cum sæcularibus.

Patientiam seruet, si quando iubetur expectare, vel ei negatur eleemosina, nec conquerratur cum alijs, etiam illius domesticis, vel nostris Religiosis.

Si quando petendo panem, vel quid aliud, detur ei pecunia, non eam expendat in panem, vel aliquid aliud, sed deferat Domi ad Superiorem, ut iuxta illius arbitrium expendatur, nec faciat panem, nec aliud deferre per sæcula res, nisi de venia Superioris, si quando esset occupatus, vel in aliquo casu raro.

Si dicat aliquis, quid nam velit, pecuniam, vel panem, vel aliud, respondeat, quod ipsis magis videbitur, sciatq. à Superiore quid in hoc casu debeat facere, & quomodo respondere.

Nemini aliquid det, nisi habeat aliquando expressam veniam Superiorum.

Omni pecuniam statim, ac Domum reuertitur, in arca trium clauium reponat.

Si sint duo Quæstores, notos faciat alter alteri eos, à quibus eleemosinas accipiunt, ne vterq. adeat eosdem, & ob frequentiam fastidio sint benefactoribus. Caueant autem contentionem inter se, & unusquisque facile cedat alteri, & absque vlla specie inuidiæ, vel æmulationis unusquisque munus suum expleat, ea, qua poterit, diligentia.

Cum

Cum sunt duo Cœnobîa, & ambo eleemosinas petunt, Prouincialis diuidat inter Quæstores verius Conuentus Ciuitatem, vel Benefactores, vnicuiq. assignans numerum, vel limites, quos magis expedire iudicauerit, vt totum prudentius fiat, & cum minori dispendio charitatis, quod totum obseruabunt Priores, & Quæstores, ne se mutuo impendant.

Non reportent nuncia à Religiosis ad sæculares, nec è contrâ, nec epistolas, nec salutationes, aut munera, &c. sinè Prioris expressa venia, & scitu.

In Refectorio dicant eleemosinas, inter quas, si quam maioris momenti acceperint, dicant in particulari à quo, referant etiam necessitates, quæ nostris orationibus commendantur, quod si impediti fuerint, dicant Ianitori, vel alteri, ex venia Superioris, vt ipse referat in Refectorio.

Non petant delicatiora, & præciosiora, etiam pro recreatione, vel Festiuitatibus, nisi Superior expressè iubeat.

A Superiore sciant, quomodo se gerere debeant cum Episcopis, Magnatibus, & Viris Illustribus, tum quoad tempus, tum quoad modum petendi ab ipsis eleemosinam.

Abstineant ab alijs colloquutionibus, & familiaritatibus, nec se detineant cum sæcularibus, præcipuè fœminis, nec se ingerant in illorum

rum negocijs agendis, nec aliquid omninò petant pro alijs etiam pauperibus, & consanguineis, nisi de expressa Superioris licentia, ad quem spectat, veniam dare.

Habeant, & legant semel in Mense huiusmodi Instructionem.

Instructio Emptoris.

Ille, cui fuerit hoc officium demandatum, fidelitatis, & paupertatis, ac boni exempli maximam curam gerat.

Nihil pro se, vel pro alio, quantumvis minimum, emat, nisi de expressa venia Superioris, aut Procuratoris.

Habeat codicem, in quem referat eas, quas acceperit, pecunias notato die, & mense.

Scribat similiter quomodo, & quæcunque expendit, vel emit, ut possit reddere rationem quotidie, vel alternis diebus Procuratori.

Nullam pecuniam det mutuo alicui, siue ex nostris, siue extraneis absque venia Superioris, vel accipiat mutuo pecuniam ab aliquo siue eadem venia Prioris, vel Procuratoris, annotato die, & mense, summa ipsius pecuniae, & personæ, à qua accepit, quam etiam curabit quantocius restituere, & de omni tali pecunia rationem reddat Procuratori, antequam eat cubitum.

Non

Non seruet apud se aliquam pecuniam, etiā si ab aliquo Religioso, vel saculari detur illi seruanda, nisi tantummodo eam, quam a Procuratore accipit pro quotidianis expensis.

Emat res bonas, non inutiles, nō putridas, caueat autem, ne, quia ex proprijs nō expēdit, sit facilis ad soluendum quodcunque pretium, sed memor paupertatis Christi, quantum potuerit, & studeat, res emere pro modico pretio, & eas, quæ ordinariē deferuiunt Conuentui, quas non mutabit, nisi de venia Superioris.

Non emat res insoluto pretio absque venia Superioris, quod si faciendum sit, & scribat, & annotet rem, quam acceperit, diem, mensem, & pretium, quo res illa venit, deq. his omnibus admonēat Superiorem, vel Procuratorem, & curet vt quantocius soluatur.

Si aliquando emere debeat per aliquem saecularem, id omninō faciat ex ductu Superioris, ita tamen, vt non vtatur saecularibus ad deferendas Domi res, quas emit, sine magna necessitate.

Nullas salutationes referat Domi, vel rumores, multō minūs literas, & nuncia absque venia Superioris.

Omnes, cum quibus loqui, & agere contingat, curet suo exemplo edificare, fugiatq. omnem speciem contentionis, & scurrilitatis, ac cauillationes, ita vt in omni re resplendeat illa

illa prudentia, & modestia, quæ decet Religiosum virum.

409

Instructio Coqui.

SCiat à Priore, quid diuersis temporibus debeat per singulos dies parare Communitati, nec id transgrediatur; quod si aliquid desit, illum tempestiuè admoneat, vt maturè prouidere possit.

Silentium seruet cum alijs, maximè Infirmario, & Ministro Refectorij, cum quibus patienter, & cum magna charitate, ac vrbanitate agere curet.

Aquam tùm manè, tùm post prandium tempestiuè paratam habeat ad tergendas lances, lintea etiam reposita pro terforibus, & furfur, vel quid simile ad abluendas manus.

Munditiam in omnibus accuratè seruet, & locum, vbi vasa abluuntur manè, & à prandio quotidie verrat, lebetes, & cacabus, & huius generis vasa fictilia, ac ferrea ad Culinæ usum absterget diligenter, & lauet, postquam vsus fuerit, eadem quarto quoque mense singulari quadam diligentia absterget, & nitidissima efficiat vltra consuetum morem, opercula verò, & coclearia maiora, & similia singulis mensibus.

Pi-

Pisces, & alia cibaria, quæ ad mensam portanda sunt, cruda quidem dum incidit, vel parat, modestè tractet, & benè abluta in vasa conijciat, & postquàm cocta fuerint, quantum commodè fieri poterit, omninò digitis non contrectet, sed eorum loco cocleario vtatur.

Esculenta, quæ pro qualitate sua id requirunt, abluat, & mundet, terraque, lapillis, & omni sorde expurget, & studiosè, ac diligenter necessarium temporis spatium ad eam rem fumer.

Aduertat, ne plura, quàm necessaria sint, ligna comburantur, & quod maioris temporis spatio conficeretur, vehementiori igne adhibito citius absoluat.

Quæ cocta fuerint, pro rerum qualitate calida seruet, quod maximè attendendum est pro ijs, qui secundæ mensæ accedunt, quibus omninò curet res benè præparatas apponere.

Culinam frequenter verrat, tabulas, mensas, & armaria composita, & benè disposita, ac tersa semper habeat.

Dum Coquinam agit, habeat linteum antè se, ne contrahat immunditiam in habitu, habeat etiam alium habitum mundum ad inferuendum sacris, si vocetur ad hoc, & curet non accedere, nisi manibus benè lotis.

Partes æquales omnibus ministret, nihil diuersum, nec diuersè conditum alicui por-

rigat, nisi de expressa venia Superioris.

Pro pauperibus maturè præparet ea, quæ Priori videbuntur, & ex his, quæ Religiosis supererint, à Ianitore deferenda ad pauperes.

Sit memor paupertatis, & charitatis, ita ut ea, quæ Religiosis tribuit, & munda sint, & benè cocta iuxta exigentiam rei, nec tamen sumat quædam superflua, ut sunt species aromaticæ, zaccarum, & similia, nisi cum multò moderamine, & rarò, & de Prioris expressa venia.

Paupertatis memor, quæ supersunt, nitidè conseruet, ut aliquando iterum possint inferuire, sed in hoc Prioris ductum sequatur, ne metas excedat.

Cum pulsatur ad examen conscientiæ, incipiat præparare, & in ministrandis ferculis, cum diligentiam adhibeat, ut Religiosis in Refectorio expectandum non sit, quod si solus non poterit ministrare, Socium petat à Superiore.

Instructio Vestuarij.

VEstimentorum omnium, quæ induendi, præcingendi, insternendi, incubandique causa parata sunt, & alterius officio assignata non sunt, diligentem curam gerat.

In Vestuario idonea habeat armaria, in quibus

L

bus

bus distinctè, & diligenter recondita seruet vestimenta ad cuiuscunque vsum destinata, interiores autem tunicas, & subligacula proprijs nominibus eorum, ad quorum vsum assignantur, filo, vel alio meliori modo signet, nisi aliud Superiori videatur.

Habeat Armarium aliquod benè clausum, pro vestibus Nouitiorum, & clauem taliter custodiat, ne facilè ab alijs possit inueniri.

A puluere, muribus, tineis, &c. omnia seruare incorrupta curiosè curet, & ideò per ætatem, quæ lanæ sunt, sæpè Soli, & Aeri exponet, & puluerem excutiat, quæ tamen nocte in Vestuarium deferat.

Bis saltem in anno, hoc est, Vere, & Autumno lodices omnes curet à puluere diligenter discuti, & Aeri exponi, quæ de re suo tempore Superiorem admoneat.

Moneat itidem Fratres, vt si quid in eorum vestimentis consuendum, vel quocumque modo reconcinnandum fuerit, ad ipsum deferant, ne maior iactura fiat.

Vestimenta, quæ pro temporis, vel vsu ratione in cubiculis habere non debent, curet quantociùs sibi tradi, & ea, quæ trita sunt, exigat, cum quis noua accipit.

Moneat Superiorem tempestinè de eo, quod ad singulorum, & communem vsum comparandum, prouidendumq. cognouerit, vt tempore

op-

oportuno præparari possit, & si quid ei vsui, cui fuerit destinatum, amplius aptum non esse viderit, sciat à Superiore, quid de eo agendum sit.

In faciendis, & refarciendis vestibus caueat, ne quicquam, quamuis minimum faciat contra nostrum institutum, aut res novas, quamuis leues introducat: habeat in officina affixam tabellam, in qua per ordinem descriptæ sint mensuræ, formæ, & qualitates cuiuscunque indumenti in particulari, quas nullo modo transgrediatur, & si quis aliquid diuersum postulauerit, moneat Superiorem, quid expediat facere.

Maximè inuigilet, ne in aliquibus vestibus, quæ siuè pro infirmis, siuè pro iter agentibus aliquando fiunt, aliquid curiositatis introducatur, veluti lodices, & vestes interiores ex bombixo, vel lino, sed omnia lanea sint, & non curiosè elaborata, sed paupertati congrua, & si contigerit aliquid simile aliundè ad Conuentum afferri, Superiori ostendat, vt iudicet, quid faciendum sit, & in Visitationibus Visitatori proponat ista visitanda, ne quid in hoc genere contra bonam Religionis consuetudinem admittatur.

Vestimenta, & reliqua Religiosorum vsui assignata, neminem sibi sumere, nec eorum loca peruestigare, aut quicquam mutari per-

mittat, sine expressa Superioris venia.

Vestuarium ipsum à superiori parte, & circumcirca à telis aranearum, & omni immunditia purget, & bis in hebdomada saltem ver-
rat. Armaria item ab omni sorde libera semper habeat.

Semel in hebdomada singulorum Fratrum, tunicas interiores, & subligacula lauabit, si tamen in hyeme aliquando ob temporis incommoditatem non ita frequenter lauari, & ficcari poterunt, moneat Superiorem, & secundum illius præscriptum poterit tempus differre.

Mappas, & manutergia pro Refectorij vsu bis in hebdomada permutanda providebit Ministro Refectorij: omnia autem bene munda, & sicca diligenter tradere curet,

Instructio Hortulani.

CVram habeat purgandi vias, ac suis temporibus semina terræ mundandi, plantandi olera, vites, & arbores putandi.

Nihil siue Religiosis, siue secularibus etiam minimum tribuat, quamvis abundet, & supersit Conuentui, nisi de expressa Superioris venia.

Ad vsu Domus, vel Religiosorum eas herbas, & eos fructus colligat, quos Prior ordi-

ordinauerit, & proinde ab ipso sciat, quomodo in ea re se gerat, herbas autem, & fructus non multò antè colligat, quam sit necessarium illis vti, vt, quantum fieri potest, recentia apponantur.

Temporibus suis irrigabit plantas, arbores, &c. & si ad aliquid secularis auxilio indigere videbitur, moneat Superiorem, caueatque, ne verba faciat, nisi tantum necessaria, vtilia, & religiosa, nec sinat, vt ad alia obsequia à Fratribus admittatur, nec ipse ad aliud utatur suorum opera, nisi ad id, quod à Priore assignatur.

Intra hortum, tempore Solis estiu, vel etiam cum pluit, poterit habere galerum ex paleis, vel alio, & in hyeme tempore niuium poterit vti zoccolis de venia Superioris, & in Horto tantum.

Curet scire à peritis tempus seminandi, &c. & ea plantet, ac seminet, quæ nobis magis necessaria sunt iuxta Prioris arbitrium.

Habeat etiam in Horto aliquem locum idoneum ad colendos flores pro decore Ecclesiæ, in quo sit valdè sedulus, ac studiosus.

Nihil emat, nihil vendat, nisi de Prioris expressa venia, & pretium tradat Procuratori, vel si emendum est aliquid necessarium pro Horto, emet de Prioris venia, sed ad hoc pecuniam apud se non retineat.

Instructio Calcearij .

Q Vando aliquis petit sandalia noua, non faciat sine licentia Superioris, ad quem etiam illa regulariter deferet, vt videat, an in ipsis aliquid contra nostras leges reperiat, ne aliquid superflue, vel curiosè introducatur.

Trita sandalia sibi reddi curet, & reficiat rempestiue cum primum vitium apparet, ex his etiam habeat aliqua in officina, vt commodare possit his, qui afferunt ad ipsum resarcienda, & postea recipiat.

Sandalia habeant tantummodo duas, vel tres soleas, vt præcipitur in Constitutionibus, siue illæ solæ sint integræ, siue non; particularæ autem, quibus ad pedes adstringuntur, vnius digiti latitudinem, non excedant.

Moneat Superiorem, aut Procuratorem, oportune, vt provideant corium, & alia, quibus ad suum ministerium opus habet.

FINIS



IN-

INDEX.

334



Actuum libri Conuentus Instructio.

fol.

136

Archieu Congregationis.

130

Archieu Conuentus.

133

Archieu Prouincia.

131

Bibliothecary Instructio.

143

Calceary Instructio.

166

Casuum conscientia conferentia.

105

Cella Vinaria Ministri.

153

Collationis spiritualis.

100

Confessary.

70

Conscientia rationem reddendi.

103

Coqui.

159

Emptoris Instructio.

157

Exercitiorum spiritualium.

82

Fabrica Instructio.

117

Fratrum ad alia Cœnobia migrantium.

125

Fratrum, qui ad officia designantur.

128

Fratrum, qui Socij foras mittuntur.

127

Hortulani Instructio.

164

Hospitum Receptoris.

146

Humilitatis officij.

138

Janitoris Instructio.

79

Infirmorum Ministri.

148

Informationis iuridica.

29

Iter agentium.

137

Lite-

<i>Literarum scribendarum Instructio.</i>	fol. 115
<i>Ministri rasura Instructio.</i>	141
<i>Missionum Seminarij.</i>	119
<i>Mortificationum extraordinariarum modus.</i>	107
<i>Nouitiorum receptionis Instructio.</i>	39
<i>Officialium in genere Instructio.</i>	141
<i>Prioris Instructio.</i>	54
<i>Processuum formandorum series.</i>	29
<i>Procuratoris Conuentus Instructio.</i>	72
<i>Professorum.</i>	123
<i>Professorum Conuentus.</i>	122
<i>Quæstoris eleemosinarum Instructio.</i>	154
<i>Recreationis Instructio.</i>	111
<i>Refectorij Ministri.</i>	151
<i>Sacristæ Instructio.</i>	64
<i>Secretarij Generalis, & Prouincialis.</i>	69
<i>Supprioris.</i>	62
<i>Tersoris scutellarum Instructio.</i>	134
<i>Visitatoris praxis.</i>	5
<i>Vestuarij Instructio.</i>	161

F I N I S.

322.

